

**BAGIAN III:**  
**TAON 1915 - 1939.**

# I

## TJABANG-TJABANG TIONG HOA HWE KOAN.

*A*PABILA periode 1905—1914 kita boleh namaken periode pendirian Tjabang-tjabang dari riwayat T.H.H.K., taon-taon 1915—1939 tida terlaloe salah boeat dikasi nama djeman soeroetnya Tjabang-tjabang. Itoe Hoen Kiok-Hoen Kiok oleh Kaoem Pengeroes, berhoeboeng dengan sebab-sebab fincncieel, ada diandjoerken boeat berdiri sendiri (5 October 1912). Tentoe sadja boekan meloeloe lantaran ini jang Tjabang-tjabang T.H.H.K. djadi rontok, hanja ada djoega jang menoeroet kainginan sendiri telah minta hak-hak rechtspersoon.

Kita aken toetoerken ini dengen mengikot djalannja sang waktoe.

Sebagimana soeda dioereihken, di dalem Jaarlijksche Algemeene Ledenvergadering tanggal 20 Februari 1915, jalah di waktoe dimadjoeken verslag tentang taon-perkoempoelan jang ka-15, te-lah dibertaoeken, bahoea sampe di itoe koetika T.H.H.K. sama-sekali ada poenia 23 Hoen Kiok, tapi doe a antaranja, jaitoe Tjabang-tjabang di Tjiandjoer dan Tjilatjap, soeda dapat hak rechtspersoon.

Tiong Hoa Hwe Koan Hoen Kiok Tasikmalaja kabarken dengen soerat tertanggal 17 Maart 1916, bahoea ia hendak hoeboengken diri dengen perkoempoelan Ban Lian Hwe di itoe tempat dengen toekar nama djadi Tiong Hoa Ban Lian Hwe Koan Tasikmalaja, boeat mana itoe Hoen Kiok minta perkenannja Kaoem Pengeroes T.H.H.K. Batavia. Tapi kerna ini ada melanggar Statuten, pada tanggal 23 Maart 1916 itoe permintahan telah ditoelak.

Ini Hoen Kiok di Tasikmalaja di dalem satoe Algemeene Vergadering jang diadaken pada tanggal 8 Januari 1917, petjat 4 lid, dan kamoe-dian kabarken itoe pada T.H.H.K. Batavia, jang pada 23 Maart 1917 telah tetepken itoe pametjanan. Permintaan penetapan bagi royement itoe ada mengasi liat sifatnya perhoeboengan di antara T.H.H.K. Batavia dan iapoenia Tjabang-tjabang.

Kerna T.H.H.K. Hoen Kiok Bandoeng soeda dapat hak rechtspersoon pada tanggal 11 December 1914, pada 26 April 1917 diambil poetoesan oleh T.H.H.K. Batavia aken koebrahken Tjabang di Bandoeng dan tjaboet Instructie dd. 28 September 1904 jang telah dibriken pada Bestuur Hoen Kiok itoe, kaloe itoe Tjabang soeda kasi peritoengan oewang contributie jang belon dikirim olehnya di itoe waktoe pada T.H.H.K. Batavia. Demikian di Bandoeng djadi tida ada lagi Tiong Hoa Hwe Koan Hoen Kiok Bandoeng, hanja sebagai gantinya djadi ada berdiri perkoempoelan Tiong Hoa Hwe Koan Bandoeng.

Di dalem taon 1917 Hoen Kick Tasikmalaja ada banjak kali dimasoeki dalem agenda vergadering dari T.H.H.K. Batavia. Pada 18 Mei itoe taon Kaoem Pengeroes Batavia telah tarik poelang soerat penetapan keangkatan lid-lid Bestuur baroe dari itoe Tjabang, kerna Algemeene Vergadering dari itoe Hoen Kick, jang telah diadaken pada 18 Januari 1917, tida bisa teranggep sah lantaran tida tijotjok dengen fatsal 15 dari Instructie Tjabang. Tiong Hoa Hwe Koan Hoen



Kick dititahkan adaken lagi Perhimpoenan-besar dari Lid-lid aken kasi liat Rekening en Verantwoording dan pilih Kaoem Pengeroes baroe dengen pandang itoe Algemeene Vergadering dd. 18 Januari 1917 seperti djoega tida telah diadaken. Oleh Tjabang Tasikmalaja telah diadaken lagi Perhimpoenan-besar, jaitoe pada tanggal 24 Juni 1917. Tapi kerna ini vergadering tida sah diboeikanja, pada 30 Juli 1917 T.H.H.K. Batavia kombali batalken itoe dan lebih djaoe diambil poatoesan aken minta Tjabang itoe berdiri sendiri, sebagi mana niatna lid-lid di sana.

Tasikmalaja kamoedian adaken satoe Buitengewone Algemeene Vergadering pada 10 October 1917, dimana diambil poetoesan aken masoeki rekest boeat minta hak rechtspersoon. Dengan begitoe maka pada 26 October 1917 itoe Tjabang Tasikmalaja dikoebrahkan.

Di Boekatedja, Banjoemas, pada 22 Juni 1917 telah diadaken vergadering oleh 19 pendoedoek Tionghoa jang ambil poetoesan aken berdiriken Tjabang Tiong Hoa Hwe Koan di sana dengen Bestuur terdiri dari toeanc-toean Siem Liang Soey, President; Liem Tiang Tjay, Vice-President; Shen Liang Ngan, 1ste Secretaris; Oey Tjin An, 2de Secretaris; The Teng Hien, Kassier; Tan Liang Ho dan Oey Tiang Beng, Adviseur; Tjhi Hoay Hok, Tan Eng Long, The Tjoen Seng, Kho Ke Lian, dan Oey Tjin Sim, Commissaris, dan The Tiang Hoe, Ceremoniemeester. Itoe Tjabang Boekatedja telah diakoeoh oleh T.H.H.K. Batavia pada 30 Juli 1917.

Ampat-poeloe lid T.H.H.K. Batavia jang tinggal di Tjiamis pada 25 December 1917 poen telah adaken Algemeene Vergadering, dimana dipotoesken aken berdiriken Tjabang T.H.H.K. di sana. Sebagi Bestuur marika telah pilih toeanc-toean Ong Ek Kiam sebagai President; Tan Kim Koey sebagai Vice-President; Tjie Tjin Tjiang, 1ste Secretaris; Oey Hin Tjiang, 2de Secretaris; Tan Kim Ke, Kassier; Tan Kim Liong, Adviseur; Oey Tjay Liat, Oey Kit Lie, Ko Giok Kiang, Lie Kim Tek, Thee Kian Boen dan Tjan Liong Gie, Commissaris; Cey Kim Tek, Ceremoniemeester, dan Kwa Soey An, Collecteur. Pendirian ini Tjabang Tjiamis telah

ditrima-baek oleh T.H.H.K. Batavia pada 23 Januari 1918.

Di dalem ini vergadering tanggal 23 Januari 1918 poen dibitaraken hal T.H.H.K. Hoen Kiok Soemedang soeda dapat hak rechtspersoon, maka berhoeboeng dengen itoe diambil poetoesan aken koebrahkan itoe Tjabang Soemedang sasoe-danja itoe Hoen Kiok kasi peritoengan oewang contributie pada T.H.H.K. Batavia.

Lebih djaoe addalah pada itoe tanggal djoega jang T.H.H.K. Batavia loeloesken pendirian Tjabang di Djambang, jang telah diberdiriken oleh 30 orang Tionghoa di itoe tempat pada 7 December 1917. Bestuurnja ada sebagai brikoet: toeanc Kwe Liam Kok, President; Tan Tjong Siang, Vice-President; Jap Tiwan Siang, Secretaris; Gouw Keng Soey, Kassier; Jap Way Kin, Adviseur; Jo Tieng Kang, Kwe Kim Tjiang, Jap Tiwan Ih, Gouw Keng Mo, Tan Kay Ho dan Kwa Soen Hien, Commissaris, Giam Kay Liang, Ceremoniemeester, dan Auw Eng Swan, Collecteur.

Jaarlijksche Algemeene Ledenvergadering tanggal 2 Maart 1918 telah sahken Tjabang-tjabang di Boekatedja, Tjiamis dan Djambang, dan lebih djaoe telah trima-baek pengoebrahan Hoen Kiok-Hoen Kiok di Bandoeng, Tasikmalaja dan Soemedang.

Taon-taon 1919 dan 1920 tida ada terbitken perobahan di dalem djoemblahnja Tjabang-tjabang dari T.H.H.K.

Tapi di dalem taon 1921 T.H.H.K. dapat lagi satoe Hoen Kiok.

Di Tjikoepa, Tangerang, 48 pendoedoek Tionghoa telah adaken perhimpoenan pada 23 Juli 1921, dimana telah diambil poetoesan boeat berdiriken Tjabang T.H.H.K. di sana dan minta itoe diakoeoh oleh T.H.H.K. Bestuur T.H.H.K. Batavia telah loeloesken permintahan itoe pada 30 Juli 1921. Perlengkepan Bestuur Tjabang Tjikoepa ada toeanc-toean: Jo Tieng Hin, President; Jo Tieng Kay, Vice-President; Kam Boen Kiat, Secretaris; Yo Boen Tjiang, Kassier; Tjan Hay Seng, Adviseur; Liauw Kong Im, Yo Boen Kwe, Ouw Tjong Hian, Gouw Teng Boen, Lie Soen Tjong, Yo Tieng Tjiang, Tan Yauw Toen dan Oen Ban Soei, Commissaris;

## RIWAJAT 40 TAON



T. H. H. K. BATAVIA

Yo Koei Hay, Ceremoniemeester, dan Yo Tjeng Boen, Collecteur.

Tiong Hoa Hwe Koan Hoen Kiok Toboali di dalam boelan December 1921 kabarken pada T.H.H.K. Batavia, bahoea ia tida bisa penoehken kawadjibannja menceroet Instructie boeat Tjabang, oleh kerna kabanjakan lid tida bajar contributie, samentara ongkos-ongkos jang digoenaken ada dipikoiel oleh masing-masing lid Bestuur. Terhadep pada ini oeroesan Kaoem Pengeroes T.H.H.K. Batavia pada 24 Januari 1922 ambil poatoesan aken minta Hoen Kiok Toboali toeroet betoel peratoeran ini perkoempoelan atawa minta rechtspersoon sendiri.

Pada 23 Februari 1923 T.H.H.K. Hoen Kiok Tjilamaja wartaken, ia tida bisa bikin beres peritoengan contributie, oleh kerna kasnia kosong. Tjabang Tjikoepa poen, dengen soerat dd. 23 Februari 1923, kasi taoe hal demikian dengen kabarken djoega itoe Hak Tong soeda liquidatie, tapi menoeroet kabar jang Bestuur dapat itoe sekolah sabetoelnja masi diboka. Poatoesannja T.H.H.K. — terambil pada 16 Maart 1923 — adalah mengabarken pada itoe kadoea Hak Tong, bahoea kaloe tetep itoe peritoengan contributie tida dibkin beres, kadoea Tjabang itoe nanti dikoebraken sadja.

Samentara itoe — ini hal poen telah dibilitarkan pada 16 Maart 1923 — T.H.H.K. Hoen Kiok Poerwokerto kabarken, bahoea soeda lama ia tida dijadi Tjabang dari T.H.H.K. Batavia lagi, sebab ia soeda dijadi Tjabang dari Hock Ho Kongsi, hingga ia tida ada mempoenjai kawadjiban boeat beresken itoe peritoengan contributie. Pada ini Tjabang ada ditoelis soerat oleh T.H.H.K. Batavia aken menanja, dengen soerat tanggal dan boelan kapan ia telah minta ditjaboet dijadi Tjabang dari T.H.H.K. Batavia. Hoen Kiok Poerwokerto blakanan kabarken, bahoea ia soeda tida menjadi Tjabang lagi sadiek taon 1916. Berhoeboeng dengan ini pada 7 December 1923 T.H.H.K. Batavia ambil poatoesan aken kasi tempo 6 boelan boeat ia beresken iapoenja kawadjiban bajar contributie dan pada Assistent-Resident di Poerwokerto dikabarken dengen soerat, bahoea T.H.H.K. di sa-

na soeda tida dijadi Tjabang dari T.H.H.K. Batavia lagi.

Hoen Kiok Soekaradja kabarken dengen soerat pada tanggal 2 Juli 1923, bahoea contributie sadiek taon 1917 soeda tida ada jang bajar lagi, oleh kerna lid-lid soeda dikenaken hwejan (pengoetan barang) dan soksioe (ongkos sekola anaknya). Ini keterangan T.H.H.K. Batavia tida bisa trimbaek, kerna Statuten tida perkenanken itoe (poetoesan 30 Juli 1923).

Ini Tjabang di Soekaradja pada 2 Februari 1925 kasi-taoe kahendakannja aken berdiri sendiri dengan minta T.H.H.K. Batavia kirimken ia tjonto rekest oentoek itoe dan laen-laen poela sebaginya. Ini permintahan telah diloelesken pada 11 Februari 1925, dengen pada Hoen Kiok itoe diminta beresken penoenggakan 5/6 contributie.

Pada 7 December 1923 djoega ada dibilitarkan soewal warta dari Hoen Kiok Tjamis, bahoea se dari Mei 1923 itoe Tjabang soeda ada poenja rechtspersoon sendiri. Di dalem vergadering itoe diambil poatoesan boeat toelis soerat pada Assistent-Resident Tjamis aken kabarken, bahoea T.H.H.K. di sana soeda boekan dijadi Tjabang dari T.H.H.K. Batavia lagi.

Menoeroet poatoesan Kaoem Pengeroes pada tanggal 31 Juli 1925 keangkatan Bestuur baroe dari Tjabang Boekatedja, jang telah dilakoeken di dalem Algemeene Vergadering 23 Juli 1925, telah ditoelak, oleh kerna ada melanggar fatsal 8 dan 11 dari Instructie boeat Tjabang-tjabang.

Tiong Hoa Hwe Koan di Bandjar poen ingin menjadi Tjabang dari T.H.H.K. Batavia di dalem taon 1926. Di ini waktoe T.H.H.K. Batavia soeda dapat pemandangan laen tentang pendirian Hoen Kiok-Hoen Kiok. Apa jang telah dialamken kaliatannja boekan ada dijadi satoe pengandjoeuran boeat mengadaken Tjabang-tjabang baroe. Maka pada tanggal 2 Augustus 1926 atas permintaannya Tiong Hoa Hwe Koan di Bandjar dipotoesken aken briken balesan jang poedijken perkoempoelan ini berdiri sendiri atawa dijadi Tjabang dari T.H.H.K. Tasikmalaja sadja jang pernanja ada terlebih deket. T.H.H.K. Batavia sendiri



tida ingin mempoenjai lebih banjak Tjabang-tjabang lagi.

Hoen Kiok di Poerbolinggo kabarken pada 17 Augustus 1926 antara laen — sambil minta besluit Hoen Kiok dipandjangken — bahoea T.H.H.K. itoe berdiri teroes, tapi aken berdaja soepaja digaboeng djadi saoe sama Kok Sia Hwee di Poerbolinggo. Pada 8 Juli 1927 ini Hoen Kiok wartaken, bahoea ia sedeng atoer Statuten boeat minta hak rechtspersoon dengen pake nama Tiong Hoa Hwe Koan djoega. Hoofdbestuur di Batavia diminta pandjangken temponja Instructie bagi itoe Tjabang sampe nanti itoe Hoen Kiok soeda dapat hak rechtspersoon. T.H.H.K. Batavia poetoesken pada 20 Juli 1927 aken tjaboet besluit Hoen Kiok itoe sampe penoetoep boelan Augustus 1927, sebab ia soeda berdiri sendiri, sedeng soewal menoenggoe dapeinja rechtspersoon tida ada menjadiken halangan bagi penjaboetan itoe Tjabang. Tapi dengen begini oeroesannja Hoen Kiok Poerbolinggo masi belon beres.

Sebab pada 3 Maart 1928 kombali Kaoem Pengoeroes Batavia telah bitjaraken soewal itoe Hoen Kiok Poerbolinggo poenja niatan berdiri sendiri dengen minta soerat-koeasa aken balik nama iapoenja roemah. T.H.H.K. Batavia telah poetoesken boeat minta afschrift acte eigendom aken dipreksa terlebih doeloe, dan kamoedian nanti T.H.H.K. Batavia bantoe atoer.

Pada 12 November 1930 Hoen Kiok Poerbolinggo kombali menoelis soerat minta T.H.H.K. Batavia adaken Algemeene Vergadering boeat kasi perkenan ia bikin overschrijving boeat iapoenja perceel, oleh kerna sadiek 1 December 1927 ia soeda dapet rechtspersoon dan soeda berdiri sendiri dengen nama T.H.H.K. Perkenan boeat bikin overschrijving perceel, jang berdiri atas namanja Hoen Kiok Poerbolinggo, telah dibriken oleh Perhimpoenan Besar Taanon dari T.H.H.K. Batavia tanggal 12 April 1931, sadiek mana T.H.H.K. Poerbolinggo djadi tida ada poenja sangkoetan lagi dengen T.H.H.K. Batavia.

Soepaja kamoedian hari Tjabang-tjabang tida menjoesahken pada Hoofdbestuur, toean Hie Foek Tjhoy ada madjoeken voorstel pada Jaarlijksche

Algemeene Ledenvergadering dd. 12 April 1927 aken tjaboet sadja Tjabang-tjabang jang tida lakoeken kawadjiban marika dengen betoel. Itoe voorstel telah ditrima-baek di dalem principe dan Algemeene Ledenvergadering termaksoed laloe serahken pada Bestuur aken oeroes, soepaja penjaboetan Tjabang-tjabang tida menjoesahken pada itoe Tjabang-tjabang poenja Hak Tong. Berhoeboeng dengen ini poetoesan dari Algemeene Ledenvergadering, Bestuur baroe di dalem iapoenja vergadering pertama, jang telah diadaken pada 26 April 1927, telah kasi tempo tiga boelan pada Hoen Kiok-Hoen Kiok aken toeroet Instructie; saliwanja itoe tempo bila tida toeroet Hoen Kiok jang tersangkoet aken ditjaboet sebagai Tjabang.

Doea boelan kamoedian Tjabang Keboemen kasi-taoe, bahoea ia soeda madjoeken permintaan rechtspersoon pada Pamerentah. Bestuursvergadering T.H.H.K. pada 24 Juni 1927 telah trimbaek itoe.

Membales soerat-iegoran dari Batavia Hoen Kiok Blinjoe kabarken, bahoea ia toeroet sadja sebagimana jang ada termaksoed di dalem soerat itoe. Oleh T.H.H.K. Batavia menoeroet poetoesan Kaoem Pengoeroes dd. 20 Juli 1927 besluit Hoen Kiok itoe ditjaboet.

Tiong Hoa Hwe Koan Hoen Kiok Gorontalo dengen soerat tertanggal 24 Juli 1927 ada menerangken kasoesahannja, antara laen-laen bagimana vergadering saban-saban tida bisa dijadi diadaken, sedeng sampe di itoe koetiika goeroegoeroe soeda tiga boelan belon dibajar. Poetoesan Batavia pada tanggal 19 Augustus 1927 adalah: tjaboet Tjabang Gorontalo. Ini penjaboetan kamoedian dioeroengken, dan pada 19 December 1927 T.H.H.K. Batavia telah tetepken keangkatanja lid-lid Bestuur baroe dari T.H.H.K. Hoen Kiok Gorontalo.

Tjabang Krawang pada 8 Augustus 1927 minta T.H.H.K. Batavia djangan pegang terlaloe keras itoe Instructie. Pada 19 Augustus itoe taon Tjabang Krawang dipoetoesken ditjaboet.

Tiong Hoa Hak Hauw di Djonggol dengen soerat dd. 23 Juli 1928 ada minta, soepaja ia diakoeh djadi Tjabang T.H.H.K. Batavia. Tapi Batavia me-



noeroet poetoesan dd. 23 Augustus 1928 ada min-ta dibriken segala roepa keterangan, seperti tentang financien, keadahan roemah-sekola, Bestuur-nja, anak moerid dan laen-laen. T.H.H.H. Djonggol kamoedian kabarken pada 17 September 1928, bahoea itoe perkoempoelan poenja Bestuur ada terdiri dari satoe President, satoe Penningmeester, dan tiga Commissaris, samentara djoembla lid-lidnja ada 30. Kerna koerang lengkep, maka T.H. H.K. Batavia poetoesken pada 29 October 1928 aken minta keterangan terlebih lengkep dan minta salinan Notulen dari Algemeene Vergadering. Sasoeeda dapat trima balesan lagi dari Djonggol tertanggal 23 November 1928, pada 25 Januari 1929 T.H.H.K. Batavia ambil poetoesan aken kasi-ken keterangan-keterangan jang perloe pada itoe Tiong Hoa Hak Hauw Djonggol, jang belon bisa ditrima-baek boeat diakoe diadi Tjabang.

Dengan soerat dari toean Jauw Soen Ho c.s. di Banggaai tertanggal 10 April 1930 perkoempoelan di itoe tempat minta soepaja diakoe dijadi Tjabang dari T.H.H.K. Batavia. Tapi ini permintahan dengen poetoesan Bestuur dd. 24 April ditoelak, dan lebih djaoe dibriken pikiran boeat ia berdiri sendiri dengen dikirimken boekoe-boekoe-peroet-an T.H.H.K. Batavia. Sebab dari itoe penoelakan adalah: T.H.H.K. Batavia tida ingin memikoel pertanggoengan.

Tiong Hoa Hwe Koan Hoen Kiok Gorontalo pada 24 October 1930, sasoedanja pada 23 October 1923 ia kirim telegram, minta dengen soerat boeat robah nama sekola Tiong Hoa Hak Tong dijadi Tiong Hoa Kong Hak, oleh kerna itoe sekolahan hendak digaboeng dengen Tjung San Hsio Siao. Berhoeboeng dengen ini pada 18 November 1930 Bestuur ambil poetoesan aken kasi pikiran boeat itoe Hoen Kiok berdiri sendiri, hingga ia ada mer-dikah boeat ganti nama dan sebaginya. Tapi bla-kangan ternjata Gorontalo lebih soeka dijadi Hoen Kiok dari T.H.H.K. Batavia. Pada 20 Juli 1933 ada dibilitaraken soewal Tiong Hoa Hwe Koan Hoen Kiok itoe poenja permintahan boleh gade roemah perkoempoelan boeat kaperloean sekola, dan te-lah diambil poetoesan toelak itoe.

Tiong Hoa Hwe Koan Toboali di dalem taon 1931 telah madjoeken permintahan soepaja di-akoe lagi sebagi Tjabang dengen maoe bajar seantero peroetangannja. Tapi Bestuur tida bisa loeloesken itoe dengen begitoe sadja. Pada 4 September 1931 diambil poetoesan aken lebih doeloe minta Toboali kirimken salinan Notulen dari Bestuurs- dan Algemeene Vergadering, leden-lijt dan laen-laen keterangan tentang keadahan-nja, soepaja bisa dipreksa dan dibikin peritoengan boeat sabegitoe lama jang ia tida berhoeboeng.

Di antara Tjabang-tjabang tentoe sadja ada jang mempoenjai karewelan-karewelan sendiri, jang membikin diminta peritoeloengan pada T.H. H.K. Batavia boeat bantoe beresken. Di sini tentoe sadja tida bisa ditoetoerken itoe persetorian-persetorian satoe-per-satoe. Tapi satoe antaranja, jang paling loear-biasa, baek djoega ditijatet.

Itoelah ada perselisihan di dalem Tiong Hoa Hwe Koan Hoen Kiok Pangkal-Pinang.

Dengan soerat-soerat tertanggal 7 dan 21 April 1917 itoe Tjabang ada briken penoetoeran tentang doedoeknja hal. Goeroe Inggris dari sekolanja itoe Hoen Kiok ada bertjidrah dengen goeroe Tieng-im. Dalem ini pertijdrahana ada toeroet djoega moerid-moerid dari Hak Tong itoe dan djoega anggota-anggota Bestuurnja, jang sabagian ada berfihak pada goeroe Inggris dan sabagian poela menjeblah pada goeroe Tieng-im. Lan-taran begitoe, goeroe Tieng-im soeda kaloear tinggalken itoe Hak Tong, dan ini ada ditoeroet oleh moerid-moerid jang berfihak padanja. Satoe sekola baroe telah diberdiriken dengen dapat toendjangan dari lid-lid Bestuur jang ada ambil partijnya itoe goeroe Tieng-im. Baek dari goeroe Inggris maoepoen dari goeroe Tieng-im T.H.H.K. Batavia ada dapat trima soerat-soerat, dalem mania jang satoe mencedoeh jang laen. Maka Bestuur Hoen Kiok itoe minta dipotoesken oleh T.H.H.K., bahoea itoe Tjabang boleh pilih lid-lid Bestuur baroe lagi dengen singkirken orang-orang jang bersalah dari golongan Kaoem Pengoeroes. T.H.H.K. ambil poetoesan pada 18 Mei 1917, ba-

## RIWAJAT 40 TAON



T. H. H. K. BATAVIA

hoea soewal hendak kaloearken lid-lid Bestuur jang bersalah baek dibilitaraken doeloe di dalem Bestuursvergadering, dan sasoedanja itoe baroe dimadjoeken ka dalem Algemeene Vergadering, dimana boleh dimintaken poetoesan atawa dibikin lagi pemilihan lid-lid Bestuur baroe menoeroet sebagimana jang ada dimaksoedken.

Perobahan pladjaran jang paling besar ada dialamken oleh Tiong Hoa Hwe Koan Hoen Kiok di Siaoe. Dengan soerat tertanggal 14 November 1919 itoe Tjabang kabarken, bahoea di dalem iapoenja sekola tida ada diadjar lagi dialect Tjeng-im, tapi administratie masih dilakoeken sebagimana biasa dan pembajaran premie ada berdjalan teroes, sedeng jang sekarang diadjar ada bahasa Olanda, kerna moerid-moeridnja tinggal anem sadja. Kaoem Pengeroes di Batavia telah trima-baek itoe.

Boeat kamadjoean pladjaran di dalem iapoenja Hak Tong, Tiong Hoa Hwe Koan Hoen Kiok Tangerang pada 25 September 1925 ada minta soepaja dari Batavia saban tiga boelan sakali soeka dikiirim goeroe-kapala Tjeng-im dan goeroe-kapala Inggris aken bantoe tilik keadahan pladjaran dari moerid-moeridnja. Tapi ini permintaan tida bisa

diloelesken, oleh kerna T.H.H.K. Batavia di itoe koetika sedeng tida ada poenja goeroe-kapala Tjeng-im, samentara perobahan sekola di Batavia masi belon didjalanken.

Tentang financien dari Tjabang-tjabang baek ditijatet di sini, bahoea Tiong Hoa Hwe Koan Hoen Kiok di Pangkal-Pinang ada dapat subsidie dari Plaatselijk Fonds; besarnya ini di dalem taon 1932 ada f 2000.—.

Sampe pada achir taon 1939, jalah pada achir taon ka-40 dari T.H.H.K., T.H.H.K. tjoema masih ada poenja tiga Tjabang sadja, jaitoe di Tangerang, Pangkal-Pinang dan Siaoe. Betoel ada poela beberapa perkoempoelan bersamahan maksoed atawa sekola-sekola Tionghoa di laen-laen tempat jang minta djadi Hoen Kiok dari T.H.H.K. Batavia, tapi berhoeboeng dengan sikep T.H.H.K. terhadep pada soewal Tjabang-tjabang dan teroetama oleh kerna itoe pendirian-pendirian tida bisa penohken penetepan-penetepan tentang ini dari T.H.H.K., di dalem taon-taon blakangan T.H.H.K. poenja Hoen Kiok tida bertambah. Permintaan diakoech djadi Tjabang jang paling blakang telah ditrima di pertengahan taon 1939.

## II

### SEKOLA TIONG HOA HWE KOAN

S ASOEDA dapt pengalaman kira-kira 14 taon lamanja di dalem kalangan onderwijs satelah soeda berdiri 15 taon lamanja, sekola T.H.H.K. kaliatan tetep ada dapeiken kamadjoean.

Di dalem sidang vergadering Kaoem Pengeroes tanggal 28 December 1915 toean Tan Kim San selakoe Directeur Sekola ada membri taoe, bahoea ia telah dioendang dateng di roemahnja toean H. Mouw, Ambtenaar voor Chineesche Zaken, jang antara laen-laen ada bilang padanja, bahoea Pamerentah soeka kasi subsidie pada T.H.H.K., kloe ini perkoempoelan maoe madjoeken pladjaran Olanda di dalem sekolanja dengen singkirken pladjaran Inggris. Tapi oleh kerna toean Mouw bilang, hal singkirken pladjaran bahasa Inggris tida boleh dilakoeken dengen pelahan, sebagimana jang Directeur Sekola T.H.H.K. ingin djalanken, maka itoe soewal madjoeken pladjaran Olanda toean Tan Kim San rasa soeker ditrima. Dengan ini pikiran dari toean Tan Kim San vergadering ada moefaket.

Toeantong Hong Wie, jang perna djadi goeroe dan inspecteur sekola, toean Tan Kim San kabarkan pada Bestuur dd. 23 Maart 1916 telah meninggal-doenia. Satelah didapetken kapastian dari Ministerie van Onderwijs di Peking, pada siapa T.H.H.K. ada kirim telegram aken tanja betoel-tidanja toeantong telah menoetoep-mata, pada 28 April 1916 telah diberdiriken Fonds Tong Hong Wie aken bantoe ongkos pladjarannja anak-anak-nja toeantong di Peking.

Boeat bantoe pakerdjahannja Directeur Sekola poen diadaken djabatan Onder-Directeur Sekola. Ka dalem ini djabatan pada 30 Juni 1916 telah diangkat toean Oey Koen Ie.

Toeantong Teng Tjoan, jang di dalem taon 1918 ada djadi Ceremoniemeester T.H.H.K., pada 14 Mei 1918 ada madjoeken voorstel aken adaken sekola bahasa Olanda di dalem sekola T.H.H.K. dengen minta subsidie pada Pamerentah. Di dalem itoe vergadering ini voorstel telah ditoenda.

Boeat kaperloean sport, Commissie Sekola ada madjoeken pikiran pada Bestuursvergadering dd. 14 Mei 1918 aken beli satoe perceel tanah kosong boeat digoenaken sebagai tempat tetjauw dari moerid-moerid dengen harga f 3200.—. Ini voorstel telah ditrima-baek dan Bestuur hendak beli satoe perceel tanah kosong jang pernanja deket seko-lahan, tetapi goena ini Bestuur moesti tjari oewang oeroenan terlebih doeloe. Ini oeroesan sport samungkin lama aken djadi samungkin penting di dalem sekola T.H.H.K., sebagimana jang orang aken dapeiken kanjatahan blakangan.

Menoeroet poetoesan Bestuursvergadering dd. 27 September 1918 diadaken djabatan Vice-Voorzitter dalem Commissie Sekola, dan Lieutenant Lay Soen Hie diangkat ka dalem itoe. Djabatan Vice-Voorzitter blakangan dihapoesken lagi.

Atas voorstelnja Commissie Sekola pada 19 October 1918 diambil poetoesan aken bikin satoe barang pertandahan boeat dipake oleh moerid-moerid T.H.H.K. Ini barang-pertandahan didjoeal pada moerid-moerid dengen harga f 0.50 per stuk.



Pada moerid-moerid jang sekola prodeo boeat pertama kali masing-masing dikasi dengan pertjoemah itoe barang-pertandahan; tapi kaloe ilang atawa roesak, moerid jang tersangkoet moestii beli jang baroe.

Soewal briken toendjangan pada goeroe-goeroe jang sakit, dijadi medische zorg, ada dibilitjaraken di dalem Jaarlijksche Algemeene Vergadering dd. 28 Februari 1919. Di dalem ini Perhimpoenan Besar dimadioeken voorstel boeat kasi ongkos berobat pada thabib Europa, kaloe ada goeroe Tjeng-im jang dapat sakit di dalem dienst dari T.H.H.K., kaijoeali kaloe sakit kotor, dan apabila ia meninggal-doenia T.H.H.K. aken kaloearken ongkos koeboer f 200.—. Selama goeroe lagi berobat, gadjinja berdjalan teroes. Ini voorstel telah ditrima-baek oleh itoe vergadering besar. Pada permelahan taon brikotnja T.H.H.K. telah ongkosken berobat (di dalem roemah-sakit Tjikini) dan me-noeteop-matanja toean Lee To Seng, satoe goeroe.

Bagimana soesahnja boeat dapeiken goeroe-goeroe bahasa Inggris T.H.H.K. ada alamken di dalem taon 1920.

Goeroe-goeroe bahasa Inggris T.H.H.K. ada dapeiken dengan pertoeloengannja Methodist Mission. Di dalem boelan September 1919 toean H.B. Mansell, Superintendent Methodist Mission di Buitenzorg, kabarken, bahoea pada pengabisan taon 1919 toean A.V. Klaus dan Miss Meyer, masing-masing goeroe Inggris T.H.H.K., hendak poelang ka Amerika, maka di awalnja taon 1920 Methodist Mission tida bisa kasi lagi penggantiinja goeroe-goeroe itoe. Bestuur ambil poetoesan pada 25 September 1919 boeat minta pertoeloengannja Dr. Lee Teng Hwee di Shanghai aken oendang 2 goeroe Inggris, 1 goeroe lelaki dan 1 goeroe pramoean, masing-masing dengan gadji f 200.— satoe boelan.

Tapi Dr. Lee Teng Hwee kasi kabar, ia tida bisa dapeiken itoe doeä goeroe Inggris jang perloe. Maka pada 22 Januari 1920 Commissie Sekola soeda minta pertoeloengannja pembesar Gredja Methodist di sini aken oendang satoe goeroe bangsa Amerikaan dari Amerika jang ada poenja diploma goeroe.

Dari sebab pengidoepan di sini ada mahal dan goeroe jang baek tida bisa didapet dengan gadji moerah, Commissie Sekola soeda trima-baek permintahannja Gredja Methodist: (1) gadji itoe goeroe satoe boelan f 500.—, (2) contract-bekerdja 5 taon, (3) pada itoe goeroe dibri hak sebagai kapala-sekola aken robah atoeran sekola sebagaimana jang ia rasa baek dengan berempoek sama Commissie Sekola, tapi dengen tida meroegiken pladjaran Tjeng-im, (4) djam-bekerdja menoeroet seperti jang soeda berdjalan dengen toean Klaus jang telah letaken djabatannja pada achir December 1919, (5) itoe gadji f 500.— moelai berlakoe pada 1 Januari 1920, dan selama itoe goeroe jang dioendang dari Amerika belon' sampe di sini, ia nanti digantiken doeoe oleh satoe goeroe laen jang Methodist Mission kirim dengen itoe gadji djoega, dan (6) Miss Meyer tinggal bekerdja teroes sebagai goeroe-pembantoe dengen gadji f 200.— tapi zonder contract.

Ini perdjandjian soeda diteeken oleh President dan Iste Secretaris dari T.H.H.K., dan pada 22 Januari 1920 Bestuur telah trima-baek itoe.

Pada 22 April 1920 Commissie Sekola telah madioeken voorstel aken robah itoe contract dengen Methodist Mission dijadi seperti brikoet:

(a) goeroe-kapala Tjeng-im berkoeasa di dalem bagian sekola Tjeng-im, (b) goeroe-kapala Inggris berkoeasa di dalem bagian pladjaran Inggris, (c) itoe doeä goeroe-kapala wadjib bekerdja menoeroet Instructie jang ditetepken oleh Bestuur dengen adviesnja Commissie Sekola, (d) segala perselisihan jang terbit di antara doeä kapala goeroe nanti dipotoesken oleh Commissie Sekola dengen boleh dirobah lagi oleh Bestuur T.H.H.K., (e) pemilihan boekoe-boekoe dan goeroe-goeroe boeat bagian Inggris ada dijadi oeroesannja goeroe-kapala Inggris, sedeng boeat pladjaran Tionghoa ada dijadi oeroesannja goeroe-kapala Tionghoa, tapi doeä-doeä dengen moefaketnja Commissie Sekola. Kaoem Pengoeroes T.H.H.K. telah trima-baek itoe voorstel.

Tapi itoe perobahan contract tida bisa ditrima-baek oleh Bestuur Methodist Mission di Buitenzorg, hingga pada 31 Mei 1920 T.H.H.K. ambil poetoesan

## RIWAJAT 40 TAON



T. H. H. K. BATAVIA

aken oendang Methodist Mission, jang diseboet djoega Methodist Episcopal Church, di Buitenzorg kirim wakil ka dalem vergadering Commissie Sekola aken roendingken itoe hal terlebih djaoe.

Sasoedanja di dalem vergadering dd. 20 Juli 1920 dibilitaraken soewal trima-baek atawa tida perobahan contract goeroe-kapala dari Sekola Inggris dari T.H.H.K. dengan gadji f 500.— saboelan boeat goeroe jang soeda kawin, dan f 400.— saboelan boeat goeroe jang belon ada poenja istri, di itoe perhimpunan djoega diambil poe-toesan aken madjoeken itoe soewal pada Algemeene Vergadering. Ini Buitengewone Algemeene Vergadering telah diadakan pada 10 Augustus 1920.

Di dalem ini Perhimpunan-Besar Loear-biasa lste Secretaris oereihken, bagimana asal-moela-nja perhoeboengan T.H.H.K. dengan perkoempoe-lan Gredja Methodist, jang sampe di itoe waktoe soeda berdjalan koerang-lebih 15 taon. Kamoe-dian ditoetoerken apa jang telah kadjadian, dan djoega, bahoea Dr. Lee Teng Hwee, Directeur dari Fu Tan College di Shanghai, tida bisa tjariken goeroe-goeroe jang dikahendaki itoe, kerna di Shanghai sendiri sekola-sekola masih kakaerangan banjak goeroe, samentara gadji jang dibajar di sana ada banjak lebih besar dari f 200.—.

Sasoeda tjeritaken, bagimana telah diteeken contract dengen Kaoem Pengoeroes Methodist Mission, jang nanti oendang dateng satoe goeroe dari Amerika dengen telegram, lste Secretaris toetoerken terlebih landjoet, bahoea lantaran orang di loearan banjak jang memboeka soeara tida enak hal sekola T.H.H.K. dikapalaken oleh saorang Amerikaan, maski hal itoe soeda diaoter boeat kabaekannja Hak Tong jang kaliaitanja samingkin lama soeda djadi samingkin moendoer pladjaran moerid-moeridnja baek di dalem bahasa Inggris maoepoen bahasa Tjeng-im, dengen soekanja Pengoeroes Methodist contract jang soeda diteeken dan berkoeat itoe sekarang boleh dirobah lagi dengen diaoter goeroe-kapala dari Sekola Inggris tida tjampoer dalem bagian pladjaran Tjeng-im dan sebaliknja. Tapi dalem soewal oercesan sekola Commissie Sekola T.H.H.K. nanti

minta advies dari goeroe-kapala Sekola Inggris. Hal gadji f 500.— saboelan dan laen-laen perdjandjian tinggal tetep seperti di dalem contract jang belon dirobah.

Tetapi lantaran itoe contract hendak dirobah, perkoempoelan Methodist minta dipotoesken sa-dja perhoeboengan di antara ia dengen T.H.H.K., hingga itoe contract jang dibikin baroe T.H.H.K. aken oeroes sadja dengen langsoeng sama toean E. J. Starkey, jaitoe goeroe-kapala boeat Sekola Inggris jang dioendang dari Amerika dan jang sekarang soeda pegang djabatannja.

Buitengewone Algemeene Vergadering telah tri-ba-baek boeat bikin poe-toes perhoeboengan de-neng perkoempelan Methodist dan boeat bikin contract baroe dengen toean E. J. Starkey.

Kamoedian President toetoerken atoeran pladja-ran hendak dirobah. Soepaja moerid-moerid bisa djadi mengarti lebih banjak sasoeatoe vak jang dibriken, perloe diaoter di dalem klas Tjeng-im tjoema diadjar sadja ilmoe soerat dan bahasa Tionghoa, ilmoe boemi dan hikajat dari Tiongkok dan njanjian Tionghoa (Kok Boen, Kok Gie, Lek Soe dan Tjhiang Ko); ilmoe mengitoeng, meloekis gambar, pergerakan badan dan laen-laen lagi di-masoeken ka dalem bagian pladjaran Inggris. Dengan begitoe anak-anak djadi tida oesah di-adjar doea kali satoe roepa pladjaran, hingga tida djadi memboeang banjak tempo pertjoema-tjoema, seperti soeda kanjatahan dari atoeran jang lama.

Laen dari itoe kadepanin hendak diaoter pene-rimahan moerid-moerid baroe tjoema dilakoeken satoe kali dalem satoe taon, sedeng anak-anak jang soeda beroesiah lebih dari 7 taon tida bisa ditrima, kaloe anak-anak itoe belon perna sekola lebih doeloe.

Dan sedari moelai masoek berladjar di klas permoelahan poen, berbedah dari jang laloe, anak-anak lantas dapeet djoega pladjaran Inggris, kerna kaloe tida begitoe lidanja tida bisa djadi lemas betoel boeat di blakang hari oetjapken dengen baek perkatahan Inggris.

President laloe oendjoek pembagian djam-djam pladjaran bahasa Inggris dan Tjeng-im dari taon



ka-sapoeloe, dan kasi-taoe moerid-moerid jang soeda tamat berladjar di sekola T.H.H.K. dengen tiara demikian bisa lantas pegang pakerdjahan atawa berniaga dengen mempoenjai pengartian tjoekoep.

Poen ada diniat boeka djalan, soepaja moerid-moerid jang koerang koeat otaknja aken toentoet teroes doe<sup>a</sup> roepa pladjaran, jaitoe Tjeng-im dan Inggris, kaloe soeda doedoek di klas 4 boleh pilih salah-satoe sadja dari itoe doe<sup>a</sup> roepa pladjaran.

Djikaloe sekola T.H.H.K. Betawi bisa dijadi mandjoe begitoe djaoe, diharep orang-orang di laen tempat, jang niat kirim anak-anaknya pergi berladjar di Singapore atawa laen negri lagi, tida teroesken niatan marika itoe, hanja kirim sadja anak-anak marika sekola di Betawi pada T.H.H.K.

Algemeene Vergadering telah njataken moefake<sup>t</sup> dengen itoe perobahan pladjaran.

Djadi menoeroet itoe Buitengewone Algemeene Ledenvergadering dd. 10 Augustus 1920 perhoeboengan di antara T.H.H.K. dengen Methodist Mission telah dibikin poetoes dan terlebih djaoe telah ditrima-baek reorganisatie pladjaran.

Jang soewal goeroe Inggris sampe dimadioeken di dalem satoe Buitengewone Algemeene Vergadering, ada mengoendjoek njata, bagimana soesah adanja boeat bisa dapetken goeroe-goeroe Inggris jang tjakek.

Kerna kas Aideeling Dokter Amal soeda abis oewangnja, pada 27 Januari 1921 telah ditarik poelang poetoesan jang membri idzin boeat bajari ongkos-berobat dan ongkos-matinja goeroe-goeroe Tjeng-im.

Djoega padvinderij ada dapet perhatian di dalem sekola T.H.H.K. Soeda siang-siang ini padvinderij digeraki. Pada 17 April 1923 antara laen-laen oleh Bestuur telah ditrima-baek voorstel dari Commissie Sekola aken oendang goeroe boy scout dan sport dari Tiongkok, oleh kerna goeroe jang itoe waktoe ada tida begitoe pande di dalem ini.

Pri kasehatan moerid-moerid — sedikitnja boeat sabegitoe djaoe ada mengenaken kasehatan mata — ada dijadi pokok dari satoe voorstel dari Commissie Sekola jang dibilitaraken oleh Kaoem Pengeroes pada 22 Mei 1923, jaitoe boeat minta

dokter Kasehatan preksa moerid-moerid, apa ada banjak anak-anak jang dapat penjakit-mata me-noelar seperti jang telah hinggapi doe<sup>a</sup> anaknya toe<sup>a</sup>an Tjee Tong Lim. Diambil poetoesan aken minita Chineesche Raad poenja perantaranan, soepaja dokter dari Kasehatan soeka preksa moerid-moerid T.H.H.K. dengen pertjoema.

Doe<sup>a</sup> boelan kamoedian oleh Bestuur ada dibitjaraken penawarannya toe<sup>a</sup>an Mohamad Joesoef, Indische Arts, boeat ia briken pladjaran tentang ilmoe kasehatan dengen prodeo pada moerid-moerid T.H.H.K., boeat mana ia tjoema minta disedakan perabotannja boeat mengadjar. Ini penawaran tentoe sadja membikin Bestuur merasa bersoekoer, tapi dengen amat menjesel Kaoem Pengeroes atas advies dari Commissie Sekola telah moesti toelak itoe (poetoesan vergadering dd. 30 Juli 1923), oleh kerna tida ada tjoekoep tempo boeat moerid-moerid perhatiken itoe pladjaran.

Sampe sabegitoe djaoe moerid-moerid prampoean ada dipisahkan dari moerid-moerid lelaki. Di dalem vergadering dd. 14 Juni 1923 oleh Commissie Sekola berhoeboeng dengen soewal tambah satoe goeroe bahasa Inggris jang bisa mengadjar di klas 6, oleh kerna ada ditambah satoe klas baroe dan itoe klas 7 aken dirobah dijadi klas speciaal sebagi persedianan boeat moerid-moerid teroesken pladjaran di Hongkong University, antara laen-laen ada dimadioeken djoega pikiran aken tjampoer sadja moerid-moerid prampoean dengen moerid-moerid lelaki, soepaja dengen tiara demikian boleh tida oesah dioendang lagi goeroe baroe. Itoe soewal oleh Bestuur diserahkan pada Commissie Sekola, jang diminta timbang soepaja bisa didapetken satoe djalan jang baek boeat perhimatan. Tapi sebagimana jang orang bisa tarik poetoesan dari apa jang ditoetoerken di atas, itoe voorstel penjampoeran lelaki dan prampoean tjoema ada mengenaken satoe klas sadja, dengen maksoed bisa dibikin dijadi tida oesah dipakerdjaken satoe goeroe baroe poela berhoeboeng dengen pengadahan klas speciaal.

Voorstel lebih loeas boeat penjampoeran moerid-moerid lelaki dan prampoean telah dimadjoe-ken oleh Commissie Sekola pada Bestuursverga-



dering 16 September 1924. Commissie Sekola veorstel itoe pergaboengan, kerna klas-klas prampoean ada jang terlaloe sedikit moerid-moeridnja, samentara klas-klas lelaki ada jang terlaloe padet, hingga djika digaboeng nistija; djoemblahnja moerid-moerid dalem itoe klas-klas djadi sedeng banjakanja, hingga boleh tida oesah tambah goeroe lagi.

Djadi voorstel coëducatie ini teroetama dimandoeken soepaja bisa didapetken perhimatan.

Poetoesan Bestuursvergadering tanggal 16 September 1924 adalah : voorstel Commissie Sekola aken tjampoer moerid-moerid lelaki dan prampoean jang soeda kira-kira roemadja-poetri tida ditrima-baek, kerna ini ada melanggar adat-kabisahan Tionghoa dan dikoeatir nanti terbit hal-hal jang menjoesahken. Blakangan, pada 26 Augustus 1924, ditrima-baek penjampoeran moerid-moerid prampoean dan lelaki dalem klas 1, 2 dan 3 sekola Tjeng-im.

Dengen begitoe soewal coëducatie boeat samentara ini berachir, aken kamoedian moentjoel poela saliwatnja 4 taon, di waktoe mana Bestuur trimabæk itoe penjampoeran moerid-moerid lelaki deñen moerid-moerid prampoean.

Perobahan kombali diadaken pada 30 Juli 1923, pada mana Bestuur trimabæk voorstel-voorstel dari Commissie Sekola sebagai brikoe :

a. Taon berladjar sama-sekali sapoeloe taon (djadi tida ditambah, kerna di itoe waktoe poen di dalem sekola T.H.H.K. soeda ada klas sekola tengah, jaitoe Tjekip Tionghak).

b. Pladjaran Inggris moelai dikasiken di klas Siaohak taon ka-3, djoestroe seperti sekarang, dan samingkin lama pladjaran Inggris samingkin ditambah banjak. Dalem practijk djam-djam Tjeng-im atawa Inggris boleh dirobah boeat ditambah atawa dikoerangken menceroet bagimana baeknja, tapi haloean jang perloe dipegang tegoh adalah seperti jang terseboet di dalem c dan d.

c. Sasoeatoe moerid, bila soeda sampe tempojja, dimoestiken ambil doeä-doeä pladjaran Tjeng-im dan pladjaran Inggris.

d. Sasoeatoe moerid melaenken boleh di-naeken klasnja, kaloe dari papreksahan ada ter-

njata iapoenia doeä-doeä pladjaran Tjeng-im dan Inggris bisa naek klas.

Dalem itoe vergadering tanggal 30 Juli 1923 djoega telah dibriken ongkos kira-kira f 200.— pada ampat moerid lelaki dari klas special aken pergi ka Semarang di dalem boelan Augustus 1923 goena toeroet bikin examen di dalem Hoa Ing Tjong Hak di sana, menoeroet voorstel dari goeroe-kapala bagian bahasa Inggris, toean Kho Tjoen Yoe.

Pemandangan teges tentang keadahan sekola ada dibriken di dalem Buitengewone Algemeene Ledenvergadering dd. 16 October 1923, jang dicdaken berhoeboeng dengan keadahan soeker dari financien perkoempoelan dan dimana telah ditrima-baek permintahannja toean Phoa Keng Hek aken letaken djabatannja dan toean Tan Pia Teng diangkat djadi President T.H.H.K. sebagai ini perkoempoelan poenja President jang kadoea. Ioe pemandangan tentang keadahan sekola ada dibriken oleh Secretaris dari Commissie Sekola. Sasoeada Kassier terangken, bahoea saban boelan ada didapetken tekort f 1500.—, jang sabagian besar ada terpake boeat ongkosken sekolah, Secretaris Commissie Sekola, toean Ang Jan Goan menerangken, bahoea itoe ongkos merawat sekola telah djadi begitoe besar boekan sadja dari sebab djoembla moerid-moerid ada besar, hingga moesti dipakerdjaken boekan sedikit goeroe dan tempatnja selaloe moesti dibikin loeas, tapi djoega kerna ada dibikin permisahan di dalem oeroesan pladjaran, jaitoe boeat bagian Inggris laen, bagian Tjeng-im laen, dan boeat moerid-moerid prampoean poen laen, kerna moerid-moerid prampoean tida ditjampoer sama moerid-moerid lelaki maskipoen jang paling ketjil. Laen dari itoe ada sekola-tengah boeat moerid-moerid lelaki. Hingga bisa diartiken, di sitoe boekan tjoema ada satoe sekolahsan sadja, hanja ada . . . ampat !

Di pertengahan kadoea dari taon 1923 doeä goeroe prampoean dari T.H.H.K. jang baroe dateng dari Shanghai, jaitoe nona-nona Hsia Sung Mei dan Chen Chao Yong, telah dititah poelang kombali ka Tiongkok oleh Pamerentah di sini.



Kaperloean boeat mengenal bahasa Olanda, dan berhoeboeng dengen ini aken adjar bahasa Olanda di dalem sekola T.H.H.K., ada samingkin terasa, maka pada 25 Maart 1924 Commissie Sekola poenja voorstel aken masoeki bahasa Olanda sebagai satoe vak di dalem programma-pladjaran Inggris, bahasa mana hendak diadjarken dari klas V sampe klas IX (Senior Class) satoe minggoe kira-kira 2 djam, ditrima-baek oleh Bestuur.

Tjara begitoe bahasa Olanda moelai masoek ka dalem sekola T.H.H.K.

Pada 17 November 1924 oleh Commissie Sekola ada dimadioeken voorstel aken adaken satoe Inspecteur dengen gadji kira-kira f 300.— saboe-lan aken tilik pladjaran di T.H.H.K., begitoepon pladjaran sekola-sekola di laen-laen tempat, soepaja bisa bersamahan atoeran dan pladjarannja, samentara boeat ongkosnja nanti diminta bantoeannja masing-masing Hak Tong. Tapi Bestuur ambil poetesan aken toenda soewal mengadaken Inspecteur sampe soeda didapet trima kabar lebih djaoe dari masing-masing Hak Tong berhoeboeng dengen circulaire jang dikirimken pada marika.

Soepaja menggampangken moerid-moerid te-roesken pladjaran di sekola-sekola-tinggi di Tiongkok, pada itoe tanggal djoega telah ditrima-baek voorstel aken adaken perhoeboengan langsoeng dengen Toeng Nan Ta Hsioh, soepaja bisa diadaken samatjem examen, hingga moerid-moerid jang loeloes bisa dapetken certificate jang menggampangken marika poenja peneroesan pladjaran.

Toedjoehan jang tetep di itoe waktoe sekola T.H.H.K. belon ada poenja. Berhoeboeng dengen ini pada 2 April 1925 toean Ang Jan Goan, jang di itoe waktoe ada dijadi 3de Secretaris, telah minta soepaja diadaken toedjoehan jang tetep goena onderwijs dari sekola-sekolanja T.H.H.K. Bestuur soeda ambil poetesan aken timbang itoe soewal toedjoehan, sasoedanja Commissie Sekola preksa peratoeran pladjaran jang aken ditetepken.

Rentjana perobahan pladjaran dari goeroe-ka-pala baroe, toean Chui Pao Yu, di dalem boelan Mei 1925 telah menerbitken karewelan besar.

Itoe rentjana perobahan, dengen ditoendjang oleh toean Khoe Sim Yoeng, sebagai Directeur Se-

kola Tjeng-im, telah dimadioeken oleh Commissie Sekola di dalem Bestuursvergadering tanggal 6 Mei. Menoeroet itoe rentjana perobahan, salaen-na diadaken perobahan pladjaran di dalem sekola, djoega pada goeroe-kapala dibriken kakoe-sahan boeat atoer begrooting sekolah, paker-djaken dan lepas goeroe-goeroe, dan laen-laen hal lagi. Kaoem Pengeroes telah trima-baek lebih doeloe aken adaken perobahan pladjaran; jang laen-laen diserahkan boeat dikasi poetesan pada satoe Speciale Commissie, jang terdiri dari toeantoean Tan Kim San, Tjee Tong Lim, Ang Jan Goan, Thio Soei Sen, Lie Eng Seng, Khoe Sim Yoeng, Khouw Keng Koen dan Chui Pao Yu.

Kapitein Lay Soen Hie, jang berlakoe sebagai Voorzitter dari ini Speciale Commissie, telah ma-djoeken rapport Commissie itoe di dalem Bestuurs-vergadering dd. 19 Mei. Toeantoean Lay terangken dengen pandjang-lebar tentang djalannja itoe oeroesan dan oendjoek pada sikep jang aneh dari goeroe-kapala, toeantoean Chui Pao Yu, jang tadinja moefaket dengen poetessannja vergadering Speciale Commissie, jang telah trima-baek itoe rentjana kajtjoeli tentang oeroesan begrooting sekolah dan tentang pakerdjaken dan tetepken gadji goeroe-goeroe, boeat mana moesti didapetken perkenan-nja Commissie Sekola. Toeantoean Chui kamoedian telah moengkir serta madjoeken permintahan brenti, jang ditoeroet oleh tiga goeroe laen, jaitoe toeantoean Cheng Ting Hsien, toeantoean Lie Chuen Min dan nona Sun Chien Wen. Di itoe waktoe doeaa goeroe pram-poean, nona-nona Chiang Hsu Chu dan Sun Chan Pei, jang telah sampe perdjandiannja aken me-ngadjar 2 taon, telah minta idzin aken brangkat poelang. Toeantoean Tjee Tong Lim kasi taoe, itoe goeroe-kapala dan 3 goeroe laen jang minta brenti soeda diboedjoek aken oeroengken niatan marika, sedeng lebih djaoe Speciale Commissie itoe poen telah njataken soeka trima-baek itoe seantero ren-tjana, oleh kerna commissie timbang boeat segala oeroesan oewang achirnja toch moesti diminta per-kenan Bestuur, tapi marika maoe letaken dijabatan djoega. Kaoem Pengeroes telah poetessenken toe-lak permintahan-brenti dari itoe goeroe-kapala dan 3 goeroe laen. Permintahan itoe 2 goeroe

## RIWAJAT 40 TAON



T. H. H. K. BATAVIA

prampeean aken poelang ka Tiongkok kerna contract marika soeda abis, diloelesken. Speciale Commissie dikoebraken dan diangkat Speciale Commissie jang baroe dengen toean-toean Lay Soen Hie, Lim Jan Goan, Tjee Tong Lim, Lie Eng Seng dan Ang Jan Goan sebagai anggota-anggota-nia aken beresken itoe kakaloetan dan angkat satoe wakil goeroe-kapala dari antara goeroe-goeroe.

Ini Speciale Commissie poenja Voorzitter, toean Tjee Tong Lim, ada wartaken pada Bestuursvergadering tanggal 22 Mei, bahoea toean Kung Tao Shi, satoe goeroe, telah diminta mewakilken itoe djabatan goeroe-kapala sabegitoe lama goeroe-kapala baroe, jang aken dioendang, masi belon dateng. Laen dari itoe commissie terseboet poen soeda atoer djoega oeroesan pladjarannja moerid-moerid, kerna itoe bebrapa goeroe jang mogok telah poelang ka Tiongkok.

Di dalem vergadering tanggal 22 Mei 1925 berhoeboeng dengan permintahan-brentinja Directeur Sekola Inggris dan Directeur Sekola Tjeng-im, Speciale Commissie madioeken voorstel aken djangan angkat doeloe penggantinja sabegitoe djaoe Bestuur belon bisa pikir orang jang dirasa tjaek boeat itoe djabatan, dan taro sadja oeroesan sekola di bawah penilikannja Commissie Sekola. Ini voorstel dari Speciale Commissie ditrima-baek, dan ini commissie dikoebraken. Sadjek itoe wakoe djabatan Directeur Sekola linjap dengan sendirinja.

Kerna sekolah samingkin lama samingkin bertambah moerid-moeridnja hingga djadi perloe dipake tempat terlebih banjak, pada 31 Juli 1925 atas voorstelnja Commissie Sekola telah diambil poe toesan boeat tambah ongkos menginep di loear boeat goeroe-goeroe jang itoe wakoe tinggal di dalem roemah perkoempoelan, banjaknja 10 orang, masing-masing f 15—. Tapi goeroe-goeroe baroe jang bakal bakerdja tida aken dibriken lagi ongkos-menginep dan laen-laen. Kerna dirasa tida tjoekoep, itoe pertambahan ongkos menginep di loear dengen poe toesannja Kaoem Pengeroes dd. 19 Augustus 1925, dinaeki djadi f 25—.

Pladjaran bahasa Olanda dengen poe toesan Bestuur dd. 1 October 1925 diloeasken, dan Commissie Sekola diperkenanken oendang satoe goeroe boeat mengadjar bahasa Olanda, sabisanja kaloearan dari Hollandsch-Chineesche Kweekschool jang telah loeloes. Sebagi goeroe pertama boeat mengadjar bahasa Olanda dipakerdjaken toean Oh Sien Hong, satoe student kahakiman, moelai 1 October 1925.

Sebagimana orang taoe, T.H.H.K. boleh dibilang di itoe wakoe ada poenja ampat roepa sekola, jang satoe antaranja ada sekola prampeean. Tapi biarpoen ini sekola prampeean, salaennja moerid-moerid klas-klas rendah, ada terpisah, pimpinan ada di satoe tangan. Niatan boeat adaken djabatan goeroe-kapala prampeean ada terkandoeng di dalem voorstel Commissie Sekola pada persidangan Kaoem Pengeroes dd. 1 October 1925, jang ada kasi pikiran oendang satoe goeroe prampeean dari Tiongkok boeat dipakerdjaken sebagai goeroe-kapala prampeean. Ini voorstel telah ditrima-baek.

Sampe di ini wakoe sekola T.H.H.K. boekan tjoema ada satoe sekola rendah sadja.

Niatan berdiriken sekola-tengah doeloe betoel telah gagal, tapi dengen pelahan-pelahan orang moelai ichtiarken lagi boeat briken onderwijs-pertengahan. Tjoema sadja itoe hal tida kalitan dengan njata, oleh kerna orang tida berdiriken atawa boeka satoe roemah-sekola baroe boeat onderwijs-pertengahan, hanja dengan pelahan-pelahan diadaken klas-klas sekola-tengah dengan saban taon bertambah satoe. Adalah berhoeboeng dengan ini djoega, maka telah di'ichtiarken soepaja moerid-moerid bisa mejakinke pladjaran terlebih tinggi di Tiongkok dengen adaken perhoeboengan dengan Toeng Nan Ta Hsioh (26 Augustus 1924), dan diadaken klas speciaal aken di-dik moerid-moerid boeat Hongkong University. Doega afdeeling sekola prampeean ada poenja klas pertengahan (Chuchung) di dalem taon 1925.

Djadi moelai dari ini sa'at riwajat sekola T.H.H.K. boekan lagi ada mengenaken soewal-soewalnja T.H.H.K. poenja sekola-rendah, hanja ini sekola poenja bagian onderwijs-tengah.



Boeat goenanja moerid-moerid jang teroesken pladjaran Inggris aken bikin examen Matriculation Hongkong University atas voorstel dari Commissie Sekola pada 20 Januari 1926 diambil poatoesan aken boeka sekola-soreh. Di ini sekola-soreh diadjar djoega bahasa Olanda.

Bagian sekola pramroejan di dalem taon 1926 ada alamken banjak kadjadian-kadjadian jang ada harganja boeat ditjatet.

Commissie Sekola telah madjoeken voorstel aken toekar pladjaran bahasa Inggris dijadi pladjaran bahasa Olanda di dalem klas pramroejan. Jang dijadi sebab antara laen-laen adalah oleh kerna ada soesah dapeitken goeroe Inggris pramroejan. Ini voorstel ada besar sekali artinja, maka Bestuursvergadering tanggal 4 Juni 1926 telah ambil poatoesan terhadep pada ini boeat timbang itoe terlebih djaoe. Pada 2 Juli 1926 ini soewal toekar pladjaran bahasa Inggris dengen pladjaran bahasa Olanda di klas-klas pramroejan kombali telah dibilitarkan. Itoe koetika Bestuur telah ambil poatoesan boeat trima-baek itoe voorstel, dengen menetepken, bahoea sadjoemblaah 4 moerid pramroejan, jang pladjarannja dalem bahasa Inggris soeda di klas 5 dan 3, boleh ditjampoer di klas anak lelaki pada tiap-tiap dijam pladjaran Inggris dengen lebih doeloe dikirim soerat aken minta pikirannja itoe moerid-moerid poenja orangtoea. Goeroe pladjaran bahasa Olanda jang pertama di dalem klas-klas pramroejan ada nona Tan Keng Die, kaloearan H.C.K.

Keadahan klas onderwijs-tengah pramroejan samentara itoe tida ada berdjalan dengen litjin. Moerid-moeridnya tjoema sedikit dan goeroe pramroejan boeat Tiong Hak soesah didapeitken. Maka djoega pada 2 Augustus 1926 telah dibilitarkan soewal teroesken atawa toetoep itoe klas Tiong Hak pramroejan. Dengan kabanjakan soeara telah dimoefaket boeat teroesken itoe klas-pertengahan dari sekola pramroejan dan Bestuur malahan perkenank Commissie Sekola boeat tambah ongkos.

Sebagi goeroe-kapala afdeeling pramroejan, jang pertama, pada 10 September 1926 diangkat nona Chen Yeh Ping.

Mendjalanken poatoesannja Bestuur dd. 2 Augustus, klas Tiong Hak bagian pramroejan diboeka lagi pada 1 December 1926.

Klas Tiong Hak pramroejan poenia keadahan tetep tida bagoes, maka djoega pada 25 Februari 1927 Commissie Sekola ada rapport, bahoea moeridnya itoe klas tjoema tinggal 2 orang sadja, dan ini 2 moerid masih maoe berladjar troes. Kaoem Pengeroes ambil poatoesan boeat tjampoer itoe 2 moerid pramroejan di dalem klas lelaki.

Di dalem taon 1927 oleh goeroe-kapala bagian pramroejan, nona Chen Yeh Ping, dimadjoeken voorstel boeat adaken Girls Guide, samentara goeroe sport, toean Cheng Chao Li, briken pikiran boeat adaken boyscouts, kadoea voorstel mana soeda dimoefaket oleh Commissie Sekola. Dengan poatoesan Bestuur dd. 26 April 1927 telah diserahkan sadjoemblaah f 500.— pada Commissie Sekola boeat digoenaken oentoek pengaduhan padvinderij bagi moerid-moerid lelaki dan pramroejan.

Bermoela kaliasan padvinderij di antara moerid-moerid pramroejan di bawah pimpinannja nona Chen Yeh Ping ada membri pengharepan, tapi blakangan, sasoedanja diadaken reorganisatie pladjaran dan nona Chen Yeh Ping dipetjat lantaran satoe dan laen sebab, dengen pelahan-pelehan gerakan padvindster abis, samentara di itoe koetika di fihak lelaki boleh dibilang belon dilakoeken soeatoe apa di dalem kalangan padvinderij. Inilah ada pengalaman pertama dari T. H.H.K. di dalem oeroesan padvinderij. Di dalem taon 1935, koetika padvinderij digeraki lagi atas voorstelnja toean Tan Boen Seng, Secretaris-Administrator, baroe gerakan padvinderij berdjalan dengen loeroes, boeat mana ada dipake satoe goeroe spesial.

Taon 1928 ada datengken perobahan besar pada pimpinan dan keadahan sekola T.H.H.K.

Oleh toean Tang Wu Chieh, goeroe-kapala atawa Chiao Wu Chang, ada dimadjoeken 4 voorstel, antaranja ada djoega boeat mengadaken coëducatie, jalah pladjaran pada moerid-moerid lelaki dan pramroejan dengen ditjampoer, sebagaimana jang ada terboengkoes di dalem iapoenna voorstel-voorstel 1 dan 2.



Iapoenia voorstel 1 ada : Gaboeng klas-klas lelaki dan prampoean jang pladjarannja sama tingginja. Dengan begitoe bisa dikoerangken sedikit-nja 3 goeroe jang bergadjii f 125.— per boelan. Dalem satoe taon djadi bisa didapetken karinganan ongkos f 4500.— Terpandang dari standpunkt economie, ini ada baek boeat kas sekola, sedeng terliat dari djoeroesan kwaliteit pladjaran, moerid-moerid prampoean djadi dapet pladjaran jang sama baeknja seperti jang didapetken oleh moerid-moerid lelaki. Dimana-mana coëducatie memang samingkin lama djadi samingkin oemoem.

Iapoenia voorstel ka-4 ada: Gaboeng djadi satoe bebrapa klas lelaki dan djoega bebrapa klas prampoean boeat vak-vak pergerakan badan, koentauw, menjanji dan dansa.

Coëducatie telah didjalanken di dalem kita poenja sekola moelai Juli 1928.

Soeda dioendjoek ini systeem coëducatie telah diadaken boeat dapetken perhimatan financieel, sedeng djoestroe di itoe waktoe ada terbit perselisihan di antara goeroe-kapala bagian prampoean, Miss Chen Yeh Ping, dengan sadjoembla moerid-moerid prampoean, jang berkasoedahan dengan poetoesan Bestuur boeat lepas itoe goeroe-kapala bagian prampoean lantaran koerang tjakek.

Dengan tjara demikian djadi boleh dibilang satoe sekola antara sekola-sekolanja T.H.H.K. djadi linjap, jaitoe sekola prampoean.

Tapi sekola Inggris T.H.H.K., jang mempoenjai goeroe-kapala sendiri, poen dengan pelahan-pelahan loemer djadi satoe di dalem sekola Tieng-im T.H.H.K. Ini persatoean sabetoelnja soeda diichtiarken lama oleh Commissie Sekola dan Chiao Wu Chang jang doeloean, tapi baroe bisa terjadi di waktoe toean Tang Wu Chieh djadi goeroe-kapala, hingga sadiek itoe waktoe T.H.H.K. djadi tjoema ada poenja satoe sekola sadja, dalem mana ada dibriken djoega pladjaran Inggris.

Boeat seboet T.H.H.K. sadiek itoe waktoe tjoema ada poenja satoe sekola sadja, sabetoelnja poen tida betoel. Ini tjoema ada bener kaloe diliat apa jang kaliatan, oepamanja tjoema ada satoe gedong, tjoema ada satoe goeroe-kapala, enz..

tapi menoeroet sifatna onderwijs moesti dibilang, bahoea T.H.H.K. ada poenja doeä sekola, jaitoe satoe sekola-rendah dan satoe sekola-tengah.

Sekola-rendah T.H.H.K. ada mempoenjai 7 klas, jaitoe 1 klas permoelahan (klas 0), 4 klas Chuteng dan 2 klas Kaoteng. Sekola-tengah T.H.H.K. itoe waktoe tjoema ada bagian Chuchung scđja jang lamanja tiga taon.

Dengan begini sekola T.H.H.K. djadi dapet satoe toedjoehan jang tetep. Doeloe betoel diadaken djoega examen Matriculation dari Hongkong University, tapi ini tida bisa dibilang ada djadi toe-djoehannja sekola T.H.H.K. Examen Matriculation dari Hongkong University telah diadaken di dalem sekola kita boeat pertama kali di dalem taon 1923, pada mana telah loeloes 2 moerid.

Eindexamen jang pertama dari T.H.H.K. poenja afdeeling Chuchung dari sekola-tengah telah diadaken boeat pertama kali di dalem boelan Juni 1929, pada mana telah loeloes 8 moerid, dan moelai itoe taon diadaken Kaochung.

Di itoe taon T.H.H.K. poenja sekola-tengah masih belon djangkep semoea klasnya.

Ini keadahan baroe dapet disampeken di dalem taon 1933, di dalem taon mana boeat pertama kali telah diadaken eindexamen Kaochung (jang kira-kira sama dengan eindexamen A.M.S.), di dalem mana telah loeloes 7 moerid.

Di dalem taon 1931 boeat pertama kali satoe moerid telah loeloes boeat Yenching University.

Bahasa Inggris moelai dibriken di sekola-rendah klas Chuteng IV, sementara bahasa Olanda moelai dikasi di klas Chuchung I, jaitoe jang tingkatannya sama dengan klas 1 dari Mulo.

Kamadjoean sekola kita telah membikin samingkin lama djadi samingkin perloe banjak tempat. Toeane Tang telah perna madjoeken pikiran boeat tempatken kita poenja bagian sekola-tengah di satoe gedong laen, boeat mana ia ada inget pada gedong Lam Tieng Bio (menoeroet verslag goeroe-kapala boeat periode Juli 1928 — Juni 1929). Tapi ini nia'an boeat sewah Lam Tieng Bio telah tida kadjadian.

## RIWAJAT 40 TAON



T. H. H. K. BATAVIA

Kerna kasesekan tempat ada samingkin terasa berhoeboeng dengen bertambahna moerid-moerid, di dalem taon 1931 (pada achir ini taon djoemblah moerid-moerid ada 810) Bestuur telah kapaksa minta Tiong Hoa Siang Hwee, jang sewah bagian depan dari gedong T.H.H.K. poenja sajap kiri, pinda. Ka ini roeangan laloe dipindaken bibliotheek dan kantoor dari goeroe-kapala.

Klas-klas sekolahna dibikin djadi terlebih tjoetjok dengen permintahan-permintahan djeman. Sasoe-danja di dalem taon 1933 sajap kanan dirobah, pada laen taonna rentetan klas-klas di seblah kiri poen dibikin baroe. Bagian blakang, jang paling achir ada disediaken boeat tempat-tinggalna goegoego-goeroe pramroe, telah diperbaiki dan didjadiken laboratorium dan klas boeat pladjaran ilmoe alam dan laen-laen jang berhoeboeng dengen itoe (1934).

Di dalem taon 1932, sedari boelan Februari, oleh Dr. Kwa Tjoan Sioe, Dr. Tan Kim Hong dan Dr. J. H. De Haas serta satoe verpleegster dari Jang Seng Ie ada dilakoeken papreksahan tentang moerid-moerid poenja berat, tinggi, lebarnja dada, oemoer, tempat-kalahiran dan keadahan roemah-tangga goena selidiki satjara systematisch, bagimana anak-anak Tionghoa mendjadi besar. Moelai boelan Maart, di dalem itoe taon djoega, pada tiap-tiap hari Kemis oleh Dr. Tan Kim Hong ada dibikin lezing tentang kasehatan bagi moerid-moerid Chung Hsioh, hal mana pasti ada berfaedah bagi marika ini.

Dengen soerat tertanggal 13 April 1934 Chinan University di Shanghai kabarken, itoe midrasa ada sedia aken trima kita poenja moerid-moerid berladjar dengen prodeo di dalem iapoenja Normal School, samentara jang loeloes bisa dapat scholarship (toendjangen boeat berladjar) aken teroesken terlebih djaoe pladjarannja ka dalem sekola-tinggi.

Moerid-moerid sekola kita samingkin lama samingkin bertambah. Di dalem taon 1933 banjakna moerid-moerid soeda lebih dari 1000 orang; koeftika di dalem boelan Juli 1933 diboeke cursus

1933 — 1934 djoemblah itoe ada ..... 1045! Satoe djoemblah jang boekannja ketijil! Toch itoe angkah naek terces! Djoemblah moerid-moerid poekoel-rata saban boelan di dalem taon 1935 ada 1047, di dalem taon 1936 naek sampe djadi 1066, di dalem taon 1937 garisan pernaeken berdjalan teroes sampe 1095 (malahan di dalem ini taon 1937 djoemblah moerid-moerid perna oendjoek angkah 1165!), dan di dalem taon 1938 lompat djadi 1139! Perang Tiongkok — Japan, jang meletoes di dalem boelan Juli 1937, tida bisa disangkal lagi ada bantoe bikin bertambah djoemblahnja moerid-moerid T.H.H.K., kerna banjak anak-anak jang toentoet pladjaran terlebih djaoe di Tiongkok telah poelang dan landjoetken pladjaran di dalem sekola T.H.H.K. Batavia. Taon-sekola 1939 — 1940 dimoelai di dalem boelan Juli 1939 dengen 1185 moerid-moerid.

Itoe djoemblah poekoel-rata tiap-tiap boelan di dalem taon 1938, jaitoe 1139, ada terdiri dari 404 moerid afdeeling sekola-tengah dan 735 moerid afdeeling sekola-rendah.

Pada achir cursus di dalem boelan Juni 1939 telah tamat berladjar dari afdeeling sekola-rendah 64 moerid lelaki dan 36 moerid pramroe, dari onderbouw sekola-tengah (Chuchung) 37 moerid lelaki dan 23 moerid pramroe, dari bovenbouw sekola-tengah (Kaochung) 9 moerid lelaki dan 6 moerid pramroe, dan dari afdeeling Sekola Daeng 5 moerid lelaki dan 2 moerid pramroe.

Di dalem taon 1932 blandja sekola ada f 67.764.51, di dalem taon 1933 f 74.213.12 dan di dalem taon 1934 f 71.244.24 (di dalem ini taon jang blakangan sabagian besar dari ongkos administratie ada dimasoeki ka dalem blandja sekola). Dari sini orang bisa liat perhimatan jang diadaken di dalem taon 1934. Di dalem taon-taon 1935, 1936, 1937 dan 1938 blandja sekola ada f 69.972.34, f 68.811.89, f 68.127.06 dan f 72.298. Kerna angkah ini dan laen-laen lagi boeat taon 1939 baroe bisa dimadioeken di dalem Jaarlijksche

## RIWAJAT 40 TAON



T. H. H. K. BATAVIA

Algemeene Ledenvergadering jang akan diadakan di pertengahan taon 1940, maka angkah-angkah itoe tida bisa dibriken di sini.

Ongkos jang T.H.H.K. moesti kaloearken

poekoel-rata per moerid per boelan dan oewang-sekola jang kas ini perkoempoelan dapat trima poekoel-rata per moerid per boelan di dalem taon-taon 1932 — 1938 ada sebagai brikoet:

	Ongkos poekoel-rata per moerid per boelan :	Gewang-sekola poekoel-rata per moerid per boelan :	Kakoerangan rata-rata
1932	f 5.88	f 4.35	f 1.53
1933	" 6.19	" 4.57	" 1.62
1934	" 5.81	" 4.87	" 0.94
1935	" 5.57	" 4.55	" 1.02
1936	" 5.38	" 4.65	" 0.73
1937	" 5.18	" 4.79	" 0.39
1938	" 5.29	" 4.75	" 0.54

Apa jang angkah-angkah di atas oendjoek pada kita?

Jalah: ongkos jang T.H.H.K. moesti kaloearken poekoel-rata boeat tiap-tiap moerid tiap-tiap boelan ada terlebih besar dari pada oewang-sekola jang T.H.H.K. poekoel-rata dapat trima per moerid per boelan!

Di dalem taon 1932 T.H.H.K. kaloearken boeat ongkos pladjaran tiap-tiap moerid tiap-tiap boelan poekoel-rata f 5.88, samentara pendapatan oewang-sekola tiap-tiap moerid tiap-tiap boelan poekoel-rata f 4.35, hingga boeat tiap-tiap moerid kas T.H.H.K. moesti tambah khen poekoel-rata (f 5.88 — f 4.35 =) f 1.53 per boelan. Bestuur tentoe sadja berichtiar akan membikin itoe kakkatjekan-roegi djadi begitoe ketjil sebisanya. Sebagimana oleh angkah-angkah di atas ada teroendjoek dengan njata, boeat taon 1938 karoegean poekoel-rata jang T.H.H.K. moesti pikoi per moerid per boelan telah bisa ditoeroenken sampe djadi (f 5.29 — f 4.75 =) f 0.54.

Ini ada satoe sebab jang terang sekali, mengapa T.H.H.K. perloe dan amat pantes dapat toendjangan orang banjak!

Djoemblah goeroe-goeroe sadiek taon 1932 boleh dibilang tida berobah banjak. Samentara di dalem taon 1932 sekolahannya kita ada bekerdja dengan 32 goeroe, pada achir taon 1937 dan achir taon 1938 djoemblah itoe ada 37. Angkah poekoel-rata dari gadji goeroe-goeroe per boelan di dalem

taon-taon 1936, 1937 dan 1938 ada f 164.88, f 134.98 dan f 127.93, samentara djoemblah totaal dari gadji goeroe-goeroe jang T.H.H.K. moesti kaloearken di dalem itoe tiga taon ada f 71.228.16, f 59.931.12 dan f 56.800.92.

Banjarknja moerid-moerid telah membikin perloe diadaken parallel-klassen. Boeat cursus 1934 - 1935 semoea klas dari bagian sekola-rendah dan dari Chuchung ada doea, begitoepoen di dalem taon-taon brikoetnya.

Pada achir boelan Juli 1935 toean Tang Wu Chieh, jang telah kapalaken sekolahannya kita banjak taon dan mempoenjai banjak djasah, letaken djabatannja, satelah mana toean-toean Khouw Keng Koen, Kho Tjin Kie, Chang Kuo Chi dan Liu Yao Tseng pegang pimpinan, sahingga pada achir taon 1935 dioendang Dr. Tso Cheng En alias Tso Ying-hsia (graduate dari Montpellier, Frankrijk). Sasoeada djadi goeroe-kapala satoe taon lebih, pada achir boelan December 1937 Dr. Tso Cheng En brenti. Perwakilan goeroe-kapala laloe dipegang oleh toean Khouw Keng Koen sampe di dalem pertengahan kadoea dari taon 1938 diangkat toean Tsao Yuh Tsung, B. A. (Soochow), LL.B. (Michigan), M.B.A. (Delaware), djadi pemimpin sekolahannya kita.

Di dalem taon 1934 atas voorstelnja toean Tan Boen Seng kombali digeraken padvinderij, dengan maksoed membantoe discipline sekolahannya. Boeat pimpin padvinderij telah dioendang satoe goeroe speciaal (Juli 1935). Afdeeling Padvinderij dari T.H.



H.K., jang diseboet djoega Pa Hua, telah di'instal-leerd pada 10 October 1935 dan ada tertjatet oleh Nederlandsch-Indische Padvinders Vereeniging sebagai Troep No. 22.

Kita poenia moerid-moerid pramroepean poen tida koerang giatnja dari pada moerid-moerid lelaki boeat oeroesan padvinderij. Di dalem boelan Mei 1938 padvindsters T.H.H.K. djoega djadi anggota dari N.I.P.V. dengan dapat nama Groep XV.

Padvinderij kita ada dapat kamadjoean dengan menjenangken. Di dalem taon 1938 itoe afdeeling ada mempoenjai 7 leider, 7 patrouille dari sama-sekali 50 padvinders, 3 patrouille dari sama-sekali 18 padvindster dan 3 nesten dari sama-sekali 20 welpen (moerid-moerid ketjil); djadi ini afdeeling ada mempoenjai 95 anggota.

Kita poenja patrol leader, moerid Lan Ek Chang, telah dipilih djadi salah-satoe anggota dari contingent padvinders dan padvindsters Hindia-Olanda jang dikirim ka Nederland boeat saksiken Jamboree Doenia di sana, jang diadaken pada 31 Juli — 9 Augustus 1937.

Dengen soerat tertanggal 20 December 1935 toean Loa Chan Hui, goeroe bahasa Inggris dari sekolah kita, madjoeken voorstel mengadaken satoe Commercial Department, jang menoeroet anggepanja aken djadi satoe kafaedahan bagi itoe sagolongan moerid-moerid Kaochung jang tida aken bisa berladjar teroes di Tiongkok dan jang tida tjojok boeat Pu-tung-ko atawa algemeen vormend onderwijs. Boeat adaken satoe klas dagang, toean Loa oendjoek, ada tida soesah, dan ia ada briken perbandingan di antara rooster klas biasa dan rooster klas dagang.

Ini voorstel dari toean Loa Chan Hui telah dipahamken terlebih djaoe oleh Commissie Sekola, dengan berkasoedahan di dalem boelan Juli 1936, jalah pada taon-pladjaran baroe, telah diboeke satoe afdeeling Sekola Dagang Pertengahan dengan 3 taon-pladjaran. Eindexamen pertama dari ini afdeeling telah diadaken di dalem boelan Juni 1939 dan jang loeloes ada 7 moerid, jaitoe 6 moerid lelaki dan 1 moerid pramroepean.

Goena kapentingan sekolah, di dalem taon 1937 telah digeraki satoe Society for Research (Perkoempoelan boeat selidiki Soewal-soewal Pendidikan dan Pladjaran); dengen itoe ada diharep, hal-hal jang berhoeboeng dengan onderwijs bisa diselidiken dan diroendingken dengan mateng.

Soewal onderwijs pada anak-anak Tionghoa miskin selaloe ada dapat perhatian sapenoehnjā dari kalangan T.H.H.K. Pada taon 1933 soeda ada dimadjoeken voorstel boeat berdiriken satoe sekola prodeo bagi anak-anak Hoakiauw jang miskin.

Tapi baroe pada 15 Juli 1935 itoe maksoed bisa kasampean dengan pengadahan sekola-lohor, dengan nama Pa Hua Min Chung I Wu Hsioh Hsiao, satoe boeah dari pakerdjhahan bersama-sama di antara Bestuur, staf goeroe-goeroe dan perkoempoelan moerid-moerid, Pa Hua Hsioh Sing Chih Chih Hui.

Koetika ini sekola baroe diboeke, kerna itoe 70 lebih anak-anak, jang hendak berladjar di sana, poenja tingkatan pladjaran tida rata, telah diadaken 3 klas dalem 4 kamar. Jang mengasi pladjaran di dalem ini sekola-lohor, jang diadaken pada djam 3 — 5 sore, adalah moerid-moerid jang besaran dari klas Chuchung II ka atas. Antara marika dipilih satoe boeat kapalaken oeroesan pladjaran. Dari Bestuur diangkat orang boeat menilik dan dari staf goeroe-goeroe dioendjoek tiga anggota boeat memimpin.

Tentoe sadja di dalem taon-taon brikoetnja Pa Hua Min Chung I Wu Hsioh Hsiao ada dapatken perobahan-perobahan.

Djam-berladjarnja di dalem taon 1938 telah dja-di 3.30 — 5.00 sore.

Itoe sekola-lohor ada poenja 5 klas, jaitoe klas 0 sampe klas 4. Di dalem ini tempo 5 taon moerid-moeridnya moesti loeloes dari Chu-teh Hsiao-hsioh, samentara moerid jang paling bagoes rapportnja ditrima berladjar dengan prodeo dalem sekola-pagi. Pladjaran sebrapa bisa dibriken menoeroet leerplan sekola T.H.H.K.

Semoea moerid dalem ini sekolah tida membajar apa-apa; djoega boekoe-boekoe dikasi dengan pertjoema.



Djoemblah moerid-moerid di dalem taon 1937 ada 183; di dalem taon 1938 itoe djoemblah soeda naek djadi 231. Jang mengadjar ada 28 orang.

Mendjadi-loeasnja ini sekolahannya tentoe sadja membikin ongkosnya naek. Samentara di waktoe baroe diberdiriken ongkos tiap-tiap boelan dari itoe sekola-lohor ada koerang-lebih f 10.—, jang semoea dipikoel oleh kas dari Pa Hua Hsioh Sing Chih Chih Hui, sedeng T.H.H.K. sediaken kamar-kamar, bankoe-bankoe, kapoer, aer dan sebaginya, ini ongkos di dalem taon 1939 telah naek djadi f 181.66.

Dengen adanja ini sekola-lohor Pa Hua Min Chung I Wu Hsioh Hsiao, lokaal-lokaal sekolahannya T.H.H.K. djadi terpake boleh dibilang teroes-meneroes dari pagi sampe sore. Moelai taon 1936 pa makean klas-klas itoe ada sebagai brikoet :  
djam 7.30 — 1.00 sekola T.H.H.K.,  
djam 3.00 — 5.00 Min Chung I Wu Hsioh Hsiao,  
djam 5.00 — 7.00 Sekola Malem Tionghoa, dan  
djam 7.00 — 9.00 les goeroe Inggris pada orang dewasa.

Sport moerid-moerid di dalem sekolahannya kita ada dapat perhatian besar. Salaennja basketball, badminton poen ada dijakinken oleh moerid-moerid dan voetbal tentoe sadja tida terloepa. Beberapa pertandingan dengen fihak loear telah dilakoeken oleh team dari moerid-moerid kita di dalem taon-taon blakangan dengen dapatken kamenangan. Di dalem taon 1938 kita ada poenja 10 team basketball, antaranja 2 team prampoean. Salaen dari itoe, di dalem taon ini lebih dari 200 moerid-moerid selaloe toeroet ambil bagian pada itoe permaenan. Kita poenja moerid-moerid lelaki ketjil di dalem taon terseboet telah dapatken kampionschap di dalem pertandingan dengen laen-laen perkoempoelan di bilangan Batavia, jang diadaken oleh Bond. Di dalem vacantie besar Juni 1938 dengen maksoed menoendjang Fonds Amal Tiongkok kita poenja team-team lelaki dan prampoean dari moerid-moerid besar telah bikin perdjalan dan lakoeken pertandingan di Tegal, Semarang, Soerabaja, Malang, Blitar dan Solo dengen pendapatan bersih f 1662.03, jang soeda diserahkan pada pengoeroes dari Fonds terseboet

di tempat-tempat itoe. Djoega di Bandoeng telah diadaken perlandingan dengen itoe maksoed; pendapetannja, f 461.09, diserahkan pada Fonds Amal Tiongkok di sana.

Kerna kita tida ada poenja veld jang tjotiek goena itoe, moerid-moerid jang maen voetbal tjoema sedikit, dan ini poen dilakoeken dengen toe-roet dalem elftal perkoempoelan-perkoempoelan voetbal.

Pertandingan track and field diadaken satoe taon sakali, jaitoe pada tanggal 10 October dan satoe-doea hari di moeka dan brikoetnja itoe, dengen maksoed membangoenken publiek poenja perhatian bagi sport.

Oleh moerid-moerid bagian sekola-tengah telah diberdiriken perkoempoelan Pa Hua Hsioh Sing Chih Chih Hui (The Pa Hua Middle School Students' Association) di dalem boelan November 1928. Sasoeda sakean lamanja „menoempang” di dalem dagblad „Sin Po” Chineesche Editie, oleh ini perkoempoelan moerid-moerid diterbitken maandblad bahasa Tionghoa, jang pada boelan Augustus 1929 di’koet oleh pengaloearan maandblad di dalem bahasa Inggris; kadoea orgaan ini sekarang digaboeng djadi satoe. Ini penerbitan tentoe sadja ada berfaedah bagi pladiaran moerid-moerid, kerna itoe ada sadijken kasempatan aken pahamken ilmoe menoelis.

Samentara moerid-moerid afdeeling sekola-te-nah berdiriken perkoempoelan Pa Hua Hsioh Sing Chih Chih Hui, moerid-moerid bagian sekola-rendah poen berdiriken satoe club, jaitoe Hsiao Tsing Nien Hui. Ini perkoempoelan ada mewadjibken beberapa anggotanja meronda, soepaja anggota-anggota jang laen-laen perhatiken kaberesan dan karesikan.

Di dalem boelan April 1938 telah kadjadian satoe hal jang menjedihken dan jang T.H.H.K. belon perna alamken: „pemogokan” moerid-moerid !

Sebabnja antara laen-laen bisa djadi ada : sebagi penggantinja Dr. Tso Cheng En (jang letaki djabatennja sebagai goeroe-kapala pada achir December 1937) diangkat Ir. Khouw Keng Koen, sebagimana jang soeda perna kadjadian doeä kali,



dan lebih djaoe diadaken perobahan-perobahan di dalem oeroesan pladjaran, sedeng goeroe-goeroe poenja kapandean mengadjar dipreksa kombali. Laen dari ini, jang membikin pladjaran pada moerid-moerid djadi terlebih berat, poen penilikan terlebih tadiem pada Afdeeling Pendjoealan (Fan May Pu — Selling Department) hari Pa Hua Hsioh Sing Chih Chih Hui roepa-roepanja ada toeroet menjadi lantaran.

Ini Afdeeling Pendjoealan telah tertijpta di dalam taon 1928. Bermoela Bestuur tida moefaket dengan ini, tapi kerna atas andjoeran goeroe-kapala di itoe waktoe, toean Tang Wu Chieh, telah bisa didapetken kapitaal dari goeroe-goeroe dan moerid-moerid. Bestuur telah djadi dihadepken dengan mendadakan pada satoe „fact accomplished“ dan satoe dan laen telah membikin Bestuur pada 12 September 1935 angkat satoe Commissie Papreksahan Keadahan Fan May Pu, terdiri dari toeantoean Lim Soen Kim, Go Siang Tiat, Tan Boen Seng, Nio Joe Lan dan Kho Tjin Kie. Oleh toeantoean Go Siang Tiat, Tan Boen Seng dan Kho Tjin Kie, jang lakoeken vooronderzoek, kamodian pada 31 December 1935 dimadjoeken satoe rapport pandjang-lebar, jang menoetoerken pendirian dan keadahan di itoe waktoe dari Fan May Pu dengan antara laen-laen madjoeken voorstel: toeioep itoe afdeeling, kerna mengganggoe pladjaran moerid-moerid atawa reorganiseer itoe begitoe roepa, hingga itoe afdeeling dioeroes oleh orang-orang dewasa.

Djadi Fan May Pu kaliatannja ada salah-satoe sebab dari itoe „pemogokan“ moerid-moerid.

Memereksa terlebih dalem sebab-sebabnya itoe „pemogokan“ bisa dibilang, bahoea itoe adalah kerna: (1) kamerdikahan jang dibriken pada moerid-moerid hingga gampang kena pengaroh dari loear, (2) discipline sekola tida dipegang keras, (3) katledoran dan kealahan goeroe-goeroe jang memikoel pertanggoengan, (4) perobahan mendaak jang mengenaken goeroe-goeroe dan pladjaran moerid-moerid dan (5) asoetan orang loear. Boekti paling njata, bahoea di dalem ini oeroesan fihak loear ada tjampoer adalah circulaires jang

diselebarkan oleh moerid-moerid ditjitak dengan samattem masin Gestetner.

Toean le Tjoen Siang, salah-satoe Vice-President kita, telah bekerdjya keras aken bikin beres itoe „pemogokan“. Banjak hari telah dikorbanken olehnya aken preksa moerid-moerid jang tersangkoet dan berhoeboeng dengan hasil-papreksahan-nya toean le. Bestuur telah ambil sikep djedjek, keras dan adil, hingga achir-achirnya moerid-moerid jang bersalah hatoerken maaf dengan berdjandji tida aken oelangken itoe perboeatan tersesat. Lebih djaoe boeat menjegah kakaloetan dan kakoesoe'an poela, hak perkempoelan moerid-moerid pake beberapa roeangan boeat Afdeeling Pendjoealan ditarik poelang, dan pendjoealan di dalem sekolahaan dikasi pacht pada orang loear, tapi pendapetannja tetep ada boeat pergerakan moerid-moerid dengan ditilik oleh Bestuur. (Tentang „pemogokan“ baijalah verslag Afdeeling Sekola T.H.H.K. taon 1938, dan prihal Fan May Pu preksalah rapport toeantoean Go Siang Tiat, Tan Boen Seng dan Kho Tjin Kie dd. 31 December 1935.)

Satoe hal jang ada berharga boeat diseboet di sini adalah, toeantoean Chang Chun, jang di dalem taon 1936 ada pangkoe dijabatan Minister Oeroesan Loear Negri dari Tiongkok, perna mengadir di dalem sekolahaan kita, jaitoe dari 1 December 1915 sampe 15 April 1916. Sampe sekarang ini toeantoean tida loepaken sekola T.H.H.K. Di dalem taon 1937 dengen perantarahannja Dr. Tso Cheng En, di itoe koetika kita poenja goeroe-kapala, ia telah menderma pada sekola ini \$ 200 = f 108.11 boeat laboratorium. Lebih djaoe ia ada kirimken soerat poedjian dan satoe portretnja.

Djoega toeantoean Lauw Sioe Peng alias Thio Yang Tiong, salah-satoe pembesar militair tinggi di Tiongkok, jang di dalem taon-taon 1915 — 1916 poen ada djadi goeroe kita, berbareng dengan toeantoean Chang Chun ada briken soerat poedjian dan portretnja.

Antara tetamoe-tetamoe tinggi, jang di dalem beberapa taon blakangan telah koendjoengken sekola T.H.H.K., kita seboet sadja di sini toeantoean R. E. Parry, Hoofdinspecteur Sekola dari Departement

## RIWAJAT 40 TAON



T. H. H. K. BATAVIA

van Onderwijs di Uganda Protectorate, British East Africa, dengan dianter oleh toean M. van der Valk dari Kantoor voor Oost-Aziatische Aangelegenheden, Luitenant Lie Boen Sin dan toean Tan Boen Sing, Secretaris dari Kong Koan. Toean Parry ada poedji pladjaran Inggris dari T.H.H.K. (1937).

Pada 26 Februari 1938 toean H. R. Cheeseman, Inspecteur Sekola dari Pamerentah Straits Settlement, poen koendjoengken sekolahana kita dengan dianter oleh toean W. E. Mann dari Asia Life Ins. Co. di sini.

Subsidie Kong Koan dengan poetoesan itoe Majelis dd. 14 December 1936 telah dinaeki poela djadi f 300.— per boelan. Djoega pada Pa Hua Min Chung I Wu Hsioh Hsiao, itoe sekola lohor bosai anak-anak miskin, Kong Koan ada briken tcendjangan boelanan besarnja f 10.—

Pada 10 October 1937 telah dirajahken satoe hal jang langkah: Jubileum soeda bekerdjya 25 taon dari toean Jo Sie Siang, satoe goeroe. Doe-loe toean Jo ada ..... T.H.H.K. poenja moerid! Ia poen ada satoe antara moerid-moerid jang T.H.H.K. telah kirim ka Tiongkok. Satelah ia balik dari Tiongkok, toean Jo mendjadi satoe antara goeroe-goeroe kita jang paling radjin.

Sekola kita sekarang soeda djadi besar, dan ini tjoema telah bisa kadadian dengan bantoean berarti dari orang Tionghoa.

Di dalem taon 1939, atawa taon ka-40 dari berdirinya T.H.H.K., kombali ada dibitjaraken pengaduhan Afdeeling Normaal Cursus, dengan maksoed pimpin pamoeda-pamoeda djadi goeroe-goeroe boeat sekola-sekola Tionghoa, dan djoega penjiptahan satoe Afdeeling Fröbel.

Kamoedian pada 1 November 1939 telah bisa diadaken itoe Normaal Cursus jang di'inginken; ini pladjaran dibriken di wakoe lohor.

Biarpoen Djawa Hak Boe Tjong Hwe telah gagal, kerna insaf kafaedahannja satoe persariketan sekola-sekola Tionghoa, di dalem taon 1934 di atas initiatief dari Tiong Hoa Li Hak Hauw di Batavia, di ini kota diberdiriken satoe persariketan

sekola-sekola Tionghoa di dalem kalangan ketjil, jaitoe boeat sekola-sekola Tionghoa di kota Batavia dan Mr. Cornelis sadja. Ini persariketan sekola-sekola ada pake nama Pa Cheng Hua Hsiao Lien Ho Hui atawa Bond van Bataviasche Chineesche Scholen. Voorzitter pertama dari ini ada toean Chun Foo Chun.

Di dalem taon 1938 dari 23 sekolahan Tionghoa, jang ada berdiri di Batavia dan Mr. Cornelis, ada 19 jang djadi anggota-anggotanya Bond van Bataviasche Chineesche Scholen. Djoega T.H.H.K. Batavia ada djadi lidnja. Tapi moelai 1 Januari 1940 T.H.H.K. Batavia oendoerken diri.

Satoe tindakan jang terlebih loeas dan mirip dengen gerakan Djawa Hak Boe Tjong Hwe ada disaksiken oleh taon 1937.

Di atas initiatief dari T.H.H.K. Solo, jang dipimpin oleh toean Liem Thay Tjwan sebagai Voorzitter, di sana pada tanggal-tanggal 26-28 Augustus 1937 telah diadaken Conferentie Onderwijs Tionghoa.

Wakil-wakil Tiong Hoa Hwe Koan Batavia ada toean-toean Chun Foo Chun, Go Siang Tiat dan Mr. Lie Tjiong Tie.

Jang kirim wakil-wakil ka dalem itoe conferentie ada 20 perkoempoelan-onderwijs, jaitoe T.H. H.K. Batavia, T.H.H.K. Buitenzorg, T.H.H.K. Djokja, T.H.H.K. Gombong, T.H.H.K. Japara, T.H.H.K. Joana, T.H.H.K. Keboemen, T.H.H.K. Klaten, T.H. H.K. Madioen, T.H.H.K. Moentilan, T.H.H.K. Pemalong, T.H.H.K. Poerwodadi, T.H.H.K. Poerwokerto, T.H.H.K. Salatiga, T.H.H.K. Solo, T.H.H.K. Sragen, T.H.H.K. Tjilatjap, T.H.H.K. Toeban, Hoa Ing Tiong Hak Semarang dan Pin Min School Koeningen. Jang tida toeroet berhadir, tapi soeka toeroet poe-toesan-poetoesan jang aken diambil ada 26 perkoempoelan, jaitoe T.H.H.K.-T.H.H.K. di Bangkalan, Cheribon, Garoet, Indramajoe, Kertosono, Koetardjo, Krian, Malang, Modjokerto, Parakan, Pekalongan, Probolinggo, Rembang, Semarang, Serang, Soerabaja, Tangerang, Tasikmalaja, Tegal, Temanggoeng, Toeloeng-agoeng, Trenggalek, Tjimahi, Wonosobo dan Grissee dan Chung Hwa School di Djember.

## RIWAJAT 40 TAON



T. H. H. K. BATAVIA

Mr. Ko Kwat Tiong ada djadi salah-satoe prae-adviseur.

Pimpinan conferentie ada terserah pada satoe Comité dari Pemimpin, Chu Shih T'uan, terdiri dari T.H.H.K. Batavia, Hoa Ing Tiong Hak Semarang dan T.H.H.K. Solo.

Di dalem itoe conferentie diambil poetoesan boeat tjiptaken satoe Centrale Organisatie, jang berdiri di atas semoea perkoempoelan onderwijs di Hindia-Olanda dan jang mengoetamaken persatoean dan rationalisatie dalem pergoeroean-pergoeroean Tionghoa di sini dalem artian jang loeas, dengen pake nama Ho Yin Hua Chiao Chiao Yu Chung Hui. T.H.H.K. Batavia diminta soeka tri-ma boeat briken pimpinan dan boeat atoer ini Centrale Organisatie, Bestuur dari jang mana ditempatken di Batavia.

Lebih djaoe antara laen-laen ada dipoetoesken: Leerplan aken menggoenaken Kuo-yü.

Pladjaran pake dasar Khong Kauw atawa tida, diserahkan pada satoe Speciale Commissie, jang aken diangkat oleh Centrale Organisatie. Rapport ini commissie aken ditimbang di dalem conferentie kadoea.

Soewal bahasa asing poen diserahkan pada ini commissie.

Soewal peratoeran tentang pladjaran, pembagian pakerdahan dan penjampoernahan plan pladjaran (techniek) diserahkan pada commissie.

Andjoerken anggota-anggota taro perhatian pada pendidikan kasehatan (physiek), pendidikan batin (moreel) dan pendidikan pikiran (intellect).

Trimbaek voorstel toean Tan Kiet Khing, Adviseur, boeat angkat satoe Speciale Commissie aken mengadaken satoe Fonds Centraal, commissie

mana baroe aken brenti bekerdjá pada sasoedanja dapet koempoel 1 ton boeat itoe Fonds. Toean Tan Kiet Khing diserahkan tjari anggota-anggota boeat Hoofdcomité itoe Fonds, jang hendak dibri nama „Chung Hui Fund“ atawa „One Ton Educational Fund“.

Achirnja ditetepken aken adaken conferentie jang kadoea pada 27 Augustus 1938 di Semarang, Djokja atawa Batavia.

Sampe sabegitoe djaoe kaliatannja hasilnja itoe Conferentie Onderwijs Tionghoa ada membriken banjak pengharepan.

Oleh T.H.H.K. Batavia, jang telah diminta boeat sementara waktoe pegang pimpinan aken atoer itoe Centrale Organisatie, telah dioendjoek beberapa anggota-Bestuurnja boeat karang rentjana Statuten, Huishoudelijk Reglement dan laen-laen, dengen dipimpin oleh Mr. Lie Tjiong Tie. Satelah rampoeng, ini laloe dimadjoeken pada Conferentie kadoea, jang dipoetoesken diadaken di Batavia pada tanggal-tanggal 27 - 30 Augustus 1938.

Tapi kerna sikepnja sadjoemblah wakil sekolah-sekolahan, jang kliroe artiken toedjoehannja itoe Bond, itoe conferentie kadoea telah djadi gagal.

Kamoedian di atas ichtiarnja sabagian dari pengandjoer-pengandjoernja, pada 24 - 26 December dalem itoe taon djoega (1938) telah diadaken pose-la satoe conferentie di Solo, jang berdiriken Chung Hua Chiao Yu Hui. Kerna taro sympathie pada marika poenja pergerakan, kita telah kirim Mr. Lie Tjiong Tie dan toean Go Siang Tiat sebagai wakil-wakil kita ka sana.

Hari-hari jang mendatengi nanti oendjoek, apa Bond jang terseboet blakangan aken berhasil.

### III

## BIBLIOTHEEK.

*S*ADJEK diberdiriken memang Tiong Hoa Hwe Koan soeda ada kandoeng niatan aken „meangadaken satoe koempoelan dari roepa-roepa boekoe, jang berfaedah aken goena pengataoeän dan pengartian”, sebagimana jang ada diseboet di dalem Statuten bermoela fatsal 2 ajat c.

Ini berarti, bahoea T.H.H.K. poen hendak bekerdja ka djoeroesan satoe perkoempoelan bibliotheek, satoe perkoempoelan jang sampe sabegitoe djaoe masih belon dikenal dan dipoenjai oleh bangsa Tionghoa.

Kita soeda toetoerken, bahoea goena bibliotheek telah dibeli boekoe-boekoe mahal, dan di dalem taon 1904 malahan soeda dibeli di dalem lelang boekoe-boekoenga toean Tan Boen Koei almarhum di Mr. Cornelis boeat harga lebih dari f 700.—.

Ini bibliotheek jang T.H.H.K. telah moelai adakan sadjek ini perkoempoelan moelai digeraken djadi ada satoe pengoempoelan boekoe-boekoe jang tersedia bagi lid-lid T.H.H.K.

Blakangan di seblah ini bibliotheek ada moentjoel satoe bibliotheek laen, jaitoe pengoempoelan boekoe-boekoe bagi moerid-moerid sekola T.H.H.K. Tegesnya blakangan di kalangan T.H.H.K. ada lagi satoe bibliotheek, dan ini bibliotheek ada digeraki oleh goeroe-goeroe dan moerid-moerid, atas initiatief dari goeroe-kapala Tsao Nan.

Pada 22 Mei 1923 ada dabitjaraken pikiran aken pindaken T.H.H.K. poenja boekoe-boekoe — teges-

nja bibliotheek bagi lid-lid T.H.H.K. — jang tersimpren di dalem ampat lemari, katjoeali satoe koempoelan boekoe-boekoe „Touw Sie Tjip Seng”, ka moerid-moerid poenja kamar bibliotheek, soepaja marika bisa goenaken.

Bestuur telah toelak itoe voorstel boeat pindaken djadi satoe boekoe-boekoe T.H.H.K. dengan bibliotheek dari moerid-moerid sekola T.H.H.K., oleh kerna Bestuur koectir itoe koempoelan boekoe-boekoe jang sekarang soesah ditjari djadi roesak. Tapi Bestuur idzinken moerid-moerid pindjem boekoe-boekoe dari bibliotheek T.H.H.K. dengan perantaraan marika poenja goeroe dengan kasi bon pada Administrateur.

Dengen laen perkatahan: soewal gaboeng bibliotheek T.H.H.K. dengan bibliotheek sekola T.H.H.K. ditoelak oleh Bestuur.

Apa jang di sini kita seboet „bibliotheek sekola T.H.H.K.” sabetolnja ada poenja satoe sifat jang aneh.

Ini bibliotheek tida satoe orang, baek T.H.H.K. maoepoen goeroe-goeroe atawa moerid-moerid, jang bisa acoh ada djadi poenjanja, sebab itoe diberdiriken dengan bantoean dan bekerdja-ber-sama-samanja semoea fihak.

Maka djoega pada 26 Augustus 1924 toean Ang Jan Goan telah kasi pikiran pada Bestuursvergadering boeat beresken perhoeboengan antara T.H.H.K. dan Hak Seng Hwee, jaitoe perkoempoelan dari moerid-moerid sekola T.H.H.K., lantaran soeda ada boekti-boekti, jang itoe Hak Seng Hwee



maoe berdiri sendiri dengen iapoenja bibliotheek dan laen-laen inventaris.

Lantaran ada niatan boeat besarken itoe bibliotheek, toean Ang Jan Goan koeatir, nanti di blakang hari terbit kakoesoetan dalem hal poenjaken bibliotheek itoe.

Voorstel toean Ang Jan Goan telah dibitjaraken dengen pandjang-lebar dan kasoedahannja diam-bil poetesan aken serahken terlebih doeloe ini ceroesan Hak Seng Hwee dan bibliotheek pada Commissie Sekola, jang diwadjibken lakoe-ken papeksahan. Tapi di dalem pokonja vergadering soeda tetepken, bahoea semoea barang jang berada di dalem sekolahana, seperti itoe boekoe-boekoe, lemari-lemari dan laen-laen barang lagi, ada dijadi milikna T.H.H.K.

Toean Ang Jan Goan telah bitjaraken oeroesan perhoeboengannja bibliotheek berhoeboeng dengen soeratnja goeroe-kapala Tjeng-im, toean Shu Kek Cheng, jang oendjoek ia hendak adaken pertoendjoekan moerid-moerid pada hari-rajah Tionghoa 10 October 1924, sebagimana jang di dalem taon 1923 poen ada dibikin, dan dari pendapetannja aken digoenaaken 50% boeat bibliotheek, 30% boeat beli barang-barang goena handwerken dan 20% boeat goenanja laen-laen kapentingan sekola.

Sasoeda Commissie Sekola selidiki ini soewal kamilikan berhoeboeng dengen bibliotheek dari moerid-moerid, pada 17 November 1924 Commissie Sekola madjoeken voorstel boeat ambil over itoe bibliotheek dan tanggoeng ongkos-ongkosnya, samentara oewang pendapatan dari pertoendjoekan mcerid-moerid pada 10 October 1924 distort pada Kas Sekola dan sabagian ketijil digoenaaken boeat adaken perdjamoean bagi goeroe-goeroe jang telah bantoe dengen giat, koetika itoe pertoendjoekan diadaken.

Itoe voorstel ditrima-baek dan lebih djaoe diserahken pada Commissie Sekola boeat dia-toer.

Demikianlah T.H.H.K. telah ambil over „hak kamilikan” di atas itoe bibliotheek moerid-moerid.

Dengen ditjampoer sama bibliotheek dari T.H.H.K. sendiri, pengoempoelan boekoe-boekoe dari T.H.H.K. dengen begitoe dijadi bertambah besar.

Goena bantoe ongkos bibliotheek, pada 11 Februari 1925 Bestuur telah trima-baek voorstel dari Ccmmisie Sekola aken kenaken pembajaran f 0.50 saban saengah taon sakali pada moerid-moerid. Moelai Januari 1936 semoea moerid diwadjibken bajar contributie boeat bibliotheek besarna saban term 25 cent. Di itoe waktue dari fi-hak Bestuur ada ditrima contributie tiap-tiap boelan kira-kira f 10.—, sedeng dari fihak goeroe-goeroe kira-kira f 15.—.

Bibliotheek T.H.H.K. ada dirawat dengen baek; Bestuur selaloe berdaja aken bikin isihnjā djadi samingkin bertambah.

Pada 10 September 1926 telah ditrima-baek voorstel dari Commissie Sekola aken beli boekoe-boekoe goena bibliotheek saharga kira-kira f 250.— berhoeboeng dengen penoeroenan harga boekoe-boekoe di Shanghai, kerna Commercial Press bikin peringatan soeda berdiri 30 taon dan Chung Hua Book Co., djoega satoe peroesahan penerbitan besar di Shanghai, ada rajahken Jubileum 15 taon.

Laen dari itoe telah ditrima-baek voorstel Commissie Sekola aken adaken pericendjoekan moerid-moerid pada tanggal 9 dan 10 October 1926 di gedong T.H.H.K. dengen poengoet entree, pendapetan dari jang mana aken digoenaaken boeat ganti oewang jang dipake beli boekoe-boekoe boeat bibliotheek.

Satoe dermahan besar ada ditrima pada permoelahan taon 1934 dari toean Liem Goan Lian, jaitoe encyclopaedia „Sze Ku Cheng Pen”, jang harganjā f 350.— dan terdiri dari kira-kira 2000 djilid, brikoet 2 lemari.

„Wan Yu Wen Ku” serie pertama dan kadoea dan „Encyclopaedia Britannica”, jang harganjā masing-masing masi bilang ratoes roepia, poen ada bantoe bikin terlebih lengkep isihnjā kita poenja bibliotheek.

Sampe pada achir taon ka-35 dari berdirinja T.H.H.K., bibliotheek T.H.H.K. soeda ada poenja boekoe-boekoe banjaknja kira-kira 12.000 djilid.

Ini djoembalah di dalem taon-taon blakangan te-lah naek banjak. Kita soeda oendjoek, bahoea ada dibeli „Wan Yu Wen Ku”; banjaknja ini ada . . .

## RIWAJAT 40 TAON



T. H. H. K. BATAVIA

bilang riboe djilid! Laen dari begitoe di dalem taon 1935 ada ditrima dermahan boekoe-boekoe dari almarhoem toean Tan Kim San, satoe antara figuur-figuur T.H.H.K. jang paling teroetama, banjakanja kira-kira 2000 djilid! Lebih djaoe di dalem itoe taon djoega (1935) telah dibeli „Erl Tung Pu Tsung Tu Wu Chuen Tao”, terdiri dari 600 djilid, batahan oemoem 900 djilid dan dongengan boeat anak-anak 100 matjem. Di dalem taon 1938 telah dibeli „Erl Sze Sze Sze” (Hikajat Tiongkok selama 24 Dynastie) satoe stel compleet; bersama-sama boekoe-boekoe „Sze Ku Chuan Su” dan „Tu Su Sze Chen” bibliotheek T.H.H.K. dijadi ada poenja iiga stel compleet boekoe-boekoe jang berharga. Boekoe-boekoe jang dibeli di dalem taon 1938 banjakanja ada tida koerang dari 1158 djilid.

Sampe pada achir taon 1938 banjakanja boekoe-boekoe dari bibliotheek kita ada 22.707 djilid, samentara tiidschriften jang dikempoel djoemblah-na ada kira-kira 4400 djilid.

Dermahan-dermahan boekoe dari orang-orang jang bersympathie pada bibliotheek kiaa poen ada loemajan djoega.

Bibliotheek kita ada terbagi dalem doea afdeeling: afdeeling boeat moerid-moerid ketijil dan afdeeling boeat orang-orang dewasa brikoet moerid-moerid sekola-tengah, jang soeda bisa batia bcekoе-boekoe jang terlebih tinggi.

Dalem afdeeling anak-anak tjoema disediaken boekoe-boekoe batahan jang gampang dan enteng, boeat moerid-moerid sampe dari kira-kira klas 4, samentara boeat moerid-moerid klas 0 disediaken boekoe-boekoe di dalem klas oleh goeroe-goeroenja.

Di dalem taon 1938 boekoe-boekoe afdeeling anak-anak jang dipindjem banjakanja ada 7288 dji-

lid, rata-rata 729 djilid per boelan, atawa poekoel-rata 39 djilid saban hari. Pemindjeman boekoe-boekoe pada moerid-moerid dari klas-klas tinggi-han dan goeroe-goeroe di itoe taon ada 8930 djilid per boelan atawa poekoel-rata 44 djilid saban hari.

Goena rawat bibliotheek ada dipakerdjaken beberapa pembantoe; ongkosnya, jang ada besar djoega, ditoetoep dengen oewang pembrian dari Kas Sekola, pendapeian contributie dan donatie, dendahan, pendjoelan kaartjes goena pindjem boekoe dan pendapatan taanon.

Ini bibliotheek ada berarii besar sekali bagi moerid-moerid, kerna bagi sasoearoe antara marika jang ingin meloeasken pengaahoeannja selaloe ada tersedia tempat dan literaiur jang berharga oentoek itoe.

Bibliotheek T.H.H.K. Batavia dijadi soeda ada „poenja matjem” djoega. Eisa dijadi itoe ada jang paling besar dari bibliotheek-bibliotheek perkoem-poelan-perkoempoelan dan sekola-sekola Tionghoa di Hindia-Olanda.

Penerbitan satoe catalogus dari boekoe-boekoe jang ada tersedia di dalem bibliotheek ada dirasakan perloe, tapi ini masih belon bisa dilakoeken, oleh kerna goena atoer dan tjtak catalogus boeat lebih dari 20.000 boekoe ongkosnya berat.

Toean Tang Wu Chieh, goeroe-kapala, ada voorstel di dalem vergadering Commissie Sekola tanggal 24 Augustus 1934 aken boeka bibliotheek kita bagi publiek dengen trima lid-lid orang loear. Terlah dipoeoesken angkat satoe Commissie Persedianan boeat pahamken ini soewal terlebih mateng, terdiri dari toean-toean Ling Yoen Hsiong, Nio Joe Lan, Tang Wu Chieh, Khouw Keng Koen dan Tan Boen Seng. Tapi ini hal sampe sekarang masih belon kadjadian.

## IV

### A.F.D. B DAN DITOETOEPNJA A.F.D. F.

BETOEL lid-lid Afdeeling B dari Tiong Hoa Hwe Koan ada banjak, tapi penoenggakan marika poen boekannja ketjil.

Di dalam Jaarlijksche Algemeene Ledenvvergadering dari tanggal 15 Januari 1915 toean Phoa Keng Hek, President, ada bertaoeken, bahoea oetang-oetang oewang bantoean dari lid-lid Afdeeling B djoemblahnja sama-sekali ada f 20.000,— lebih. Tentang ini oeroesan ada diminta pertimbangannya lid-lid.

Beberapa lid jang berhadir telah kasi pikiran, soepaja Peratoeran Afdeeling B dipegang keras dan lid-lid jang beroetang ditjaboet hknja, apabila soeda liwat temponja ia masih belon djoega membajar.

Toeau Tan Kim Bo, 1ste Secretaris, telah njataken pikirannja, bahoea memang boleh sekali Peratoeran didjalanken dengan keras, tjoema sadja dengan begitoe djoemblah lid-lid Afd. B akan lekas dijadi banjak koerang, samentara lid-lid jang koerang mampoe, jang djoestroe ada jang paling perloe dapat pertoeloengan dari Kas Pertoeloeng-an, lantaran kealpahan jang tida disengadja dijadi koerang pengharepan bagi hari-toea marika. Maka ia voorstel, soepaja pada lid-lid Afd. B, jang Agent rasa bisa membajar betoel, Peratoeran dipegang keras, sedeng pada lid-lid Afd. B jang koerang mampoe dikasi sedikit kalonggaran dalam hal membajar oetang oewang bantoean; tapi biar bagimana poen, kaloe satoe lid Afd. B masih ada poenja oetang oewang bantoean, ia lebih doeloe wadjib bajar oetang ini sampe loena.

kamoedian baroe ditrima iapoenja pembajaran contributie. Ini voorstel ditrima-baek oleh Algemeene Vergadering.

Samentara itoe, entree f 10,— boeat Afd. F ada dirasaken terlaloë tinggi, maka pada 27 Juli 1916 Bestuur telah trima-baek voorstel aken toeroeken itoe dijadi f 3.—, voorstel mana laloe dimajoeken pada Jaarlijksche Algemeene Ledenvvergadering dd. 28 Februari 1917, jang telah trima-baek ini. Hingga salandoetnja orang-orang jang beroemoer lebih dari 50 taon sampe 65 taon boleh bajar entree f 3,— sadja.

Ini Vergadering Besar djoega telah trima-baek voorstel aken hatoerken trima-kasi pada toeau Siauw Beng Tjoan, Agent T.H.H.K. Batavia di Padang, jang sedari mendjabat pakerdjahian Agent sampe di itoe waktoe belon perna potong 10% atas pendapatan oewang contributie jang ia trima dari lid-lid, hingga potongan itoe dijadi kaoentoen-gannja T.H.H.K.

Jaarlijksche Algemeene Ledenvvergadering tanggal 1 April 1921 telah robah ajat 2 dan 3 dari fatsal 5 dari Peratoeran Afdeeling B dan lebih djaoe ajat 2 dari fatsal 9 dari Peratoeran Afdeeling F.

Ayat 2 dan 3 dari fatsal 5 dari Peratoeran Afdeeling B dirobah dijadi seperti brikoet:

..2. Besarnja „oewang bantoean” itoe ada ditantoeken bagini:

Djikaloe banjaknja Lid-lid Afdeeling B ada 1500 atawa koerang, sasoewatoe Lid bajar 60 cent;

## RIWAJAT 40 TAON



T. H. H. K. BATAVIA

lebih dari 1500 sampe 2000 sascewatoe Lid bajar 50 cent :	
" " 2000 "	2500 "
" " 2500 "	3000 "
" " 3000 "	4000 "
" " 4000 .....	
	" " " 40 "
	" " " 30 "
	" " " 25 "
	" " " 20 "

„3. Ini oewang-bantoean aken goena hal matinja Lid jang meninggal itoe, nanti dibriken lebih doeloe oleh „Tiong Hoa Hwe Koan” dengan oewang dari dalem Kas-Penoeloeng, dan diserahkan atas kwitantie menoeroet model jang ditetapken oleh Bestuur „Tiong Hoa Hwe Koan” kapada orang jang dibertaoeken namanja dalam boekoe-Lid, jaitoe jang termaksoed pada ajat 5 dari fatsal ini, atawa pada orang jang djadi Pengeroes dari hal matinja Lid itoe, djikaloe President, atawa satoe dari antara Vice-President soedah dapat soerat-keterangan dari Kapala-Kampoeng, Kapala-Bangsa atawa ambtenaar van den Burgerlijken Stand di tampat kadiamannja itoe Lid jang marhoem, dan dari Agent „Tiong Hoa Hwe Koan” jang termaksoed di ajat 1 dari fatsal 7 di bawah ini, djikaloe di tampat itoe ada Agent, bahoewa benar Lid itoe soedah meninggal doenia dalam oemoer jang tertaelis di soerat-keterangan.

Lid jang mati itoe poenja boekoe-Lid jang termaksoed di ajat 1 dan 2 dari fatsal 8 di bawah ini, misti dipoloelangken pada „Tiong Hoa Hwe Koan” dan itoe kwitantie jang terseboet di atas ini misti diitempel di dalam ini boekoe jang dipoloelangken, oleh Kassier „Tiong Hoa Hwe Koan”.

Perobahan jang diadaken pada Peratoeran Afdeeling F adalah :

„Besarnja oewang-bantoean itoe adanja bagini : Djikaloe djoemblahnja Lid Afdeeling F ada : 750 orang atawa koerang satoe orang bajar f 1.— ; lebih dari 750 orang sampe 1250 orang f 0.75 ; „ 1250 " " 1750 " " 0.50 ; „ 1750 " " 2250 " " 0.40 ; „ 2250 ..... " " 0.30. ”

Samentara potongan 2 cent jang terseboet dalam fatsal 11 dari itoe peratoeran, dirobah didjakukan 4 cent.

Financieele Commissie ada madjoeken voorstel boeat perbaiki boekoe-boekoe dan Peratoeran

Afdeeling B di dalem Bestuursvergadering dd. 14 Juni 1923, oleh kerna menoeroet pendapetannja itoe commissie ada beberapa peratoeran jang ha-roes dirobah dan soeda tida tjotjok. Menoeroet persidangan Kaoem Pengeroes itoe, pada toeantoean Tjee Tong Lim, Lim Soen Kim, Kho Ke Tjoen dan Ang Jan Goan diserahkan boeat atoer dan madjoeken voorstel sebagimana jang dirasa baek boeat robah, tambah atawa koerangken itoe Peratoeran jang soeda tida tjotjok dan lebih djaoe atoer itoe boekoe-boekoe boeat Afd. B soepaja djadi lebih sampoerna.

Samentara itoe, penoenggakan dari lid-lid Afd. B masi tetep ada besar.

Ini menjadi lantaran, hingga pada Buitengewone Bestuursvergadering tanggal 29 Juni 1923 toean Lim Soen Kim, lid dari Financieele Commissie jang diwadjibken preksa keadahan Afdeeling B, madjoeken voorstel aken schorst lid-lid dari itoe afdeeling jang alpah lakoeken kawadjibannja sadjoemblah kira-kira 500 orang, dengen ditetepken sadja djadi 500, sedeng oewang-bantoean boeat lid jang meninggal moelai dari itoe tanggal (29 Juni 1923) direken sadja dari djoemblah 1548 lid, jaitoe 2048 lid dipotong 500 lid. Laen dari itoe, toean Lim Soen Kim poen briken pikiran boect tetepken besarnja itoe oewang bantoean f 0.40 lagi per lid, seperti doeloe menoeroet boeninja fatsal 5 dari itoe afdeeling.

Voorstelnja toean Lim Soen Kim ditrima-baek dengen lid-lid jang beralpah itoe dikasi-inget lagi satoe kali, dan kaloe tetep marika tida perhatiken, marika aken lantas dikaloearken dari itoe afdeeling dengen ilang semoea hak marika sebagai lid ; demikian poen ditetepken itoe oewang-bantoean aken direken dari 1548 lid. Tapi voorstel boeat tetepken lagi oewang-bantoean besarnja f 0.40 nanti dibilitaraken di dalem Algemeene Vergadering.

## RIWAJAT 40 TAON



T. H. H. K. BATAVIA

Ini tindakan keras ternjata tida ada briken hasil sebagimana jang diharel. Penoenggakan tetep ada besar.

Maka toean Lim Soen Kim kombali dengen soerat telah madjoeken voorstel aken schorst lagi 500 lid Afd. B dalem satoe tempo jang ditetepken watesnya serta kabarken di dalem soerat-soerat-kabar aken kasi-inget, bahoea marika haroes lekas membajar dalem itoe tempo. Dan toean Lim poen kasi pikiran bikin oewang-bantoean djadi lebih ketjil dari satengah roepiah.

Ini voorstel dari toean Lim telah dabitjaraken di dalem Bestuursvergadering tanggal 7 December 1923, jang tida bisa ambil poetesan tentang itoe, kerna menginget, djikaloe dischorst lagi 500 lid, djoemblah lid-lid dari Afdeeling B djadi tjoema tinggal 1000, hingga besarnya oewang-bantoean djadi naek, samentara boeat ketjilken djoemblah oewang-bantoean haroeslah dipotoesken oleh Algemeene Vergadering.

Sabelas hari kamoadian, jaitoe di dalem Buitengewone Bestuursvergadering tanggal 18 December 1923 voorstel toean Lim Soen Kim dabitjaraken lagi, dan diambil poetesan aken schorst 400 lid Afdeeling B, soepaja tida sampe kadjadian djoemblah oewang jang tertenggak djadi terlebih banjak dan lebih djaoe sigrah wartaken di dalem soerat-soerat-kabar, bahoea lid-lid Afdeeling B diwadujiken membajar loenas oewang-bantoean sampe No. 1090 dan lid-lid Afdeeling F sampe No. 120, brikoet contributie djoega, paling laat sampe di tanggal 7 Januari 1924. Apabila sampe di itoe tanggal peroetangan itoe belon djoega dibikin beres, marika aken lantas dikaloarken dengen ilang segala hak marika sebagai lid, menoeroet sebagimana jang ditetepken di dalem peratoeran.

Di dalem itoe vergadering oleh beberapa lid Kaoem Pengeroes poen ada dioendjoek, bahoea Peratoeran Afdeeling B dan Peratoeran Afdeeling F haroes dirobah, soepaja djadi terlebih baek. Oleh vergadering diangkat toean-toean Tjee Tong Lim, Lim Soen Kim dan Ang Jan Goan sebagai commissie boeat sampoernaken Peratoeran Afd. B dan Peratoeran Afd. F serta Statuten T.H.H.K. dengan dikasi hak boeat goenaken bantoean dari

laen orang dengen pake ongkos sampe banjknja f 200,—.

Dengen poetesan Jaarlijksche Algemeene Ledenvergadering dd. 28 April 1924 kombali telah diadaken beberapa perobahan pada Peratoeran Afdeeling B.

Aken tilik pri kawarasannja lid-lid Afdeeling B jang dirasa sangsi dan bantoe goembiraken orang masoek djadi lid. Bestuursvergadering tanggal 31 Juli 1925 telah adaken poela djabatan inspecteur goena itoe.

Afdeeling F samentara itoe ternjata tida ada membriken hasil bagoes. Di dalem boelan Februari 1925 djoemblahna lid-lid Afdeeling F tjoema ada 46, tapi antaranja jang membajar betoel tjoema ada 26 sadja. Lantaran djoemblahna ketjil, oewang bantoean jang didapetken dari itoe Afdeeling F poen tjoema sedikit. Adalah ini jang membikin Bestuur di dalem iapoenja vergadering tanggal 31 Maart 1927 berpendapatan, bahoea ada terlebih baek djadiken Afdeeling F Afdeeling B extra dengen diaetoer sebagi brikoet : Bila satoe lid Afdeeling B extra meninggal, sasoeatoe lid dari itoe afdeeling moesti bajar oewang-bantoean seperti biasa 50 cent, tapi lid Afdeeling B biasa bajar 25 cent, sedeng bila lid Afdeeling B biasa meninggal lid Afdeeling B extra djoega moesti bajar 50 cent. Dengen diaetoer begini bantoean jang didapet oleh Lid Afdeeling B extra jang meninggal ada f 200,— lebih. Tapi salaennja itoe 25 lid aken tida ditrima lagi lid baroe bagi Afdeeling B extra. Ini poetesan aken dimadioeken sebagi voorstel pada Algemeene Vergadering jang aken dibikin dan melaenken berlakoe bila dapat perkenannja Algemeene Vergadering.

Ini soewal hapoesken Afdeeling F dan djadiken itoe Afdeeling B extra telah dabitjaraken di dalem Jaarlijksche Algemeene Ledenvergadering dd. 12 April.

Algemeene Vergadering ini telah poetesan aken tida trima lid baroe lagi boeat Afdeeling F, sedeng boeat sasoeatoe lid F di antara itoe sisahnya 25 lid, jang meninggal-doenia nanti disoembang oleh sasoeatoe lid Afd. B 10 cent, sedeng boeat sasoeatoe lid Afd. B jang meninggal lid

## RIWAJAT 40 TAON



T. H. H. K. BATAVIA

Afd. F tida diwadibken membajar apa-apa.

Dengen tjara demikian T.H.H.K. djadi tida trima lagi orang-orang jang beroemoer di atas 50 taon mendjadi lid dari iapoenja afdeeling toeloeng-menoeloeng di dalem oeroesan kamatian.

Boeat bikin Afd. B djadi samingkin madjoe, toean Tan Boen Seng, lste Secretaris, ada voorstel pada Bestuursvergadering tanggal 24 April 1930 boeat adaken perobahan, dan ia madjoeken pikiran-pikiran seperti brikoet sebagai garisan-garisan-dasar: kasi vrij pembajaran pada orang jang soeda masoek 15 taon lamanya, lid boleh bawa lid-bawahan lebih dari satoe, tambah wates oemoer dari jang maoe masoek djadi lid, adaken oewang tjelengan, briken toendjangan oewang pada lid jang bertjilaka saoemoer idoep, enz.

Ini voorstel telah ditrima-baek dan toean Tan Boen Seng diminta rempoeki ini terlebih djaoe dengen Commissie Afd. B, lid-lid dari jang mana ditambah doea, jaitoe dengen toean-toean Ang Jan Goan dan Nio Joe Lan.

Kasoedahannja adalah satoe perobahan besar pada Peratoeran Afdeeling B, jang ditrima-baek oleh Buitengewone Algemeene Vergadering dd. 29 Maart 1931.

Di dalem taon 1934 dirasa perlue robah poela Peratoeran Afd. B aken menjoekeopi permintahan djeman.

Commissie boeat atoer rentjana perobahan ini, terdiri dari toean-toean Go Siang Tiat dan Tan Boen Seng, telah bekerdjya dengen keras dan loeas.

Hasilnya adalah satoe perobahan jang tandes betoel-betoel dari peratoeran Afdeeling B, jang telah ditrima-baek oleh Buitengewone Algemeene Ledenvergadering tanggal 19 Juni 1938.

Dengen ini perobahan, wates oemoer boeat orang bisa ditrima djadi lid Afd. B diloeasken dari 55 taon mendjadi 70 taon.

Entree dibikin djadi lebih ringan dan bisa distort lebih doeloe di dalem beberapa kali sampe loenas.

Jang dikenaken contributie, besarnya tida lebih tinggi dari f 0.50, ada lid-pembawa sadja, lid-lid brikoet vrij.

Menoeroet peratoeran doeloe, sasoeatoe lid-pembawa dan lid-brikoet moesti bajar hoegin, besarnya paling tinggi f 0.50 dan paling rendah f 0.15. Tapi sekarang melinken lid-pembawa sajja jang moesti bajar hoegin, paling banjak f 0.50 dan paling sedikit f 0.10.

Di seblahnja hak-hak laen, lid-lid Afd. B sekarang poen dibriken ini hak-hak loear-biasa:

1. Bisa dapat kabebasan dari antero pembajaran dalem tiga roepa djalan: lantaran dapat katilakahan hingga tida bisa tjari pengidoepan, lantaran soesah dan tida mempoenjai pentjarian, dan lantaran bisa bawa masoek laen-laen lid dalem ini Afdeeling.

2. Bisa dapat pindjeman oewang boeat pokodagang ketjil-ketjil.

3. Bisa dapat ongkos boeat lid poenja anak brangkat ka Tiongkok aken teroesken pladjaran.

Menoeroet peratoeran sekarang, pendapetannja bisa lebih besar, sebab potongannja terlebih enteng.

Sasoeatoe lid ada hak aken dapat bantoean lid-bekerja lelaki atawa pramroejan di waktoe ia kamatiyan sanak-soedarana — jang djoega ada mendjadi lid dari ini Afdeeling — sedari hari-matinja sampe hari-dikoeboernja. Bantoean tenaga itoe dibriken dengen pertjoema, zonder bajar apa-apa.

Sadjek ini peratoeran baroe berlakoe, kaliatan njata Afdeeling B ada dapeiken kamadjoean dengen tjara menjenangken.

Pada awalnja taon 1938 djoemblaah lid Afd. B ada 396, dan pada achir itoe taon banjakna ada 443. Jang menoetoep-mata ada 22 lid, dan besarnya oewang-toendjangan jang dikaloearken ada f 4.144.50. Itoe 22 lid jang meninggal-doenia ada 9 lid lelaki dan 13 lid pramroejan. Oesiah paling rendah dari itoe 9 lid lelaki ada 62 dan jang paling tinggi 77; marika poenja djoemblaah oemoer ada 637 taon, hingga oemoer poekoe-rata dari itoe 9 lid djadi ada 70 taon lebih. Jang paling moeda dari itoe 13 lid pramroejan menoetoep-mata di dalem oesiah 53 taon (oemoer satoe-satoenja di dalem taon 1938 jang ada di bawah... 70 taon!) dan jang paling toea di dalem oesiah 87; djoemblaah oemoer dari itoe 13 lid pramroejan

## RIWAJAT 40 TAON



## T. H. H. K. BATAVIA

ada 1007 taon, hingga oemoer poekoel-rata bagi lid-lid prampean jang meninggal-doenia di dalem taon 1938 djadi ada . . . 77 taon lebih !

Oemoemna lid-lid Afd. B ada dapet oesiah tinggi, sebagimana jang tertampak di dalem banjak taon: kaliatannja dengen saling toeloeng-menoeloeng di dalem kasoesahan, orang ada dapet kaberkahan djoega . . . .

Di dalem ini periode 1915 — 1939 ada dibriken gandjaran insigne perak pada toean Lie Kim Hoay, agent di Pasar Senen, Batavia-Centrum, toean Loa Seng Kie, agent di Tangerang, dan toean Tan

Tjong Long, agent di Batavia, dan insigne mas pada toean Lauw Lok Soey, oud-agent di Mr. Cornelis, jang soeda pangkoe djabatan agent lebih dari 10 taon lamanja (menoeroet poatoesan Bestuursvergadering dd. 27 Januari 1921), samentara pembrian insigne perak pada toean Lie Kim Hoay teranggep soeda moelai berlakoe sedari 1 Januari 1920. Pada toean Loa Seng Kie, agent di Tangerang, dengen poatoesan Bestuursvergadering dd. 1 April 1926 ada dibriken insigne mas, kerna ini toean soeda lakoeken itoe pakerdahan lebih dari 15 taon lamanja.

V

## FONDS LIE & TAN.

*A*PA jang dinamaken Fonds Lie & Tan, jang ada poenja Kaoem Pengeroes sendiri, ada mempoenjai satoe kadoedoekan jang loear-biasa di dalem riwajatnja T.H.H.K. Batavia dan tida ada kadoeanja di dalem hikajat dari perkoem-poelan Tionghoa di Hindia Olanda. Ini boekan sadja tersebab oleh iapoenja sifat, hanja djoega dari besarnya dermahan jang dibriken.

Moelainja Fonds Lie & Tan masoek di dalem riwajatnja T.H.H.K. Batavia ada pada tanggal 28 Februari 1919. Pada itoe hari, moelai djam  $8\frac{1}{2}$  malem, telah diadaken Jaarlijksche Algemeene Ledenvergadering.

Di dalem ini Perhimpoenan-besar ada dabitjaraken „hal membri kwasa pada Bestuur boeat trima pembrian derma dari Kapitein Lie Hin Liam, Eerelid dari ini Pakoempoelan, aken goena Pakoempoelan ini, besarnya kira-kira f 48.057.70”, brikoet satoe perceel.

Ini djoemblah f 48.057.70 ada terdiri dari :

36 aandeel dalem kongsi persewahan-roemah, jang pake nama N.V. Bouw Maatschappij „L. F.” di Betawi, harganja pari satoe f 1000.—

djadi f 36.000.—

satoe koempoelan barang-barang perhiasan jang terbikin dari mas dan perak, antaranja ada jang tertaboer inten, ditaksir berharga ..	10.252.—
dan oewang contant ..	1.805.70

Djoemblah f 48.057.70

Ini djoemblah ada djadi bagiannja toean Lie Hin Liam di dalem boedelnja oud-Luitenant Lie Hin Liang almarhoem, iapoenja soedara-moeda. Itoe perceel, atas mana ada berdiri satoe roemah batoe tertotoep genteng, letaknja di Gang Ribald, Batavia, jang djoega toean Lie Hin Liam berbareng dengen itoe ada dermaken pada T.H.H.K., ada djadi kapoenjahannja toean Lie Hin Liam sendiri.

Itoe derma dibriken dengen perdjandjian-perdjandjian sebagi brikoet :

1. Tiong Hoa Hwe Koan haroes diriken soeatoe fonds, jang pake nama „Fonds Lie Hin Liang dan Tan Koei Nio”, dan ini fonds, jang tida boleh dikoebraken selama Tiong Hoa Hwe Koan masih berdiri, moesti diceroes oleh Bestuur Tiong Hoa Hwe Koan, dengen terbantoe oleh soeatoe commissie jang diangkat olehnja, boeat djalanken kawadjiban jang ada ditetepken di dalem ini perdjandjian.

2. Oewang jang terdapat daripada pendjoealan 36 aandeel dari kongsi persewahan-roemah dan barang-barang mas-inten, jang berasal dari pemberiannja Kapitein Lie Hin Liam, nanti dikombaliken f 4000.— pada Kapitein Lie Hin Liam boeat didermahken clehnja pada Futan College di Shanghai dan Tiong Hoa Hwe Koan Im Gak Poh di Betawi. Salebihnya sama-sama oewang contant banjaknja f 1805.70, jang ada brikoet dalem itoe pembrian, moesti dimasoeken ka dalem kas dari fonds jang terseboet di atas ini, kas mana maski ada miliknja Tiong Hoa Hwe Koan.



moesti ada terpisah sendirian dari laen-laen kas poenjanja Pakoempoelan ini.

3. Oewang pokok dari „Fonds Lie Hin Liang dan Tan Koei Nio“ seberapa boeat dipake sadja hasilnya boeat bantoe menoetoep karoegiannja sekola Tiong Hoa Hwe Koan, dan apabila hasil itoe ada kalebihannja, ini boeat digoenaken aken perkara amal, sebagimana jang Bestuur Tiong Hoa Hwe Koan rasa baek.

4. Roemah jang dihadiaiken oleh Kapitein Lie Hin Liam pada Tiong Hoa Hwe Koan, jaitoe jang letaknja di Gang Ribald, Betawi, verpondingsnummer 639, poen seberapa boeat dipoengoeet sadja oewang-sewahnja, dan oewang-sewah ini, seberapa jang ada lebih, sasoedanja dipake meloenasken verpondingsbelasting dan membetoelken karoesakan pada roemah itoe, dikoempoel dalem kasnja „Fonds Lie Hin Liang dan Tan Koei Nio“, boeat digoenaken aken oeroes hal thetjocin dan hal sembahangin jang saderhana satahon tiga kali, menoeroet adat-istiadat bangsa Tionghoa pada dan aken bajur ongkos mamelihara koeboeran-koeboeran dari familienja Kapitein Lie Hin Liam jang soeda marhoem di Betawi dan jang dibertaoeken pada Tiong Hoa Hwe Koan, apabila kamoedian Kapitein Lie Hin Liam tiada tinggal beroemah lagi di Betawi.

Demikian Fonds Lie & Tan — atawa dengan lengkap : Fonds Lie Hin Liang dan Tan Koei Nio — masoek di dalem pengidoepannja Tiong Hoa Hwe Koan boeat kamoedian ambil satoe kadoe-doekean jang teroetama di dalem riwajatnja ini perkoempoelan.

Algemesene Vergadering terseboet telah briken koeasa pdca Bestuur boeat trima itoe pembriantarma jang besar brikoet perdjandjian dari Kapitein Lie Hin Liam, pada siapa dihatoerken banjak trima-kasi atas kamoerahannja dengan ditentoecken lebih djaoe, bahoea Bestuur dikasi koeasa boeat djoecal di lelang itoe aandeel-aandeel dan barang-barang mas-inten dan oewangnja kamodian diaoer menoeroet perdjandjian dan djikaloe perloe boleh diperhasilken djoega dengan meme-

gang gadeam satjara jang tidak melanggar peratoeran Tiong Hoa Hwe Koan.

Boeat trima pembriantarma dari Kapitein Lie Hin Liam Bestuur nanti diriken satoe commissie, jang dibriken Instrucie olehnya, dalem commissie mana moesti diangkat toean Tjoa Kim Goan sebagai satoe antara anggota-anggotanya, samentara bila toean Tjoa tampik itoe angkatan Bestuur ada berhak boeat angkat saorang laen sebagai wakil dari lid-lid.

Kamoedian pada 18 Maart 1919 telah diperleng-kepken commissie boeat trima pembriantarma-toean Lie Hin Liam sebagai brikoet: Voorzitter toeant Phoa Keng Hek, Lid-lid toeant-toean Lim Tjeng Siang, Luitenant Lim Tiang Djoe, Tan Kim Bo, toeant ini dengen merangkep djabatan Secretaris, dan Tjoa Kim Goan dengen ditetepken kaloe toeant Tjoa Kim Goan menampik aken diangkat toeant Tjoa Yoe Tek sebagai gantinya.

Doea taon kamoedian, jaitoe di dalem Jaarlijksche Algemeene Ledenvergadering tanggal 1 April 1921, ada dibilitjaraken soeratnja Kapitein Lie Hin Liam berhoeboeng dengen itoe „Fonds Lie Hin Liang dan Tan Koei Nio“.

Dengen ini soerat penderma itoe minta, soepaja „Fonds Lie Hin Liang dan Tan Koei Nio“, jang di itoe waktoe ada dioeroes oleh Bestuur Tiong Hoa Hwe Koan sendiri, dipischken sama-sekali dari perkoempoelan Tiong Hoa Hwe Koan bersama milik-miliknjia sekalian, baek jang bercepa oewang contant maoepoen jang beroepa laen, dan dimintaken hak rechtspersoon boeat itoe Fonds berdiri sendiri di bawah rawatan soeatoe Bestuur, jang lid-lidnja diangkat oleh Algemeene Vergadering dari lid-lid Tiong Hoa Hwe Koan jang bersidang di itoe hari.

Laen dari itoe ada diminta, soepaja itoe Algemesene Vergadering diriken djoega commissie aken bikin rentjana Statuten bagi itoe Fonds, Statuten mana moesti diaoer dengen bersetoadjoehan sama maksoednja perdjandjian jang dibriken olehnya pada T.H.H.K.

Di dalem itoe Algemesene Ledenvergadering telah diambil poetoesan boeat trima-baek permintaanhanja Kapitein Lie Hin Liam, tegesnja ditrima-

## RIWAJAT 40 TAON



T. H. H. K. BATAVIA

baek jang T.H.H.K. Batavia lepaskan haknja atas itoe „Fonds Lie Hin Liang dan Tan Koei Nio” moelai dari tanggal, jang milik-miliknya itoe Fonds soeda diambil over oleh itoe Fonds poenja Voorloopig Bestuur.

Satoe Voorloopig Bestuur laloe diangkat di dalem itoe persidangan, dengan terdiri dari toean-toean Phoa Keng Hek, President, Thio Sek Liong, Secretaris, Lim Tjeng Siang, Penningmeester, Tjee Tong Lim dan Khouw Lam Tjiang, Commissaris. Pada President dan Secretaris dari ini Voorloopig Bestuur dibriken kakoeasahan boeat mintaken rechtspersoonlijkheid dari Pamerentah bagi itoe Fonds.

Tjara demikian „Fonds Lie Hin Liang dan Tan Koei Nio” boekan lagi ada di bawah pengoerosannja Bestuur T.H.H.K., hanja ada mempoenai Kaoem Pengeroes sendiri jang diangkat oleh Algemeene Vergadering dari T.H.H.K.

Tapi ini Fonds Lie & Tan di dalem taon-taon brikoetnja masih tetep dioeroes oleh itoe Voorloopig Bestuur. Achir-achirnja pada 10 December 1925 oleh satoe Buitengewone Algemeene Vergadering dabitjaraken soewal angkat dan tetepken Bestuur dari ini Fonds, dan diambil poetoesan boeat akoe sah pendiriannja „Fonds Lie Hin Liang dan Tan Koei Nio” menoeroet Acte van Stichting jang dibikin pada 17 Mei 1921 No. 130 oleh notaris E. H. Carpentier Alting di Batavia, dan diangkat sebagai Bestuur tetep jang pertama dari itoe Stichting toean-toean Phoa Keng Hek, Voorzitter, Ang Jan Goan, Secretaris, Lim Soen Kim, Penningmeester, Ong Kek Sian dan Tjee Tong Lim, Commissaris.

Pada Bestuur Fonds terseboet oleh itoe Buitengewone Algemeene Vergadering djoega dibriken perkenan boeat pegang hypotheek.

Lebih djaoe di dalem itoe Persidangan-Besar Loear-biasa dabitjaraken voorstel dari Bestuur Fonds terseboet boeat bebasen rente hypotheek pada T.H.H.K., jang pada 4 October 1921 ada kasi Fonds Lie & Tan pegang 2de hypotheek atas gedongnya boear f 15.000 (1ste hypotheek, besarnya f 18.000, dipegang oleh Kong Koan sedari 7 September 1908). Ini voorstel telah ditrima-baek.

Itoe hypotheek f 15.000 kamoedian di-afschrijft. Di taon 1932 T.H.H.K. bikin gebouw baroe boeat kantoor administratie dan di taon 1933 bikin betoel lokaal sekolahan dengan ongkos semoea dibajar dari derma jang dibriken pada T.H.H.K. oleh Fonds Lie & Tan.

Di dalem Fonds Lie & Tan dijadi ada idoep te-roes namanja toean Lie Hin Liam, toean Lie Hin Liang dan njonja Tan Koei Nio boeat selamanja Tiong Hoa Hwe Koan berdiri: satoe peringatan jang aken tetep segar dan tetep wangi di dalem pergerakan Tionghoa di ini djaduhan — satoe pendirian jang briken banjak kaberkahan pada T.H.H.K. dan, satjara indirect, pada itoe sakean banjaknya moerid-moerid T.H.H.K.

Di dalem Buitengewone Algemeene Ledenvergadering T.H.H.K. pada tanggal 19 Juni 1938 telah diakoe sah perobahan Statuten dari ini Stichting „Lie Hin Liang — Tan Koei Nio”, jang bermaksoed soepaja itoe bisa lebih menjotjoki keadahan djeman.

Boeat taon-perkoempoelan 1939 — 1940 oleh Jaarlijksche Algemeene Ledenvergadering T.H.H.K. pada 25 Juni 1939 telah diangkat Kaoem Pengeroes baroe bagi Fonds Lie & Tan jang terdiri dari toean-toean Lim Tjeng Siang, Voorzitter; Tjee Tong Lim, Vice-Voorzitter; Ang Jan Goan, Secretaris; Lim Soen Kim, Penningmeester, dan Tan Hoe Teng, Ie Tjoen Siang dan Ang Tjin Thay, Leden.

## VI

### T. H. H. K. DAN SOEWAL-SOEWAL TIONGHOA.

*D*i dalem kalangan T.H.H.K. soeda perna diroendingken soewal djabatan officier Tionghoa, jaitoe di dalem taon 1918. Ini soewal telah dibilitaraken berhoeboeng dengan gerakannja soerat-kabar „Perniagaän” di Batavia, jang minta pada Pamerentah di sini dan pada Minister van Koloniën di Nederland, soepaja djabatan officier Tionghoa dan djoega Kong Koan diadaken teroes. Dan menoeroet poetoesannja Bestuursvergadering tanggal 19 October 1918 T.H.H.K. bri soeara aken toendjang gerakannja „Perniagaän”.

Ini ada mengoendjoek, bahoea soewal-soewal Tionghoa oemoem ada dapat perhatian sapenoehnja dari T.H.H.K.

Pada achirnja itoe taon — 1918 — Bestuur T.H. H.K., menoeroet poetoesan vergadering tanggal 24 December, telah loeloesken permintahannja Redactie „Perniagaän” boeat perkoempolan-perkoempolan Tionghoa soeka menjataken pikiran dan bertaoeken itoe dengen soerat padanja, moefaket atawa tida, apabila Pamerentah di sini djalanken kawadjiban militie pada bangsa Tionghoa. Bestuur telah menjataken tida moefaket sama atoeran militie boeat bangsa Tionghoa.

Centrale Vereeniging di Djokja ada mengoendang T.H.H.K. kirim wakil ka Congres jang aken dibikin pada tanggal 1 dan 2 April 1923 di Djokja, dimana aken dibilitaraken hal Khong Kauw Hwee dan laen-laen jang berhoeboeng dengan itoe.

Ini oendangan pada 16 Maart 1923 telah dibilitaraken dan diambil poetoesan tida kirim wakil ka itoe Congres, oleh kerna T.H.H.K. poen ada mengambil pengadjarannja Khong Tjoe sebagai dasar.

Tapi blakangan telah dikirim djoega satoe wakil ka dalem itoe Congres, jaitoe toeac Tan Boen Sing, oleh kerna President imbang perloe kirim oetoesan berhoeboeng dengan pladijaren jang dibriken di dalem sekola T.H.H.K. ada berdasar atas Khong Kauw.

Di dalem Conferentie jang diadaken oleh Begrafenisfonds Khoe Sien Hap Kiet pada tanggal 12 Mei 1923 tentang oeroesan tanah pakoeboeran orang Tionghoa di Batavia T.H.H.K. telah diwakkiken oleh toeac Tjee Tong Lim. Ini toeac telah briken rapport dengen moeloet di dalem vergadering Kaoem Pengeroes dari tanggal 22 Mei 1923. Toeac Tjee bertaoeken, di dalem itoe Conferentie telah diambil poetoesan boeat angkat satoe Comité jang terdiri dari anggota-anggota Bestuur itoe Begrafenisfonds boeat berempoek dengan Kong Koan aken (1) perbaeki djalanan Tandjoeng jang roesak, (2) minta soepaja itoe tanah 12 kaki boeat Siangkong boleh digoennen djoega boeat Samkong, (3) minta itoe Raad kasi prentah pada koeasa Tanah Tandjoeng boeat tetepken djalanan jang bakal diliwatken oleh orang jang kamatiyan, soepaja tida terjadi lagi sebagi jang soeda-soeda, jaitoe seringkali pendoedoek Tandjoeng soeka peres oewangnja orang jang dapat kasoesahan dengen sengadja tanemken segala papoehoenan

## RIWAJAT 40 TAON



T. H. H. K. BATAVIA

dimana tempat-tempat jang bakal diliwatken, agar marika dapat penggantian karoegian, (4) minta pada Raad boeat toeroenken harganja batoe-nummer-djalan jang pranti ditaro dimana koeboeran-koeboeran soepaja direken lebih moerah dari f 3.— satoenja, dan (5) minta Raad adaken tarief boeat Kwikong.

Oleh Tiong Hoa Tjong Siang Hwee di Batavia pada 4 Juli 1923 diadaken perhimpoenan boeat madjoeken permoehoenan pada Pamerentah dengan djalan jang pantes soepaja perbaeki dan rebah beberapa atoeran jang menjoesahkan bagi bangsa Tionghoa. Bestuur tetepken toeanc-toean Tjee Tong Lim dan Khouw Keng Tong sebagai oetoesan-oetoesan T.H.H.K. di dalem itoe vergadering (poetoesan dd. 29 Juni 1923) dengan pada marika dibri koeasa boeat menjataken pikiran sebagimana jang dirasa baek jang tida bertentangan dengan Statuten T.H.H.K.

Khong Kauw Tjong Hwee di Bandoeng pada 27 Phewee 2475 (25 September 1924) adaken Conferentie di Bandoeng boeat membitjaraken dan mengambil katetepan tentang orang Tionghoa poenja kabiasahan oepatjara kamatian, semba-jang dan adat-istiadat pergaoelan sahari-hari. Oentoek ini ada diminta semoea perkoempoelan Tionghoa njataken masing-masing poenja pikiran dan djoega kirim wakil ka dalem itoe Conferentie. Oleh T.H.H.K. diambil poetoesan pada 16 September 1924 boeat tida njataken pikiran apa-apa tentang itoe berbagi-bagi soewal, hanja kirim sadja sebagai oetoesan ka dalem itoe Conferentie toeanc-toean Thio Soei Sen dan Ang Jan Goan.

Scewal langtjhia di Palembang telah membikin Tiong Hoa Tjong Siang Hwee di Palembang menoelis pada T.H.H.K. boeat minta T.H.H.K. poenja bantoean aken hapoesken itoe kandaran-kandaran jang ditarik manoesia di itoe tempat. Ini oeroesan telah dijadi satoe antara punt-punt agenda vergadering Kaoem Pengeroes tanggal 20 Juli 1927, dimana diambil poetoesan aken toenda doe-loe ini soewal sampe Tiong Hoa Tjong Siang Hwee di Batavia adaken gerakan dalem ini oeroesan. Sebagimana orang taoe, langtjhia kamoedian dihapoesken di Palembang, sebab dianggep itoe boekan sadja ada merendahken manoesia, jang

moesti bekerdjā sebagai koeda-penarik, tapi djoega teroetama ada meroegiken prestige bangsa Tionghoa.

Di dalem taon 1927 oleh perkoempoelan-perkoempoelan Tionghoa telah diadaken gerakan, soepaja orang Tionghoa particulier poen bisa diangkat dijadi lid Chineesche Raad. Pada vergadering comité terseboet, jang dinamaken Comité Oeroesan Chineesche Raad, pada tanggal 18 Augustus 1927 T.H.H.K. poen ada kirim wakil-wakil, jaitoe toeanc-toean Lie Keng Hoen, Lim Soen Kim dan Hie Foek Tjhoy.

Sebagi kasoadahan pembitjarahan ada dikirim rekest pada Kong Koan dengan meminta, soepaja di dalem Chineesche Raad diangkat djoega ledén wakil publiek Tionghoa, lid-lid jang mana, dijadi jang boekan ambtenaar, diminta soepaja saban taon menoeroet ondehan saparo, atawa lebih atawa koerang satoe, letaki djabatan marika. Kong Koan telah bitjaraken itoe rekest pada 27 December 1927, dimana dinjataken tida ada kaberatan terhadep pada itoe permintahan, dan itoe rekest laloe dihatoerken pada Resident Batavia. Kong Koan sendiri pada beberapa taon di moeka poen perna voorstel pada Pamerentah boeat adaken beberapa lid Tionghoa jang boekan ada officier Tionghoa.

Djawaban Pamerentah di dalem roepa Besluit Z. E. Gouverneur-Generaal dd. 2 November 1928 telah ditrima oleh Comité Oeroesan Chineesche Raad, dengan soerat Resident Batavia dd. 17 November 1928. Permintahan boeat angkat orang-orang Tionghoa boekan ambtenaar dijadi lid-lid Kong Koan diloeloesken, dan di dalem Besluit dari Z. E. Gouverneur-Generaal ada ditetepken, bahoea Gouverneur West-Java ada hak boeat angkat dan petjat itoe lid-lid jang boekan ambtenaar.

Oleh Comité Oeroesan Chineesche Raad laloe diadaken lagi Combinatie Vergadering pada tanggal 16 December 1928 dengan bertempat di gedong Tiong Hoa Oen Tong Hwee — U.M.S., dan masing-masing perkoempoelan diminta madoeken 12 candidaat, kaloe setoedjoeh dengan itoe. Sebagi kasoadahan dari itoe gerakan kamoedian diangkat doe orang particulier dijadi lid boe-

## RIWAJAT 40 TAON



## T. H. H. K. BATAVIA

kan ambtenaar dari Chineesche Raad, jaitoe-toean-toean Tan Pia Teng dan Nio Peng Long, dengen toean-toean Lauw Pin Sam dan Ie Tjoen Lim sebagai plv.-lid bagi masing-masing toean-toean itoe.

Tiong Hoa Tjong Siang Hwee di Batavia dengan soerat dd. 7 Maart 1934 ada minta T.H.H.K. kirim 2 wakil boeat hadlirken Combinatie-Vergadering jang aken diadaken pada tanggal 20 Maart 1934 goena bitjaraken soewal perloe atawa tida djabatan Adviseur dengen gelaran Kapitein di Wees- en Boedelkamer diadaken teroes. Ini soewal Bestuur telah roendingken di dalem Bestuurs-vergadering 14 Maart 1934, dan kasoedahannja Bestuur anggep boeat kapentingannja bangsa Tionghoa ada baek diadaken teroes wakil Tionghoa di Wees- en Boedelkamer sebagai Lid atawa Adviseur, samentara candidaat itoe djabatan nanti dimadjoeken dan dipilih oleh perkoempoelan-perkoempoelan jang terkenal. Wakil-

wakil T.H.H.K. di dalem itoe Combinatie-Vergadering ada toean Ong Kek Tjoe, President, dan Mr. Lie Tjiong Tie, Adviseur.

Bahoea T.H.H.K. ada taro perhatian djoega pada soewal-soewal Tionghoa, jang boekan berpoesat di sini, ternjata dari poetoesan Bestuur dd. 20 Juli 1920 aken kirim toean Tan Kim San sebagai oetoesan T.H.H.K. ka dalem satoe conferentie, jang aken diadaken di Hangchow, jang bermarksoed membitjaraken soewal mengadaken kolonisatie di Teloek Sam Boen Wan bagi Hoakiauw. Toean Tan Kim San dibriken instructie boeat kasi pikiran jang perloe di dalem itoe Conferentie.

Tapi toean Tan Kim San tida djadi pergi ka Tiongkok; jang qantiken toean Tan berhadir di dalem itoe Conferentie ada toean Lie Lam Lin di Malang.

## VII

### SIAHWEE TERBAJANG DALEM T. H. H. K.

KERNA T.H.H.K. ada ambil kadoedoekan penting di dalem pergerakan Tionghoa, di dalem riwajatnya T.H.H.K. ada terabajang djoega banjak pakerdahan-pakerdahan orang Tionghoa di dalem roepa-roepa kalangan dan banjak hal-hal, di dalem mana orang Tionghoa ada atawa diminta toeroet ambil bagian. Satoe hal jang tida mengheranken.

Kita soeda toetoerken, bahoea muziekvereening Tiong Hoa Im Gak Hwe jang diberdiriken di dalem taon 1912, ada minta djadi satoe Afdeeling dari Tiong Hoa Hwe Koan. Jaarlijksche Algemeene Ledenvergadering dari T.H.H.K. dd. 20 Februari 1915 telah akoeah sah Tiong Hoa Im Gak Hwee sebagai tjabang dari T.H.H.K. dengan pake nama Tiong Hoa Hwe Koan Im Gak Poh.

Koetika Lam Yang Tiong Hoa Tjin Kok Hie adaken poela pertoendjoekan di dalem taon 1921, boeat pembagian pendapetannja pertoendjoekan itoe telah diadaken perkoempoekan antara Tiong Hoa Hwe Koan dengen wakil-wakil Tiong Hoa Hak Tong, Pasar-Baroe, dan wakil-wakil dari Lam Yang Tiong Hoa Tjin Kok Hie. Di dalem itoe pembagian Tiong Hoa Hwe Koan Im Gak Poh poen ada dibriken bagian 5%. Pembagian itoe ada sebagai brikoet:

- 10% kas Tjin Kok Hie,
- 15% kas Tjin Kok Hie poenja Fonds Miskin,
- 5% kas Tiong Hoa Hwe Koan Im Gak Poh,
- 35% kas Tiong Hoa Hak Tong, Pasar-Baroe,
- 35% kas Tiong Hoa Hwe Koan,

dari mana ada ternjata, bahoea pada ilmoe muziek ada ditaro harga.

Dengan Besluit Pamerentah dd. 8 Februari 1923 itoe perkoempoelan muziek dapat hak rechtspersoon dan berdiri sendiri.

„Comité boeat minta dihapoesken hoekoeman mati“ dengen soerat dd. Buitenzorg 2 Augustus 1915, kabarken, bahoea pada Tiong Hoa Hwe Koan nanti dikirimken 70 lembar blanco-rekest oleh Indonesische Drukkerij di Weltevreden, jang dibikin oleh itoe Comité boeat dipersembahkan pada Sri Ratoe di Nederland. Maksoednya kiriman itoe adalah Comité minta T.H.H.K. bantoe siarken rekest-rekest itoe di antara orang-orang jang setoedjoeh dengen haloeannja itoe Comité, soepaja diteeken oleh marika. Dengan poetaesannja Besluursvergadering dd. 30 Augustus 1915 Kaoem Pengeroes menjataken, bahoea Bestuur T.H.H.K. Batavia tida moefaket dengen haloeannja itoe Comité. Tetapi Bestuur nanti menjampeken permintahannja Comité itoe boeat kirimken itoe blanco-blanco-rekest pada orang-orang jang dirasa setoedjoeh dengen penghapoesan hoekoeman mati dan djoega pada Kaoem Pengeroes Tjabang-tjabang T.H.H.K.

Pada 23 December 1915 ada dibilitjaraken soeratnya toean F. D. Cochius, tertanggal Amsterdam 9 November 1915, dengen mana itoe toean sebagai gedelegeerde boeat Hindia-Olanda dari Roode Kruis boeat Belgie ada minta toendjangan T.H.H.K. bagi Sub-Comité jang aken diberdiriken di Ba-



tavia di bawah pimpinannja toean L. J. Lembach dalem hal koempoei oewang oeroenan di antara orang-orang Tionghoa di Batavia, Soerabaja, Semarang, Bandoeng dan laen-laen iboe-kota jang ternama di Hindia-Olanda aken goena itoe Roodde Kruis boeat Belgie, jang di itoe waktoe sedeng alamken kaheibatannja Perang Doenia (1914 — 1919). Bestuur njataken soeka briken toendjangan jang diminta itoe.

Comité Indië Weerbaar dengen soerat dd. 1 Augustus 1916 ada minta taoe, bagimana adanja T.H.H.K. poenja pikiran tentang motie jang itoe Comité hendak madjoeken di dalem dan minta ditetepken oleh perhimpoenan dari orang banjak jang aken diadaken pada 31 Augustus 1916, pagi djam 9, di Deca Park. Maksoed dari itoe motie jalah minta Pamerentah-Agoeng di Nederland bikin pendjagahan jang tegoeoh bagi djadjahannja ini, baek di laoetan maoepoen di daratan, soepaja bisa melawan dengen kakoeatan besar, kaloe ada moesoeh dari loear dateng menjerang. Itoe Comité harep, kaloe moefaket dengen motie itoe, T.H.H.K. soeka kirim wakil ka dalem itoe vergadering. Dengan poetesan dd. 29 Augustus 1916 diangkat Kapitein Lie Tjian Tjoen dan toean Tan Kim Bo dijadi wakil-wakil T.H.H.K. di itoe perhimpoenan dari Comité Indië Weerbaar.

Goena menoeloeng korban-korban bahaja bandjir di Tiongkok, oleh Hoa Kiauw Tjih Ying Hwei ada digeraki permaenan sport. Boeat bantoe itoe gerakan dari Hoa Kiauw Tjih Ying Hwei pada 28 November 1917 T.H.H.K. ada angkat satoe comité, jang terdiri dari toean-toean Lim Eng Tjin, Tan Pia Teng, Tan Sam Kioe, Tjee Tong Lim dan Thio Sek Liong.

Haroes dioendjoek di sini, jang T.H.H.K. selaloe ada membantoe, kaloe sesama-soedara kita di Tiongkok ada alamken bintjana.

Toeant A. Bijvoet, Mr. Cornelis, dengen soerat dd. 18 Juli 1918, ada minta Bestuur T.H.H.K. soeka oendjoek satoe anggotanja sebagai wakil boeat berempoek dan bergerak sama-sama ia, perkoempoelan Insulinde dan Sarikat Islam, aken menghappoesken pendjoealan tjandoe oleh Gouvernement dan bikin pendjoealan barang itoe terpindah pada apotheek-apotheek, soepaja orang tida gam-

pang dapet beli itoe ratjoen-doenia seperti sekarrang dengen maksoed bikin koerang djoemblaheh njá pemandatan di kapoelohan Insulinde. T.H.H.K. ada setoedjoeh dengen maksoednjá toeant Bijvoet dan pada 24 Juli 1918 angkat toeant Kan Teng Tjoan, Ceremoniemeester T.H.H.K., dijadi wakil T.H.H.K.

U.M.S. di dalem taon 1919 ada niatan boeka sekola-malem. Dengan poetesan dd. 14 Juli 1919 T.H.H.K. loeloesken permintahannja U.M.S. aken pindjem-pake salah-satoe lokaal sekola goena itoe sekola-malem. Jang dikasi pake adalah lokaal jang telah digoenaaken oleh Yueh Soe Sze. Ongkos panerangan dan laen-laen kaperloean sekola ditetepken U.M.S. moesti pikoel sendiri.

Di dalem vergadering dd. 14 Juli 1919 antara laen-laen telah didiriken Hoofdcomité boeat Hoa Kiauw Ay Kok Fonds. Ini Fonds diprojecten ada dijadi Afdeeling dari T.H.H.K. dan bekerdjá me-noeroet Reglement jang Bestuur T.H.H.K. nanti tetepken. Tapi ini Afdeeling tida beroemoer pandjang. Ampir 4 boelan kamoedian, pada 12 November 1919, itoe Hoa Kiauw Ay Kok Fonds di koebraken.

Perkoempoelan Methodist di dalem boelan October 1920 ada minta T.H.H.K. bantoe oewang-oeroenan boeat itoe perkoempoelan berdiriken di Soekasari, Buitenzorg, saboeah gedong model baroe boeat roemah sekola-pertengahan dengen trima moerid-moerid menginep, dan laen-laen poela sebaginja, dengen begrooting f 150.000,—, samentara boeat bantoe oewang-oeroenan boeat itoe perkoempoelan berdiriken di sertaken perdjandjian-perdjandjian. Pada 27 Januari 1921 Bestuur T.H.H.K. bales soerat pada perkoempoelan Methodist, bahoea T.H.H.K. belon bisa ambil bagian di dalem pendirian itoe gedong sekola-pertengahan.

Boeat memadjoeken barang-barang Tiongkok oleh Tiong Hoa Siang Boe Tjong Hwee diadaken conferentie pada 23 Mei 1923, ka dalem conferentie mana T.H.H.K. kirim toeant-toean Khouw Lam Tjiang dan Kho Ke Tjoen sebagai wakil-wakil.

Atas voorstel Commissie Sekola pada 2 November 1923 ada dibriken perkenan pada Kauw Yok Hwee boeat pindjem tempat satoe hari di

## RIWAJAT 40 TAON



## T. H. H. K. BATAVIA

dalem gedong T.H.H.K., jaitoe pada 25 December 1923, aken adaken tentoonstelling dari masing-masing sekola poenja hasil pladjaran.

Satoe antara punt-punt jang diroendingken di dalem vergadering Bestuur dd. 26 Augustus 1924 adalah oendangannja Kong Ek Hie aken T.H.H.K. tjiampoer-tangan dalem gerakannja aken mengadaken satoe perioendjoekan derma, dari pendapatan mana sabagian nanti didermaken pada T.H.H.K., tapi sebagai pembalesan dari itoe derma Kong Ek Hie minta T.H.H.K. kasi bantoean orang boeat djalan koetib oewang. Vergadering ada menimbang, bahoea itoe waktoe ada moesin soesah aken dapetken oewang derma, hingga koe-rang harepan jang gerakannja Kong Ek Hie nanti berhasil, apapoeula dianggep ada koerang soeroep aken satiap kali goenaken nama T.H.H.K. dalem hal tjari oewang derma. Maka diambil poetoesan aken toelak oendangannja Kong Ek Hie.

Berhoeboeng dengan permintahan toendjangan dari Jang Seng Ie, pada 30 October 1924 dipoetoesken oleh Bestuur aken njataken moefaket dengan maksoed Jang Seng Ie dan T.H.H.K. nanti bantoe siarken circulaire Jang Seng Ie pada sa-soeatoe orang jang soeka menoendjang pada gerakannja. Di dalem taon 1932 atas perminta-hannja Jang Seng Ie Bestuur T.H.H.K. ada preksa administratie Hospitaalfonds Jang Seng Ie, jang dioeroes oleh satoe badan Comité, sebagai Verificatie-Commissie.

Di dalem taon 1926 di Malang ada diberdiriken satoe Comité dengan maksoed minta Pamerentch adaken pladjaran bahasa Tionghoa di dalem H.C.S.-H.C.S. Bestuur T.H.H.K., jang telah bitjarkan itoe gerakan di dalem vergadering tanggal 7 April 1926, ada merasa setoedjoeh sekali dengan maksoednya itoe Comité di Malang. Secretaris diwadujibken toelis soerat pada itoe Comité aken njataken itoe rasa setoedjoeh.

Amat kabetaolan sedeng di dalem taon 1926 T.H.H.K. ada njataken iapoena ja sikep tentang pladjaran Tionghoa di dalem H.C.S., pada taon brikoetnja, jaitoe di dalem taon 1927, T.H.H.K. ada hadepken soewal pladjaran Olanda di dalam sekola T.H.H.K. Jang madjoeken ini soewal

ada T.H.H.K. di Soerabaja atas voorstelnja toean The Kian Sing. Bestuursvergadering tanggal 25 Februari 1927 njataken tida moefaket dengan voorstel toean The, oleh kerna toedjoehan dari T.H.H.K. adalah boeat oetamaken pladjaran bahasa Tionghoa.

Kerna katarik dengan maksoednya Chung Hsioh Studiefonds, T.H.H.K. pada 27 September 1927 telah loeloesken permintahannja Studiefonds itoe boeat djadi lid dan bantoe tjariken lid, T.H. H.K. sendiri bajar contributie f 5.— per boelan. Tapi di dalem taon 1929 itoe toendjangan dalem roepa contributie tida dilandjoetken oleh T.H.H.K. Boeat opvoering dari Chung Hsioh Studiefonds, jang diadaken di dalem taon 1928, T.H.H.K. ada briken bantoean dengan satoe dans-nummer dan tentoonstelling handwerken.

Tiga orang Tionghoa di Singapore pada achir taon 1927 ada minta masoek djadi lid T.H.H.K. Tapi ini permintahan tida bisa diloeloesken, dan sebagai gantinya pada toean Hie Thiam Fo di Singapore, jang ada briken soerat-keterangan atas permintahan masoek djadi lid dari itoe tiga toean, dengan poetoesannja persidangan pada tanggal 19 December 1927 dikirimken peratoeran Tiong Hoa Hwe Koan dengan dipoledijken toeantoean itoe berdiriken perkoempoelan T.H.H.K. sendiri.

Pada 12 Maart 1928 T.H.H.K. telah ambil poetoesan aken masoek djadi anggota dari Hoa Kiauw Shia Toan Lian Hap Hwee, satoe persariketan dari perkoempoelan-perkoempoelan Tionghoa jang timboel dari pikiranja toean Tan Kim Sen dan dikapalaken oleh toean Hie Foek Tihoy, jang telah adaken iapoena oprichtingsvergadering dengan bertempat di dalem gedong T.H.H.K., dengan bajar entree f 10.— dan contributie f 5.— Blakangan, dengan poetoesan Kaoem Pengeroes pada 28 Mei 1929, T.H.H.K. kaloeear dari Hoa Kiauw Shia Toan Lian Hap Hwee.

Di dalem boelan October 1928 toean Tan Tek Peng atas nama Chung Hua Congres di Semarang ada minta T.H.H.K. toelis prae-advies tentang „Reorganisatie T.H.H.K.”. Ini soewal Bestuur serahken pada Commissie Sekola boeat dioeroes

## RIWAJAT 40 TAON



## T. H. H. K. BATAVIA

terlebih djaoe dengen dibantoe oleh toean-toean Lim Eng Tjin dan Yie Goan Tek.

Pada 22 Maart 1929 Bestuur trima-baek warta dari Tiong Hoa Tjong Siang Hwee, Batavia, bahoea ada dibikin satoe lotjeng boeat peringatan di koeboerannja Dr. Sun Yat Sen, harga 600 dollar jang dibagi di antara 7 perkoempoelan jang ambil bagian.

Gedong T.H.H.K. banjak kali dipindjem boeat oeroesan-oeroesan sociaal. Boeat seboet itoe satoe-per-satoe ada terlaloe banjak, maka biarlah di sini kita tijatet bebrapa sadja antaranja. Pada 8 November 1929 sore djam 5.30 telah diadaken Theehwee oleh bangsa kita dengen bertempat di gedong T.H.H.K. boeat kasi slamat-dateng pada Volkenbond poenja Commissie Tjandoe; pada 4 Juni 1930 di gedong kita telah diadaken lezing tentang penjakit malaria oleh Gezondheids-Brigade; Fancy-Fair Jang Seng Ie diadaken di gedong T.H.H.K. (1926); sadiek Shiong Tih Hui Afd. Batavia berdiri (1926) sabelonnja ini perkoempoelan

ada poenja clubgebouw sendiri (1933) ia adaken vergadering-vergadering dan perajahan-perajahannya di gedong T.H.H.K., samentara sedari taon 1930 Shiong Tih Hui Afd. Batavia poen ada pindjem lokaal-lokaal boeat iapoenia cursus sore, jang blakangan berobah djadi Sekola Malem Tionghoa; uitvoering dari Anti-Opium Vereeniging diadaken di dalem gedong T.H.H.K. (1931); Comité voor Steun aan Chineesche Werkloozen waktoe baroe berdiri djoega adaken vergadering-vergaderingnya di gedong T.H.H.K. (1933), dimana poen telah diadaken iapoenia Pasar-Malem (1934), dari pendapatan jang mana T.H.H.K. ada dapet 10%.

Boeat kasi slamat-dateng pada Loh Hwa Team dari Tiongkok di dalem boelan Juli 1930, T.H.H.K. telah adaken theehwee bersama-sama laen-laen Hak Teng.

Demikian kita liat, bahoea dari riwajatnya T.H.H.K. ada terbajang banjak hal-hal jang kadadian di dalem siahwee Tionghoa.

## VIII

### SOEWAL-SOEWAL INTERN.

*S*OEWAL-SOEWAL dalem, jaitoe soewal-soewal intern, djoega ada banjak jang pening-penting, jang ada harganja boeat ditijatet.

Kita moelai ini periode 1915 — 1939 dengan mahloemken di sini dermahan f 500.— dari Comité Pasar Gambir di dalem taon 1915, jaitoe 50% kacentoengan bersih atas poengoetan oewang entree.

Di dalem taon-taon pertama dari ini periode teroetama Fonds Amal, jang sebagimana orang taoe pendapetannja ada terdiri dari dermahan-dermahan soedagar-soedagar copra, ada dapat perhatian besar.

Pada 30 Augustus 1915 T.H.H.K. telah ambil poeioesan aken angkat toeantoean Oey Beng Tjo, Tan Tjong Long dan Khouw Tjeng An, sebagai oetoesan-oetoesan T.H.H.K. ka Pandeglang boeat damiken pertjidrahan di antara Kaoem Pengeroes Tiong Hoa Hak Tong Pandeglang dengan beberapa soedagar copra di sana dan sekalian aken atoer permofakatan pada marika-ini boeat kafaedahannja Fonds Amal.

Adalah berhoeboeng dengan oeroesannja Fonds Amal djoega, jang di dalem itoe taon T.H.H.K. telah masoeki rekest pada S.S. aken sewah sapotong tanah di dalem pekarangan station S.S. di Angke boeat berdiriken satoeloods copra di sana, tapi ini telah ditoelak oleh S.S. di dalem taon 1917.

Boeat ini afdeeling Fonds Amal pada 29 October 1915 telah diangkat toeantoean Tan Pia Teng djadi

Inspecteur, dan lebih djaoe ditetepken aken pake satoe penggawe aken oeroes boekoe-boekoe dan laen-laen kaperloeann jaafdeeling, jang sendiri-nja ada djadi satoe organisatie.

Tapi samentara itoe perdjalananja Fonds Amal tida ada terlaloe litjin.

Maka pada 10 Januari 1917 telah dibilitaraken soewal diriken poela satoe fonds baroe, boeat mana hendak diminta, soepaja sasoeatoe soedagar copra soeka titipken oewang f 0.50 boeat saban satoe pikoeel copra jang ia djoegal di Batavia, titipan mana saban tiga atawa bebrapa bocelan sakali, sebagimana jang kamoedian nanti ditentoeken, aken dipolelangken kombali pada jang poenja dengen dibagi sabagian pada agent copra jang soeda toeloeng djoekken copranja dan dipotong sedikit ongkos administratie. Tapi oleh kerna tida bisa didapatken bantoean jang perloe dari kabanjakan agent-agent copra, maka sasoedanja toekar-menoekar pikiran itoe soewal diriken fonds baroe ditoenda doeloe.

Tapi samentara pendirian satoe fonds baroe, jang djoega berdasar di atas perdagangan copra, telah tida kadadian, saliwatnja 2 boelan, atawa dengen terlebih teges di dalem vergadering Kaoem Pengeroes dd. 23 Maart 1917, telah diberdiriken satoe Subcomité boeat Fonds Amal. Anggota-anggota dari itoe Subcomité nanti dipilih dari antara dan diangkat oleh agent-agent copra sendiri dan diwajibkan boeat menilik kahasilan dan kaslamatannja Fonds Amal. Subcomité ini diperkenan-



ken pake ongkos f 90.— per boelan, dengen terambil dari kas Fonds Amal, tapi ini djoemblaah satoe boelan kamoedian dinaeki sampe djadi f 100.—; atas permintahan Subcomité itoe blakanan itoe ongkos f 100.— tida dikaloearken lagi dari kas Fonds Amal, dan didjadiken pikoloannja kas Afdeeling A jang dikaloearken dari pendapatan oewang-bantoean jang Fonds Amal briken saban boelan pada T.H.H.K.

Menoeroet soeratnja toean Kho Kek Tjiang, Volksapotheek di Weltevreden soeka toeroet toeladannja Apotheek Rathkamp & Co. boeat kasi derma 5 cent pada T.H.H.K. atas sasoeatoe recept dokter, jang obatinja orang Tionghoa dateng beli di roemah-obat Stadsapotheek di Pintoe-Besar, Batavia, atawa di salah-satoe roemah-obatinja di Weltevreden dan Mr.-Cornelis. Tapi ini penawaran pada 15 Juni 1917 ditampik oleh Bestuur T.H.H.K. dengen menghatoerken trima-kasi dan dikasi pikiran aken Volksapotheek toendjang sadja laen perkoempoelan Tionghoa di kota Batavia.

Kasereian financien di dalem taon-taon 1917 dan 1918 moelai terasa. Berbagi-bagi pikiran telah dimadjoeken boeat bikin keadahan itoe djadi terlebih longgar, seperti itoe niatan mengadaken loterij oewang, dan lebih djaoe ada di'inget djoega aken adaken Fancy-Fair atas voorstelnja toean Oey Koen Ie, jang djoega kasi pikiran aken adaken pertoendjoekan opera Ngauw Sian Hie, tapi doe-a-doeanja telah tida kadjadian. Djoega pada Chineesche Raad ada dimadjoeken permintahan soepaja subsidie, jang sampe di itoe waktoe besarnya ada f 400.— per boelan, ditambah djadi f 900.—, permintahan mana telah tida bisa dikabuukkan oleh Kong Koan.

Samentara itoe, orang telah sampe di dalem taon 1919, dan di dalem ini taon telah tertjipta „Fonds Lie Hin Liang dan Tan Koei Nio”, jang dengen ringkes diseboet „Fonds Lie & Tan”, jang terdiri dari dermahan besar dari Kapitein Lie Hin Liam.

Adalah di dalem itoe Jaarlijksche Algemeene Vergadering dd. 28 Februari 1919 djoega, dimana pada Bestuur T.H.H.K. telah diperkenankan aken trima itoe dermahan dari toean Lie Hin Liam, pada Kaoem Pengeroes telah dibri kakoeasahan aken

hapoesken hypotheek lama dan taro hypotheek baroe atas perceelnja ini perkoempoelan boeat paling banjak f 40.000.— pada siapa jang bisa itoeng rente paling rendah, perloenza aken berdiriken lagi beberapa roemah baroe aken mengloeaskan sekolah.

Aken berdiriken gedong sekola baroe pada 22 April 1920 telah diangkat satoe commissie boeat poengoet oewang oeroenan oentoek itoe. Ini commissie dipetjah di dalem ampat golongan. Golongan pertama terdiri dari Luitenant Lay Soen Hie, Majoor Khouw Kim An dan Kapitein Lie Tjian Tjoen; golongan kadoea toean-toean Liuw Yuk Kian, Tan Pak Peng dan Lie Soe Sin; golongan katiga toean-toean Lim Tjeng Siang, Tan Sam Kioe, Ong Kek Tjoe dan Khouw Lam Tjiang, dan golongan ka-ampat toean-toean Tan Pié Teng, Ang Hiang Eng dan Lauw Poe. Dengan poetesan Kaoem Pengeroes dd. 20 Juli 1920 telah ditetepken boeat diriken roemah-sekola di samping seblak kiri dari gedong T.H.H.K.

Satindak dengen satindak sekola T.H.H.K. djadi terlebih menjotjoki djeman !

Tapi samentara keadahan sekola ada kaliatan njata kamadjoeganja, keadahan financien ada sebaliknja dari itoe.

Sasoedanja pada 29 Juni 1921 diambil poetesan aken minta Chineesche Raad tambah subsidie, di dalem vergadering dd. 25 Augustus 1921 toean Lim Tjeng Siang, Vice-President, voorstel boeat berichtiar aken bikin tegoeoh kas lantaran keadahan oewang samingkin lama djadi samingkin djelek, kerna kaloearnja ada djaoe lebih banjak dari pada masoeknja. Sebagi kasoedahannja voorstel itoe, di dalem itoe persidangan telah diambil poetesan aken tjoba minta toendjangannja Chineesche Raad poela soepaja subsidie ditambah dan dikasi pindjieman oewang dengen pake tanggoengan, berhoeboeng dengen ongkos sekola jang soeda djadi berat kerna banjaknja moerid-moerid jang sekola dengen gratis, demikian poen moesti dipake lagi ongkos boeat bikin rampoeng itoe lokaal-lokaal boeat klas-klas, dan lebih djaoe T.H.H.K. aken tjoba minta djoega toendjangannja Chineesche Handelsvereeniging di ini kota.

## RIWAJAT 40 TAON



T. H. H. K. BATAVIA

Sebagi balesan atas soeratnja T.H.H.K., pada 4 November 1921 Chineesche Raad kabarken, bahoea (1) boeat samentara waktoe tiga boelan lamaja ia aken briken tambahan tiap-tiap boelan f 200.— pada subsidienja, djadi per boelan f 600.—, sedeng boeat anak-anak-sekola jang ia kasi masoek prodeo pada laen taon (1922) Chineesche Raad aken timbang lagi, dan (2) ia soeka loeloesken boeat besarken hypotheek dengen membri pertambahan kira-kira f 19.000.—, djadi f 30.000.—, dengen rente 4% satahon, tapi moesti menoenggoe laen taon, bila itoe Raad soeda se-dia oewang.

Dengen poetoesannja Jaarlijksche Algemeene Ledenvergadering dari tanggal 25 Februari 1922 telah diadaken djabatan Administrateur sebagi kapalanja Administratie T.H.H.K. Administrateur jang pertama ada toean Lie Koen Tjoe.

Satelah orang sampe di dalem boelan April 1922, orang ada berhadepan dengen keadaan tida enak, bahoea menoeroet peritoengan oewang kas melinken ada tjoekoep boeat dipake kira-kira lima boelan lagi, jaitoe boeat menoetoep tekort saban boelan !

Berhoeboeng dengen ini maka toean Tan Pia Teng, Commissaris, madjoeken voorstel boeat idoepken kombali itoe poengoetan tjoek copra f 0.10 per pikoel dari pembeli-pembeli bangsa Tionghoa; menoeroet toean Tan poenja peritoengan, kaloe sadja itoe pertjobahan bisa berhasil, pendapetannja saban boelan aken tida koerang dari 3 - 4 riboe roepia. Ini voorstel dari toean Tan Pia Teng telah ditrima-baek oleh persidangan Bestuur pada tanggal 11 April 1922. Toeantoean Lim Tjeng Siang, Luitenant Lim Tieng Djoe dan Thio Sek Liang diangkat djadi lid-lid Commissie boeat rempoeken hal itoe lebih djaoe pada soedagar-soedagar copra jang laen.

Roepa-roepa voorstel telah ditrima-baek boeat bikin keadahan kas djadi terlebih tegoeh.

Pada 15 Augustus 1922 telah ditrima-baek voorstel dari Financieele Commissie, jang telah dise-toedjoehken oleh Commissie Sekola, boeat adaken kaartjis-kaartjis aken poengoet oewang dengen pertoeloengannja moerid-moerid dan dibantoe

oleh marika poenja goeroe-goeroe; voorstel dari Financieele Commissie aken poengoet dermahan dari beras loear-negri jang dikasi-masoek ka dalem residentie Batavia 2 cent per karoeng; voorstel itoe commissie djoega aken adaken Pasar-Derma pada hari-taonnja Khong Tjoe, dan aken mengadaken dan kaloearken sluitzegels, zegel-derma dan kartoe-derma. Di dalem ini vergadering djoega telah ditrima-baek penawaran 26% dari pendapetan Pasar-Malem jang aken diadaken oleh Sirene Park pada tanggal 19 - 25 Augustus 1922 dengen pendapetannja dibriken pada perkoempoelan-perkoempoelan Tionghoa di ini kota.

Pasar-Derma, jang pada 15 Augustus 1922 telah ditetepken aken digeraken, telah diadaken pada tanggal-tanggal 24 - 27 Phewee 2473 (14 - 17 October 1922). Pendapetannja, menoeroet verslag T.H.H.K. taon 1922, ada f 16.909.71.

Pada vergadering dd. 14 Juni 1923 Commissie jang diwadibiken oeroes oeroenan atas copra, jang terdiri dari toeantoean Luitenant Lim Tiang Djoe, Ong Kek Tjoe dan Kho Ke Tjoen, rapport, bahoea bebrapa soedagar ada madjoeken kaberratan boeat poengoetan f 0.05 per karoeng dan voorstel aken kenaken sadja f 0.02½ per karoeng berhoeboeng dengen djeleknja perdagangan di itoe koetika, voorstel mana telah ditrima-baek oleh vergadering.

Voorstel toeantoean Lie Kee Tjie, Collecteur T.H.H.K., aken adaken djoega poengoetan di atas lada-item, kerna itoe perdagangan sabagian besar ada dilakoeken oleh orang Tionghoa, ditrima-baek oleh vergadering itoe tanggal djoega, tapi ini poengoetan baroe didjalanken moelai 1 September 1923, berbareng sama poengoetan di atas beras, koffie, lada dan copra pada masing-masing soedagar Tionghoa jang soeka teeken accoord boeat kasi oeroenan f 0.01 per pikoel.

Lebih djaoe di dalem persidangan itoe djoega — 14 Juni 1923 — telah ditrima-baek voorstel aken poengoet oeroenan dari barang-barang kaen (manufacture), tapi ditoenda doeloe didjalankennja sampe poengoetan atas copra telah dikasi berlakoe.

## RIWAJAT 40 TAON



T. H. H. K. BATAVIA

Pada 18 Augustus 1923 telah diadakan pertoendjoekan Opera Derma bersama-sama Tiong Hoa Oen Tong Hwee — U.M.S. dengan perdjandjian, kaloe pendapetannja ada di wates f 4000.— ka bawah itoe nanti dibagi sama-rata di antara T.H. H.K. dan T.H.O.T.H. — U.M.S., dan djikaloe ada lebih, dari djoemblaang jang lebih itoe nanti dibagi 25% pada T.H.O.T.H. — U.M.S. dan 75% pada T.H.H.K.

Dengen perantaranan toeantoean Khouw Keng Tong dan Sie Tjeng Tjoan fa. Muller & Co. telah tawarkan T.H.H.K. djadi iapoenna agent boeat pendjoelan ticket dan moeatan barang-barang ka Tiongkok, dan boeat 1 ticket ia soeka kasi potongan f 5.—. Toeant Tan Pia Teng kasi pikiran boeat serahken lagi itoe oeroesan ka dalem tangannja tiiga soedagar Tionghoa dari berbagi-bagi kaoem, seperti Khe, Hokkian dan Kongfoe, dengen dapet kaoentoengan dari pendjoelan ticket f 3.— per satoenja, sedeng jang f 2.— lagi ada boeat kas perkoempoelan. Boeat atoer ini hal terlebih djaoe dengen fa. Muller & Co., oleh Financieele Commissie telah diangkat toeantoean Tan Pia Teng, Khouw Keng Tong, Kho Ke Tjoen, Sie Tjeng Tjoan dan Lie Eng Seng. Ini semoea hal, jang telah dioeroes oleh Financieele Commissie, telah ditrima-baek oleh Bestuursvergadering tanggal 12 Juli 1923.

Kerna keadahan kas di itoe waktoe tjoema tjoekoep boeat digoenaken di dalem sedikit boelan lagi, maka pada 12 Juli 1923 Bestuur telah angkat toeantoean Luitenant Lim Tiang Djoe, Tan Pia Teng, Tjee Tong Lim dan Thio Sek Liang boeat bitjaraken itoe pada President, toeant Phoa Keng Hek.

Di dalem boelan September 1923 toeant Phoa Keng Hek, jang sampe di itoe waktoe telah teroemeneroes pangkoe dijabatan President sedari T.H. H.K. diberdiriken, ada toelis soerat minta letaki dijabatannja, dengen alesan ia soeda tida koeat, hingga tida bisa menjokoepken kawadibannja.

Bestuur, jang telah bersidang pada tanggal 17 September 1923, tida bisa ambil poetoesan atas ini permintahan dan serahken itoe pada Buiten-

gewone Algemeene Vergadering, jang aken diadakan pada 16 October 1923.

Di dalem ini Buitengewone Algemeene Vergadering aken dibitjaraken: (a) minta pikirannja semoea leden, apa ini perkoempoelan hendak dijalankan teroes atawa dibikin koebra berhoeboeng dengen kakaerangan oewang, (b) keadahan kas, (c) minta perkenan leden boeat taro hypotheek pada roemah ini perkoempoelan, (d) angkat Voorzitter boeat ini perkoempoelan berhoeboeng dengen permintahan brenti toeant Phoa Keng Hek, dan (e) laen-laen hal lagi jang penting berhoeboeng dengen keadahan T.H.H.K.

Ini Buitengewone Algemeene Vergadering pada 16 October 1923 dipimpin oleh toeant Tan Pia Teng sebagai Voorzitter.

Oleh Kassier ada dibatjaken peritoengan, jang mengoendjoek, bahoea tekort saban boelan ada kira-kira f 1500.—, jaitoe sabagian besar ada boeat bagian sekola jang ongkosnya boekan ketjil, samentara masoeknja oewang pendapetan tida berimbang. Secretaris dari Commissie Sekola, toeant Ang Jan Goan, ada kasi keterangan, ongkos sekola soeda djadi begitoe besar boekan sadja dari sebab djoemblaang moerid-moerid ada besar, hingga moesti dipakerdjaken boekan sedikit goeroe dan tempatnya selaloe moesti dibikin loeas, tapi djoega ada dibikin pemisahan dalem oeroesan pladjaran, seperti boeat bagian Inggris laen, bagian Tjeng-im laen, boeat moerid prampoean laen, kerna tida ditjampoer sama moerid lelaki, maskipoen jang paling ketjil, dan lebih djaoe ada sekola-tengah boeat moerid-moerid lelaki, hingga bisa diartiken T.H.H.K. boekan tjoema ada poenja satoe, hanja ampat sekolahsan.

Laloe dipongoet stem boeat punt a dan b, jang memang ada berhoeboengan, dan dipoe-toesken jang T.H.H.K. diadaken teroes.

Soewal taro hypotheek ditoelak oleh lid-lid, dan sebagai gantinya dimoefaket oleh marika boeat T.H. H.K. bikin pindjeman oewang contant zonder tanggoengan pada siapa sadja jang pertaja sampe besarnja f 10.000.—, dan itoe oewang dikombaliken, kaloe T.H.H.K. soeda ada sedia oewang.



Sabelon ini poetoesan diambil, lebih doeloe ada dioendjoek oleh Bestuur, bahoea saldo kas me-linken tinggal f 9000.— lebih, satoe djoemblah jang ketjil sekali djikaloe diimbangken dengan banjaknja lid-lid Afd. B, jang ada 2000 lebih, hingga seandeh dengan mendadak ada 20 lid jang meninggal-doenia, tentoe perkoempoelan tida bisa talangin oewang-bantoean, sebab tida ada oewang-pendjaga.

Di dalem pembitjarahan punt d telah ditrimbaek permintahan brenti dari toeā Phoa Keng Hek selakoe President. Voorzitter telah peringeten djasah-djaschna toeā Phoa, jang telah korbanken tenaga, pikiran, tempo dan oewang aken goenanja T.H.H.K. boeat lebih dari 20 taon lamanja, dalem tempo mana boekan sedikit kasoeke ran-kasoekeran jang T.H.H.K. telah menampak dan kaloe itoe semoea soeda bisa dilintasken itoe ada dari pimpinan jang pande dari toeā Phoa Keng Hek. Di itoe vergadering toeā Phoa telah diangkat djadi Eere-President dengan dihatoerken trimakasi dan dioetaraken pengharepan, agar salandjoeñja ia aken briken iapoenja advies-advies. Sebagi penggantinja diangkat toeā Tan Pia Teng djadi President sampe Februari 1924.

Demikian President jang pertama dari T.H.H.K. telah letaken djabatannya, sasoeanja djadi djoeremoedi ini perkoempoelan 24 taon lamanja.

Pada 2 November 1923 diambil poetoesan aken adaken soeatoe tanda peringatan dari papan, atas mana nanti ditoelis namanja orang-orang jang menderma f 500.— ka bawah, dan dari batoe boeat jang menderma lebih dari f 500.— sampe f 4999.— lebih, samentara jang derma dari f 5000.— ka atas nanti diadaken satoe portretinja jang besar dan ditaro di dalem gedong perkoempoelan.

Inilah ada boeat peringeti marika poenja toen-djangan-toendjangan jang besar pada T.H.H.K.

Pada 20 Februari 1915 T.H.H.K. soeda briken insigne Kie Joe Seng Kong pada toeā-toeā Tan Hok Tin, itoe waktoe 1ste Kassier dari T.H.H.K., Tan Kim San, itoe waktoe Directeur Sekola, Phoa Keng

Hek, President, dan Tan Kim Bo, itoe koetika 1ste Secretaris dari T.H.H.K.

Di dalem Jaarlijksche Algemeene Ledenvergadering dd. 28 April 1924 toeā Tan Pia Teng diangkat djadi President boeat — menoeroet Statuten — 3 taon lamanja, tapi di dalem boelan December 1924 toeā Tan minta letaki djabatannya. Ini permintahan telah diloeloesken oleh Jaarlijksche Algemeene Ledenvergadering dd. 11 Maart 1925, jang angkat toeā Ong Kek Sian djadi wd.-President.

Sampe pada 7 Gogwee 2476 T.H.H.K. soeda berdiri tjoekoep 25 taon. Berhoeboeng dengen ini diadaken pesta tiga hari, jaitoe pada 20, 21 dan 22 Gogwee 2476 atawa 10, 11 dan 12 Juli 1925. Bermoela ini hendak diadaken pada 6, 7 dan 8 Gogwee, tapi kerna tida keboeroe dan ada beberapa alesan laen lagi, maka itoe Pesta Jubileum telah dimoendoerken sampe tanggal-tanggal terseboet. Ini Pesta Jubileum, boeat mana ada dipengoe entree dan ada ditrima dermahan-dermahan, ada satoe succes, sebab pendapatan-bersihnya ada f 32.149.94. Boeat ini Pesta Jubileum tindakan-tindakan jang pertama soeda dilakoeken di dalem boelan October 1924.

Pada 30 October 1925 telah diadaken satoe Buitengewone Algemeene Ledenvergadering, jang bri koeasa pada Bestuur boeat goenaken oewang kas jang lebih dengen djalan membeli perceel-perceel jang mengasi rente tida di bawah dari 10% dan boeat masoeki rekest minta ditambah berdirinja T.H.H.K., jang soeda deket sampe temponja, dengen 29 taon lagi. Boeat itoe pembelian perceel-perceel pada Bestuur dikasiken kakoeasan aken angkat Commissie boeat atoer pembelian itoe.

Berhoeboeng dengen ini, pada 16 November 1925 Bestuur angkat toeā-toeā Lim Tjeng Siang, Ong Kek Sian dan Tjoa Joe Tek djadi lid-lid dari itoe Commissie boeat membeli perceel jang bisa mengasi hasil 10% dalem sataon, jang terdiri dari roemah-roemah ketjil dengen dikasi kakoeaschan penceh aken goenaken oewang tida lebih dari f 30.000,-. Ini ada djadi kasoedahan jang kalietan dari hasilnja Pesta Jubileum 25 taon.

## RIWAJAT 40 TAON



T. H. H. K. BATAVIA

Pada 10 Dcember 1925 kombali diadaken satoe Buitengewone Algemeene Ledenvergadering, jang telah tetepken keangkataannja toean Ong Kek Sian djadi President T.H.H.K. boeat 3 taon lamanja.

Di dalem ini Perhimpunan-Besar Loear-biasa telah ditrima-baek voorstel dari President boeat sclaennja beli perceel-perceel, memegang djoega hypotheek, kaloe bisa dengen dapat rente lebih tinggi dari 10%.

Atas voorstelnja President, pada 3 Mei 1926 telah diadaken Commissie Fonds Amal T.H.H.K. dengan toean-toean Kapitein Lie Hin Liam, Ong Kek Sian, Lauw Soen Bak dan Lim Soen Kim sebagai anggota-anggotanja, aken beroeroesan dengen soedagar-soedagar.

Samentara itoe orang ada merasa, bahoea Statuten ada perloe perobahan, maka pada 26 April 1927 telah diangkat satoe Commissie boeat karang rentjana perobahan Statuten T.H.H.K., dan sebagai anggota-anggota dari itoe Commissie diangkat toean-toean Lim Eng Tjin, Hie Foek Tjhoy, Ang Jan Goan, Nio Joe Lan, Leng Eng Tin, Thio Tiong Bing, Tan Eng Tioe, Tan Boen Seng dan Pang In Liang.

Rentjana perobahan Statuten, pada sasoedanja ditrima-baek oleh Bestuur, telah dimadioeken pada Buitengewone Algemeene Ledenvergadering, jang diadaken pada 16 Januari 1928. Jang teroetama dapat perobahan adalah artikel tentang maksoednja T.H.H.K.

Maksoed ini, menoeroet artikel 2 dari Statuten lama, ada sebagai brikot:

„Maksoednja Pakoempoelan ini aken mengadaken dan memalihara soewatoo fonds jang misti memikoel segala ongkos, sabagimana jang nanti ada perloe boewat :

a. bikin madjoe istiadat bangsa Tjina, saboleh-boleh dengan menceroet atoerannja Nabi Khong Hoe Tjoë serta tida bersalahan dengan adat sopan, dan lagi aken bikin madjoe antara bangsa Tjina pengataoean atas hal soerat-soerat dan bahasa-bahasa ;

b. mengadaken dan memalihara di Batawi dan di lain-lain tumpat di Hindia-Nederland, aken

goena melakoeken apa jang ada terseboet pada hoeroef a di atas ini, roemah-roemah dan sabagi-nja boewat dijadi tumpat-tumpat aken lid-lid doe-doeck berkoempoel, membitjaraken perkaranja ini Pakoempoelan dan lain-lain perkara aken goena orang banjak, demikian djoega mengadaken dan memalihara pergoeroean-pergoeroean aken dapat-ken perkara-perkara jang dikahendaki seperti ada terseboet di atas ini, sanantiasa dengan tida bersalahan sama Oendang-oendang Negri.

c. mengadaken satoe koempoelan dari roepa-roepa boekoe, jang berfaedah aken goena pengataoean dan pengartian.”

Di dalem Statuten baroe maksoednja ini perkoempoelan ada dimasoeken di dalem artikel 3, dan boenjinja sebagai brikot:

„Maksoednja ini perkoempoelan ada seperti berikoet :

a. Madjoeken Onderwijs, teroetama Onderwijs kabangsahan Tionghoa.

b. Berichtiar boeat mengangkat deradjat serta perbaeki kasopanan dan pergaoelan bangsa Tionghoa.

c. Toeloeng-menoeloeng di antara leden dalem hal kasoesahan dan kematian.

d. Mengadaken studiefonds.

Boeat sampeken maksoednja seperti jang terseboet di atas ini perkoempoelan aken berdaja :

Kasatoe : pelihara roemah-roemah-sekola jang teroetama mengadjar hoeroef dan bahasa Tionghoa (Tjeng Im) dan laen-laen bahasa asing serta peladjaran oemoem jang dianggep berfaedah.

Kadoea : pelihara bibliotheek, adaken lezing-lezing serta laen-laen jang berfaedah goena pergaoelan oemoem.

Katiga : pelihara soeatoe fonds dengen djalan mengoempoelken oewang di antara leden goena menoeloeng dan menoendjang leden dalem kaper-loean, kasoesahan dan kamatian.

Ka-ampat : pelihara fonds boeat toendjang (bantoe) onkost-onkost belandjanja moerid-moerid jang miskin dan tiada mampoe aken teroes-ken peladjarannja lebih tinggi.”

## RIWAJAT 40 TAON



## T. H. H. K. BATAVIA

Perbedahan besar jang tertampak di dalem perloekisan maksoed dari T.H.H.K. di dalem Statuten lama dan Statuten baroe adalah, bahoea tida ada diseboet lagi pengardjaran Khong Tjoë sebagai dasar dari T.H.H.K., ada dimasoeki soewal toe-loeng-menceloeng di antara leden dalem hal ka-soesahan dan kamatiian, dan lebih djaoe pengaduhan satoe studiefonds, satoe hal jang di'insaf kaperloeannja, tapi sampe sekarang masih belon bisa diadaken.

Di dalem artikel 2 dari Statuten baroe ada diseboet, bahoea ini perkoempoelan diberdiriken boeat 29 taon 11 boelan lamanja, moelai teritoeng dari 3 Juni 1900, tempo mana kaloe soeda abis aken disamboeng dengan tempo jang sama pandjangna dari 29 taon 11 boelan.

Ini perobahan Statuten telah ditrima-baek dengan Besluit Z. E. Gouverneur-Generaal dd. 1 Juli 1930 No. 2x dan dimoeat di dalem „Javasche Courant“ dd. 18 Juli 1930 No. 57. Dengan begitoe djadi telah ditrima-baek djoega pemandjangan dari tempo-berdirinja ini perkoempoelan, sebagimana jang ada dikandoeng di dalem artikel 2 dari Statuten baroe.

Kerna perminatahan mengadaken sendiri loterij oewang, dan blakangan loterij barang-barang, tida dikaboenken, T.H.H.K. telah madjoeken rekest, soepaja dibriken bagian di dalem loterij oewang besar. Atas ini rekest ada ditrima balesan soerat dari Departement van Justitie tertanggal 17 Maart 1928, jang mengabarken, bahoea permoehoenan itoe tida bisa diloloesken oleh Pamerentah, oleh kerna boeat bantoe ongkos pada sekolahaan particulier Pamerentah selaloe bisa kasi subsidie, asal sadja menoeroet Pamerentah poenja atoeran-atoeran. Djadi dari loterij T.H.H.K. tida bisa harapken apa-apa, sebab boeat sekolahaan-sekolahan particulier ada terboeka dialan boeat minta subsidie.

Boeat menegoehken keadahan financien perkoempoelan, pada 23 Mei 1928 berhoeboeng dengan voorstelnja toean Tan Boen Seng boeat wadibiken orang-toea moerid-moerid djadi lid T.H. H.K., telah diambil poetaesan aken boedjoek hakhoe moerid-lama boeat djadi lid dan hakhoe

moerid-baroe dimoestiken masoek djadi lid Af-deeling A.

Jubileum 30 taon oleh T.H.H.K. telah dirajahken dengen saderhana, dengen adaken perdjamoean thee sadja, pada 3 Juni 1930.

Pada 13 Mei 1930 telah diangkat commissie boeat bikin rentjana perobahan Huishoudelijk Reglement. Ini rentjana perobahan Huishoudelijk Reglement telah ditrima-baek oleh Buitengewone Algemeene Ledenvergadering dd. 29 Maart 1931.

Boeat oendjoek, bagimana ini perkoempoelan ada hargaken orang-orang jang telah bekerdjya lama dengen baek padanja, pada 18 April 1931 atawa Shagwee Tie-it 2482 telah diadaken perdjamoean thee boeat kahormatannja toean Oey Eng Tjiang, djoeroetoelis T.H.H.K., jang djoega dibriken satoe horloge mas brikoet rante sebagai tanda-peringatan.

Pada permoelahan taon 1932 toean Ong Kek Sian, President T.H.H.K., meninggal-doenia; sebagai gantinya oleh Jaarlijksche Algemeene Ledenvergadering dd. 17 April 1932 diangkat toean Ong Kek Tjoe. Dengan perobahan Statuten, lamanja keangkatan President berlakoe poen tjoema 1 taon, boekan 3 taon lagi. Di dalem taon-taon 1933 dan 1934 toean Ong kombali diangkat djadi President.

Moelai 1 Maart 1932 subsidie dari Chineesche Raad, jang di moeka itoe besarnja ada f 600.—, ditoeroenken 10%, kamoedian moelai 1 October 1933 dikoerangi lagi 25%, moelai 1 Januari 1934 djadi f 300.—, dan achir-achirnya moelai 1 Januari 1935 ditoeroenken lagi djadi f 200.—.

Satoe perobahan jang T.H.H.K. dapat di dalem taon 1933 jalah kantoor jang netjes, jang dibikin dengen rombak roemah-samping seblah kanan.

Atas voorstelnja toean Ang Jan Goan, moelai taon 1933 hari-shedjiitnia T.H.H.K. tida lagi dirajahken menoeroet itoengan Imlek, jaitoe pada 7 Go-gwee, hanja menoeroet itoengan Janglek, jaitoe 3 Juni. Itoengan taon Janglek memang soeda di-goenaen sedari taon 1912, sedeng di moeka itoe jang dipake ada itoengan taon Imlek boeat verslag, bajar gadji dan laen-laen poela.

Satoe antara dermahan-dermahan besar di wakte blakangan adalah jang ditrima dari toean

## RIWAJAT 40 TAON



T. H. H. K. BATAVIA

Liauw Yuk Kian, jaitoe f 500.—, boeat perbaeki roeangan jang dipake goena Laboratorium, jang iapoenja ajah, toean Liauw A Joeng, telah bikin-ken boeat T.H.H.K.

Di dalem taon 1936 gedong sekolahana kita telah melar lagi: satoe perceel, jang letaknja di seblah blakang gedong kita, kapoenjahannja toean Gouw Hiong Tjee, telah dibeli dengen harga f 3000.—. Boeat ini pembelian ada ditrima derma-derma sama-sekali banjaknja f 2977.50, antara mana dari toean Gouw Pat Koen f 1000.—. Kerna lebih djaoe ada ditrima kombali kalebihan oewang verponding f 6.97, kas kita djadi tjoema kaloear-ken oewang sadjoembah f 179.13 boeat itoe pembelian.

Kamoedian di dalem taon 1939 telah dibeli lagi satoe perceel ketjil, jang berwatesan pada bagian blakang seblah kiri dari gedong kita, kapoenjahannja toean Oey Kiat Ho dan njonja Tjee Bosen Nio, dengen harga f 750.—.

Moelai boelan Maart 1937 oleh T.H.H.K. diterbitken orgaan officieel, jaitoe „The Pa Hua Monthly” jang moeat toelisan-toelisan di dalem bahasa-bahasa Tionghoa, Melajoe, Inggris dan Olanda. Dengan terbitken ini orgaan adalah djadi maksoednjia Bestuur, soepaja bisa didapetken perhoeboengan terlebih rapet di antara Kaoem Pengeroes dan lid-lid T.H.H.K., dan lebih djaoe soepaja pakerdjhahan-pakerdjhahan T.H.H.K. djadi dikatahoei dengen oemoem.

Boeat djasah-djasah marika, di dalem Jaarlijksche Algemeene Ledenvergadering tanggal 27 Juni 1937 toean-toean Khouw Kim An, Beschermheer dan mede-oprichter dari ini perkoempoelan, Tjee Tong Lim, Vice-President, dan Lim Tjeng Siang, ex-Vice-President dan Voorzitter dari Stichting „Lie Hin Liang — Tan Koei Nio” diangkat djadi lid-lid Kie Yoe Seng Kong.

Ini Vergadering Besar Taanon ada dihadirken djoega oleh toean Phoa Keng Hek, Eere-President dan lid Kie Yoe Seng Kong — helaas, ini ada perhimpoenan pengabisan kali jang toean Phoa Keng Hek koendjoengken, sebab ini toean tida lama poela, pada 19 Juli 1937, menoetoep-mata di dalem oesiah 80 taon.

Di dalem taon 1937 pada 11 April dirajahken peringatan toean Oey Eng Tjiang, djoeroe-toelis kita, soeda bekerdjya pada T.H.H.K. 30 taon lama-nja: ia letaken djabatannja dengen hormat dan daptet toendjangan boelanan.

Ini ada perajahan dienst-jubileum pertama di dalem itoe taon, sebab pada 10 October toean Jo Sie Siang, satoe goeroe kita, memperingetken ia soeda bekerdjya 25 taon.

Huishoudelijk Reglement T.H.H.K. dengen poe-toesan Perhimpoenan Loear-biasa dari Lid-lid pada 19 Juni 1938 telah ditambah. Ini pertambahan ada menetepken hak dan keangkatannja Kaoem Pengeroes.

Di dalem itoe Buitengewone Algemeene Ledenvergadering poen telah diadakan perobahan pada peratoeran Afd. B dan Statuten Stichting „Lie Hin Liang — Tan Koei Nio”, dan lebih djaoe ditrima-baek pengaduhan „Spaarkas T.H.H.K.”. Ini Spaarkas ada briken kasempatan pada lid-lid aken menjimpin dan memindjem oewang dengen rente rendah; kaoentoengannja, sasoedanja dipisah apa jang perloe, aken dibagi pada lid-lid. Ini Afdeeling tida wajibken lid-lid menjetort saban waktoe atawa saban boelan, hanja serahken itoe pada soekanja lid-lid sendiri. Administratie dan Kas ini Spaarkas ada terpisah dari Administratie dan Kas T.H.H.K., tapi ini perkoempoelan ada tanggoeng itoe Spaarkas.

Kerna „pemogokan” moerid-moerid (April 1938) dan papreksahan tentang itoe, di dalem taon 1938 Jaarlijksche Algemeene Ledenvergadering baroe bisa diadakan pada 16 October. Di dalem ini Perhimpoenan-besar sebagai penggantinja toean Gouw Khiam Kiet, jang telah pangkoe djabatan President sadiek April 1935, telah diangkat toean Tan Hoe Teng djadi Voorzitter.

Pada laen taonnja, di dalem Perhimpoenan-besar dari Lid-lid pada 25 Juni 1939, telah dipilih Bestuur boeat taon ka-40 (1939) dari Tiong Hwa Hwe Koan. Sebagi President diangkat toean Ie Tjoen Siang. Lebih djaoe Kaoem Pengeroes taon ka-40 ada terdiri dari toean-toean : Tjee Tong Lim, Lim Soen Kim, Ang Jan Goan, Go Siang Tiat, Liem Kring Hian dan Gouw Khiam Kiet, Vice-President;

## RIWAJAT 40 TAON



T. H. H. K. BATAVIA

Mr. Souw Hong Tjoen, Tan Hoe Teng, Lie Boen Sin, Lim Eng Tjin dan Chun Foo Chun, Adviseur; Tan Boen Seng, Lo Siauw Sien dan Liok Tjoe Beng, Secretaris; Kho Ke Tjoen dan Nio Joe Lan, Penningmeester, dan Kwee Kim Soe, Dr. Kwee Oen Liam, Khouw Yoe Tjoan, Song Chong Sin, Ang Tjin Thay, Liauw Kwie Njie, Liem Khe Jan, Tan Hin Hie dan Ng Sim Kie, Commissaris.

Ada menarik hati boeat meliat, bahoea menoeroet verslag taon ka-39 (1938) dari Tiong Hoa Hwe Koan, di dalem ini taon boeat pertama kali ini perkoempoelan tjoema dapet karoegian ketjil, jaitee f 200.— lebih, samentara di dalem begroeting taksiran karoegian boeat itoe taon ada f 6000.— lebih. Hasil jang begitoe baek soenggoe

ada langka di dalem hikajatnja Tiong Hoa Hwe Koan ! Begrooting boeat taon ka-40 (1939) ada oendjoek satoe taksiran tekort dari f 10.000.— lebih !

Satelah sampe di dalem iapoenja taon-berdiri ka-40, pakerdahan-pakerdahan jang T.H.H.K. moesti lakoeken boleh dibilang soeda ada tergaris dan terloekis dengen tetep : kaloe ini perkoempoelan diandehken trein, iapoenja rails soeda tersedia.

Meliat apa jang sekarang ada, pikiran kita dengan sendirinja melajang balik pada marika, jang dengen pajal-lelah telah berdiriken Tiong Hoa Hwe Koan, dengen penoeh pengrasahan ka-goem dan menghormat.

## J A A R T A L L E N

- 1900 T.H.H.K. dapat rechitspersoon (3 Juni 1900).  
Bikin pindjeman f 40.000.—.  
Oendang goeroe boeat mengadaken „Sekola Tjina”.  
Angkat commissie boeat preksa dan ka-rang oepatjara kamati-an dan perka-winan.
- 1901 Beli roemah dan gade itoe.  
„Sekola Tjina” T.H.H.K. berdiri (17 Maart 1901).  
Afdeeling B atawa Kas Penoeloeng berdiri (1 Kauwgwee 2452 — 12 October 1901).  
Toetoep pada hari-lahir Khong Tjoë.  
Yale Institute atawa Afd. C dari T.H.H.K. di-boeka (1 September 1901).  
Penjiptahan Afd. D atawa Roemah Dokter Amal.  
Sikep T.H.H.K. terhadep soewal potong tauw-tjang dari toean Tjoa Tjeng Jang, Soekaboemi.  
Luitenant Tan Keng Djian, Pemalang, min-ta advies tentang pernikahan jang terha-lang kamati-an.
- 1902 Pertambahan dan perobahan Afd. B (moelai berlakoe 1 Kauwgwee 2453 — 2 Octo-ber 1902).  
„Sekola Tjina” bertambah besar.  
Chineesche Raad kasi subsidie f 225.— per boelan (besluit Chineesche Raad dd. 8 April 1902).  
Fonds Pakean.  
Minta perkenan adaken loterij oewang f 250.000.—.
- Sinshe Tjiong Keng Tong briken pertoeloe-ngean pertjoema pada orang-orang sakit dengen bertempat di gedong T.H.H.K. Pendapatan pertama dari dermahan da-lem tjelengan: f 36.78.  
Masoeki rekest pada P.T.T.-dienst, soepaja ditaro 3 brievenbus di kampoeng Tiong-hoa.  
„Sekola Tjina T.H.H.K. di Bogor” diboeka (3 Tjapgwee 2453 — 2 November 1902).
- 1903 Minta Pamerentah berdiriken sekola Blanda di kampoeng Tionghoa.  
Perobahan ajat 1 fatsal 5 dari Pertambahan Pertama.  
Dr. Lee Teng Hwee brenti djadi kapala dari Yale Institute (1 Mei 1903).  
Toean Kwa Wan Hong, Semarang, tanjaken keterangan, sebab Semarang hendak berdiriken T.H.H.K.  
Toean The Goan Sing, Kedoe, hendak ber-diriken sekola di sana.  
Poerbolingga minta ditjariken goeroe, sebab ingin boeka sekolahan.  
Koendjoengan Kang Yu Wei.  
Toean Tan Kik Dioen, Malang, hendak ber-diriken T.H.H.K. di sana.  
Penawaran goeroe Blanda.  
Consul Fransch tawarkan professor Fransch boeat adjar bahasa Fransch.  
Oendang goeroe-kapala Tionghoa dari Japan.  
Tanah-Abang berdiriken sekola (1 Tjap-it-gwee 2454).

## RIWAJAT 40 TAON



## T. H. H. K. BATAVIA

- Oendang goeroe prampoean Europa boeat pladjaran menjoelam dan mendjait.  
Cheribon maoe toeroet berdiriken „Sekola Tjina” di sana.
- 1904 Trima-baek perobahan dan pertambahan Statuten: ada hak aken berdiriken Tjabang-tjabang.  
Toean Lim Liang Boe derma f 1000.—.  
Toelak boeat trima T.H.H.K. Malang djadi Tjabang.  
Raden Moehamad Oemar, lid Raad Igarma di Kendal, minta keterangan.  
Toean P.A. de Nijs Bik ingin koendjoengi vergadering T.H.H.K.  
Dept. Onderwijs, Eeredienst en Nijverheid minta dikirimken Statuten, Huish. Regl. dan verslag-verslag T.H.H.K.  
Soet Sin Hwee Pemalang berdiriken Sekola Tjina T.H.H.K. Pemalang.  
Beli boekoe di lelang almarhoem toean Tan Boen Koei f 700.— lebih.  
Kwala-Lumpur minta keterangan.  
Roemah Dokter Amal ditoetoep (Juni 1904).  
T.H.H.K. Hoen Kiok Bandoeng berdiri (10 Juli 1904).  
T.H.H.K. Hoen Kiok Tangerang berdiri (30 Juli 1904).  
T.H.H.K. Hoen Kiok Tjiandjoer berdiri (7 September 1904).  
T.H.H.K. Hoen Kiok Buitenzorg berdiri (15 September 1904).
- 1905 „Sekola Tjina” dan Yale Institute didjadi-ken satoe (1 Tjiagwee 2455).  
Perdamian dengen Nederlandsch Verbond Afd. Batavia tentang subsidie boeat berdiriken Sekola Olanda.  
Diriken Fonds „Studie”.  
Minta toko-toko Tionghoa ditoetoep pada hari Tjiengbeng.  
Hoen Kiok di Tanah-Abang berdiri (20 Maart 1905).  
Hoen Kiok di Indramajoe tertjipta (28 Maart 1905).  
Kediri voorstel persariketan T.H.H.K. dan tjari Inspecteur.
- Semarang dan Malang poedijken soewal saroepta peratoeran boeat semoea T.H. H.K.  
Hoen Kiok Buitenzorg berdiri sendiri. Toeloeng korban-korban bahaja-api di Buitenzorg.  
Hendak beli 2 perceel.
- 1906 Perobahan Peratoeran Afd. B ( moelai berlakoe 1 Tjiagwee 2457).  
Notaris H.W. Verloop dimasoeki namanja di dalem ledenijsjt.  
Hoen Kiok Poerbolingga berdiri (22 December 1905).  
Koendjoengan toean Lauw Soe Kie dari Tiongkok.  
Sekola ditoetoep pada hari Minggoe, atas voorstel toean Lauw Soe Kie.  
Boeka sekola malem.  
Dr. Lim Boon Keng minta dikirim moerid-moerid klas tinggi ka T.H.H.K. di Singapore.  
Conferentie di Bandoeng: soewal Inspecteur.  
Hoen Kiok Serang berdiri (15 April 1906).  
Pertjobahan dengen Kweekschool 6 boelan.  
Toean Lie Hin Liam dan Dr. Lim Boon Keng diangkat djadi Eerelid; toean Lie Kim Hok dapat insigne.  
Conferentie di Semarang.  
Soewal onderwijs bahasa Olanda: Dept. O. E. en N. tanja pikirannja T.H.H.K. berhoeboeng dengen niatan Pamerentah aken loeasken pladjaran bagi bangsa Tionghoa. Tetepken Peratoeran Kawin.
- 1907 Toean Tjian Soen kasi-taoe, 30 moerid bisa ditrima dengen vrij di Nanking.  
Rombongan pertama moerid-moerid T.H.H.K. brangkat ka Nanking, dianter oleh toean Thio Sek Liong (2 Februari 1907).  
Hoen Kiok Bandjermasin berdiri (25 Februari 1907).  
Hoen Kick Soekaradjá tertjipta (23 Maart 1907).  
Conferentie Tiong Hoa Tiong Hwe di gedong T.H.H.K. Semarang.

## RIWAJAT 40 TAON



## T. H. H. K. BATAVIA

- Hoen Kiok Soemedang berdiri (11 April 1907).  
 Toean Lie Kim Hok djadi lid Kie Joe Seng Kong.  
 Tiong Hoa Tjong Hwe diganti dengan Djawa Hak Boe Tjong Hwe.  
 Pengaduhan Afd. F (moelai 1 Tjhitgwee 2458 — 9 Augustus 1907).  
 Hoen Kiok Pangkal-Pinang berdiri (27 Mei 1907).  
 Hoen Kiok Banjoemas tertjipta, Beschermheer toeuan J. J. Meyer, Ass.-Res. Banjoemas.  
 Hoen Kiok Tjilatjap terlahir (29 Juni 1907).  
 Hoen Kiok Poerwokerto terdjelmah (21 Augustus 1907).  
 1908 Toeuan D.W.F. Boes Leutjens, notaris-vendumeester Banjoemas, djadi lid.  
 Pemboekahan H.C.S.  
 Hoen Kiok Blinjoe diberdiriken.  
 Pladjaran Inggris ditambah.  
 Controleur B.B., toeuan L.H.W. van Sandick, minta keterangan.  
 Rombongan moerid-moerid kadoea pergi ka Nanking, dianter oleh toeuan Nio Hoey Oen (5 October 1908).  
 1909 Hoen Kiok Krawang terlahir (13 Februari 1909).  
 Adaken examen dengen ditoeroet oleh moerid-moerid dari laen-laen tempat.  
 1910 Toeuan Lim Liang Boe kasi legaat f 3000.—. Soewal berdiriken Sekola Tengah dengan bagian Inggris seperti jang teroetama. Kaloeear dari Djawa Hak Boe Tjong Hwe.  
 Hoen Kiok Soengeiliat berdiri (17 December 1910).  
 President Boedi Oetomo minta hadlirken vergadering.  
 1911 Hoen Kiok Mr.-Cornelis terdjelma (21 Januari 1911).  
 Hoen Kiok Siaoe tertjipta (29 Januari 1911). Toedjoe moerid di Nanking minta dikirimken \$ 700 kerna ada petjah revolutie di Tiongkok.  
 1912 Pake Janglek.
- Hoen Kiok Tasikmalaja berdiri (3 Maart 1912).  
 Hoen Kiok Gorontalo terlahir (5 Mei 1912).  
 Hoen Kiok Keboemen digeraki (26 Mei 1912).  
 Pembijarahan boeat ambil over Tjoe Hoe Tee Beng.  
 Andjoerken Hoen Kiok-Hoen Kiok, jang tida djalanken kawadjibannja, berdiri sendiri.  
 Hoen Kiok Toboali berdiri (27 October 1912).  
 1913 Fonds Amal dari poengoean copra (moelai 15 Februari 1913).  
 Dapet hak boeat koebrahken Hoen Kiok-Hoen Kiok.  
 Pendirian Afd. E dan Afd. Tiong Hak (poetoesan Jaarl. Alg. Ledenvergadering dd. 25 Februari 1913).  
 Tiong Hak dapet pladjaran Olanda.  
 1914 Hoen Kiok Tjilamaja berdiri (25 Februari 1914).  
 Tiong Hoa Im Gak Hwee djadi satoe afdeeling dari T.H.H.K. dan dapet nama T.H. H.K. Im Gak Poh.  
 Toeuan Oh Sian Tieng voorstel adaken Fonds f 100.000,—, dan ia sendiri dengen lantas derma f 5000,—.  
 Hoen Kiok Tjiandjoer berdiri sendiri.  
 1915 Hoen Kiok Tjilatjap dapet hak rechtspersoon.  
 Tiong Hak ditoetoep (1 Maart 1915).  
 1917 Hoen Kiok Bandoeng dapet hak rechtspersoon (sadjek 11 December 1914).  
 Hoen Kiok Boekatedja, Banjoemas, terlahir (22 Juni 1917).  
 Hoen Kiok Tasikmalaja minta hak rechtspersoon.  
 1918 Hoen Kiok Tjiamis terdjelmah (25 December 1917).  
 Hoen Kiok Soemedang dapet hak rechtspersoon.  
 Hoen Kiok Djambang terlahir (7 December 1917).  
 1919 Tertjiptanja „Fonds Lie Hin Liang dan Tan Koei Nio“ (28 Februari 1919).  
 1920 Baboe-sekola Louw Giok Nio brenti.  
 1921 Perobahan Afd. B.  
 Adaken dijabatan Administrateur.

## RIWAJAT 40 TAON



## T. H. H. K. BATAVIA

- Hoen Kiok Tjikoepa terdiri (23 Juli 1921).
- 1922 Pasar Derma (14 — 17 October 1922).
- 1923 Minta Dokter Kasehatan preksa kasehatan-nya moerid-moerid.
- Toean Phoa Keng Hek letaki djabatannya sebagai President pertama : toean Tan Pia Teng diangkat djadi penggantinya.
- Tjamis soeda daptet hak rechtspersoon.
- 1924 Roemadja-poetri tida boleh ditijampoer dengan anak-anak lelaki.
- Aambil over bibliotheek.
- 1925 Pesta Jubileum 25 taon.
- Leerplan baroe.
- Adaken goeroe-kapala pramroeán.
- Briken pladjaran bahasa Olanda.
- Boleh beli perceel sampe saharga f 30.000.
- Toean Ong Kek Sian diangkat djadi President.
- 1926 Setoedjoeh dikasi pladjaran bahasa Tionghoa di H.C.S.
- Bahasa Inggris di klas pramroeán ditoekar dengan bahasa Olanda.
- 1927 Pengadahan Girls Guides dan Boy Scouts.
- Tida trima lid baroe boeat Afd. F.
- Hoen Kiok-Hoen Kiok jang alpah ditijaboet.
- Keboemen minta hak rechtspersoon.
- Hoen Kiok Blinjoe ditijaboet.
- Hoen Kiok Krawang idem.
- 1928 Perobahan Statuten.
- Co-educatie ditrima-baek.
- Soewal lid particulier dari Chineesche Raad.
- 1930 Boekatedja brenti djadi Tjabang.
- Poerwokerto daptet hak rechtspersoon.
- 1932 Toean Ong Kek Sian, President, meninggal-doenia.
- Toean Ong Kek Tjoe djadi President.
- 1933 Bikin baroe roemah samping seblah kanan. Salandoetna hari-lahir menoeroet Janglek: 3 Juni.
- 1934 Robah lokaal-lokaal di seblah kiri.
- Toean Gouw Khiam Kiet djadi President (28 April).
- Pa Cheng Hua Hsiao Lien Ho Hui (Bond van Bataviësche Chineesche Scholen) berdiri.
- 1935 Geraki Padvinderij (installatie pada 15 Oc-
- tober, tertijatet oleh N.I.P.V. sebagai troep No. 22).
- Mengadaken Pa Hua Min Chung I Wu Hsiox Hsiao (15 Juli).
- 1936 Boeka Sekola Dagang Pertengahan dengan cursus 3 taon (Juli).
- Beli perceel dari toean Gouw Hiong Tjee.
- Terbitken „The Pa Hua Monthly“ (Maart).
- Toean Oey Eng Tjiang, djoeroe-toelis, dienstjubileum 30 taon (11 April).
- Toean-toean Khouw Kim An, Tjee Tong Lim dan Lim Tjeng Siang diangkat djadi lid Kie Joe Seng Kong (Jrl. Alg. Ledenverg. dd. 27 Juni).
- Toean Phoa Keng Hek meninggal-doenia (19 Juli).
- Conferentie Onderwijs Tionghoa di Solo, penjiptahan Ho Yin Hua Chiao Chiao Yu Chung Hui (26 - 28 Aug.).
- Moerid Lan Ek Chang dikirim ka Nederland boeat hadlirken Jambore Doenia.
- Toean Jo Sie Siang, goeroe, dienstjubileum 25 taon.
- Geraki Society for Research.
- 1938 Pemogokan moerid-moerid (April).
- Padvindsters T.H.H.K. djadi anggota N.I.P.V. sebagai Groep XV.
- Perobahan Afd. B (19 Juni).
- Perobahan H.R. berhoeboeng dengan keangkatan Bestuur (19 Juni).
- Pengadahan Spaarkas (19 Juni).
- Perobahan Peratoeran Fonds Lie & Tan (19 Juni).
- Conferentie kadoea dari Ho Yin Hua Chiao Chiao Yu Chung Hui di Batavia (27 — 30 Augustus); pendirian Chung Hua Chiao Yu Hui di Solo (24 — 26 December).
- Toean Tan Hoe Teng djadi President (16 October).
- Beli roemah dari toean Oey Kiat Ho dan njonja Tjee Bosen Nio (harga f 750.—).
- 1939 Toean Ie Tjoen Siang djadi President (25 Juni).
- Adaken Normaal Cursus di waktœe sore.
- Terbitken Gedenkboek.